

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



UNIVERSITY OF CALIFORNIA, SANTA CRUZ



3 2106 01209 3909













BIBLIOTHÈQUE MÉRIDIONALE

PUBLIÉE SOUS LES AUSPICES DE LA FACULTÉ DES LETTRES DE TOULOUSE

1<sup>re</sup> SÉRIE.

TOME XIX.

---

LAS  
LEYS D'AMORS

---

MANUSCRIT DE L'ACADÉMIE DES JEUX FLORAUX

PUBLIÉ PAR

JOSEPH ANGLADE

PROFESSEUR DE LANGUE ET LITTÉRATURE MÉRIDIONALES A L'UNIVERSITÉ DE TOULOUSE

MAINTENEUR DE L'ACADÉMIE DES JEUX FLORAUX

---

TOME III



TOULOUSE

IMPRIMERIE ET LIBRAIRIE ÉDOUARD PRIVAT

14, RUE DES ARTS (SQUARE DU MUSÉE)

PARIS, AUGUSTE PICARD, RUE BONAPARTE. 82

1919







**L A S**  
**LEYS D'AMORS**



BIBLIOTHÈQUE MÉRIDIONALE

PUBLIÉE SOUS LES AUSPICES DE LA FACULTÉ DES LETTRES DE TOULOUSE

1<sup>re</sup> SÉRIE.

TOME XIX.

---

LAS  
LEYS D'AMORS

MANUSCRIT DE L'ACADÉMIE DES JEUX FLORAUX

PUBLIÉ PAR

JOSEPH ANGLADE

PROFESSEUR DE LANGUE ET LITTÉRATURE MÉRIDIONALES A L'UNIVERSITÉ DE TOULOUSE.

MAINTENEUR DE L'ACADÉMIE DES JEUX FLORAUX

TOME III



TOULOUSE

IMPRIMERIE ET LIBRAIRIE ÉDOUARD PRIVAT

14, RUE DES ARTS (SQUARE DU MUSÉE)

PARIS, AUGUSTE PICARD, RUE BONAPARTE. 82

1919





# LAS LEYS D'AMORS

---

## [Fº 122 rº] Las Rubricas del ters' libre.

Comensa le ters libres : de las .viii. partz d'oratio e del regimen d'aquelas .cxxv.

De la propietat del nom .cxxvii.

De la substancia e de la qualitat del nom.

Per que foc trobatz e per que es dits noms.

La diffinicions del nom.

La diffinicions de qualitat .cxxviii.

Dels accidens del nom e primieramen de especia.

Del nom propri e del apellatiu e de lors manieras e cauzas en que participo .cxxxix.

[Fº 122 vº] De las manieras del[s] noms apellatius tan primitius quan derivatius.

De las manieras dels apellatius tant solamen derivatius .cxxxii.

Del gendre del nom .cxxxiv.

De qual gendré son las termenatios de *quinhs* vel *qui* .cxxxv.

Del nombre del nom.

De la figura del nom .cxxxvii.

Del cas .cxxxviii.

Per que declinatios no ha loc en romans .cxxxix.

De las habitutz.

De las habitutz comunas.

Per qual manera se pecca hom en las habitutz, mudan, varian, ostan, o pauzan aquelas .cxl.

Per que algunas vetz las dictios no requiero habitut .cxli.

De las habitutz proprias.

1. Ms., *tres* exponctué.

De l'abreuja men e de l'assetja men de las habitutz comunas e d'alcunas dictios .CXLV.

De l'abreuja men e de l'assetja men d'aquestas habitutz Ex, Na, An, e d'alcunas dictios.

De la diversitat de En e de Ne.

De las terminatios dels cazes e prethieramen dels nominatius e dels vocatius singulars e plurals.

De la excepcio del cas .CXLVI.

Dels noms integrals e parcials *oms*, *prozoms*, *coms*, *vescoms*, *clercs*, *lirs*, *santz*, *benezeyls* e de lor alongamen.

Dels mots indifferens, e quoras deu hom dire *homs* oz *hbm* et enayssi d'alcus autres motz indifferens a luy semblans .CXLVIII.

D'aquesta dictio *maestre*; per qual maniera se porta am *nostre* e *vostre* et am los propis noms.

Doctrina de *cor*, *gra*, *sor*, *ga*, *ser*, *or*, *may* e *pro*.

Doctrina de *senher*, o *senhor* o *senhors* .CXLIX.

Del noms termenatz en *ayre* et en *alge*.

De *quis* vel *qui*, e *tant* e *quant*.

Doctrina de *dos*, *tres*, *sieys*, *delz*.

Dels infinitius e d'alcus autres temps pauzats en loc de nominatius.

Dels neutris sustantivatx .CLI.

De las dictios pauzadas materialmen.

De *res*, *verges*, *mol*, *trop* e *mans*.

De *manhs* amb *h* e de *sans*, *lans*, *quans*, *fons*, e dels adjectius [Fº 123 rº] termenans en *s*.

De las dictios termenans en *sh* e de lor alongamen e de *dons* e *lotz* .CLII.

Qual cas deu hom pauzar aprop aquestz verbs *hay*, *soy*, *estuu*, *sab*, *cal*, e aprop los particips.

Dels propis noms e sobrenoms .CLIV.

Dels oblicz.

Dels motz diversificatz e de lor cambiamen, mudamen, trasportamen, creyshemen e mermamen.

Dels motz variables .CLVI.

Doctrina de *fi*, *u*, *dequ*, *aleu*, *caseu* .CLVIII.

D'alcus motz que's podon dire en doas manieras.

Declaratios d'alcunas questios qu'om poyria far.

Del pronom e dels sieus accidens .CLIX.

Del verb .CLXII.

Dels accidens del verb e primier del gendre .CLXIII.

Del temps.

Dels mozes .CLXIV.

De l'especia e de la figura del verb .CLXV.

De las personas del verb.

Del nombre del verb.

Per qual temps e per qual cas deu hom respondre, e per consequen de las tres enterrogatios legals.

De las claus dels mozes e del temps del verb .CLXVI.

De la combinatio del verb, e primeramen de l'indicatiu e de sos temps .CLXVIII.

De la pronunciacio de la primera singular persona del prezen de l'indicatiu am una termenacio ses plus .CLXX.

De la pronunciacio de la primera singular persona del prezen de l'indicatiu am doas termenacios, una propria, et altra abreujada per apocopa solamen.

De la pronunciacio de la primera singular persona del prezen de l'indicatiu am doas termenacios, una entiera et altra per apocopa o per una o motas autras figuras, apocopa mejansan .CLXXI.

De la pronunciacio de la primera singular persona del prezen de l'indicatiu am tres, quatre o mays termenacios, una entiera e las autras abreujadas, per apocopa solamen, e per una o motas autras figuras, apocopa mejansan .CLXXII.

Dels pecz] qu'om soen fay en la primera singular persona del prezen de l'indicatiu d'alqus verbs dels quals tot jorn uzam en nostre parlar.

De la pronunciacio e dels pecz de la segunda persona singular e plural del prezen de l'indicatiu.

De la pronunciacio e dels [Fº 123 vº] pecz de la tersa persona singular e plural del prezen de l'indicatiu .CLXXIII.

De las peccas del preterit imperfag de l'indicatiu .CLXXIV.

De las peccas del preterit perfag de l'indicatiu.

Doctrina de l'imperatiu .CLXXVI.

De las peccas de l'optatiu e de sos temps e de lors semblans en votz, e d'alcus autres temps del conjunctiu.

De l'infinitiu .CLXXVIII.

De l'adverbi .CLXXVIII.

Del particip e de sos accidens .CLXXIX.

De la conjunctio e de sos accidens .CLXXX.

De la preposicio e de sos accidens.

De la interjectio .CLXXXI.



## LIVRE III



[F° 125 r°] **Comensa le ters libres de las .VIII. partz  
d'oratio e del regimen d'aquelas.**

Las partz d'oratio son .VIII.<sup>1</sup> : le noms, le pronoms, le verbs, l'averbis<sup>2</sup>, la conjunctios, la prepozitios, la interjectios; *partz* son appeladas de *partir*, quar per elas son tug li mot qu'om pronuncia partit e devezit, si que son de la una o de l'autra de las dichas partz; o podon esser dichas de *paritat*, quar son en nombre par, sos assaber .VIII. Apeladas son d'*oratio*, quar *oratio*s, segon que nos la prendem ayssi, vol dire aytan cum razos de parlar.

Enayssi cum la us en aquest mon es regitz e governatz per l'autre, ayssi meteysh fan aquestas partz d'oratio; quar le noms e'l particips a maniera de savi home volon regir e governar et esser regit e governat; le verbs, a maniera d'emperador o de gran rey, vol regir e no vol esser regitz; le pronoms, a maniera d'ome fat o d'efan, no sab ni pot regir, ans cove que sia regitz e governatz; la prepozitios, a maniera d'es-cudier o d'ome gentil, azaut e cortés, vol tostemps servir; le adverbis, la conjunctios e la interjectios, a maniera d'ome fol, nò riejó ni volon esser regidas ni governadas.

D'aquest regimen gayre no uzam en romans<sup>3</sup>, si no solamen entre'l nom e'l verb; quar si'l noms es de

1. G. A., II, 6.

2. En marge : *le particips* (XIII<sup>e</sup> s.).

3. G. A., II, 8.

nominatiu requier esser paúzat e regitz del verb de la part denan coma : *Peyres lieg* ; e si es d'acuzatiu, vol esser paúzat apropr lo verb coma : *Peyres lieg la lessó*. *Peyres* es de nominatiu e *la lessó* d'acuzatiu. Et aysso es vers segon la dreyta ordenansa de las paraulas, jaciaysso que tot torne ad una razo coma : *la lessó lieg Peyres*.

Del regimen de las autras partz segon romans no curam gayre ni d'aquestas no hagram que far, si no fos per far differensa entre'l nominatiu e l'acuzatiu.

Nominatius am son verb se deu acordar en nombre et en persona, coma : *Peyres lieg* ; trop seria mal dig : *Peyre liejo*, o : *li home canta*, o : *yeu lieg* o : *vos autri cantas* ; per qu'om deu tot aysso gardar en aquest regimen si que ajuste singular am singular, plural am plural, primera persona am primera, segonda am segonda, tersa am tersa, coma : *yeu canti*, *tu cantas*, *cel* [Fº 125 vº] *canta*, *nos cantam*, *vos cantatz*, *eil canto*.

Tug li nom, pronom e particip son de tersa persona, per que's podon ordenar am verb de tersa persona, exceptatz los vocatius singulars e plurals, que son de segonda, et aquest pronom *yeu*, qu'es de la primera persona del singular, *nos* de la primera persona del plural, *tu* de la segonda del singular, *vos* de la segonda del plural.

Entre'l nominatiu e l'acuzatiu no pot hom assignar differensa en totz los vocables, coma en los nouns termenatz en *a*, coma *bela*, *dona*, *taula*, *porta*, *Psalmista*, ni en los noms integrals, coma *bras*, *pes*, *fals*, ni en alqus autres vocables que no volon .s. en lo nominatiu, coma *aquest*, *aquel*, *cor*, et enayssi de lors semblans. Pero a l'ordenamen de las paraulas los pot hom



conoysser, segon qu'es estat dig; quar le nominatiu s'aordena denan lo verb e l'acuzatiu aprop, coma : *le priors canta la messa, le priors es del nominatiu, canta es le verbs, la messa est d'acuzatiu*; per altra manera ho pot hom conoysher, quar le nominatiu e sos verbs se acordo regularmen en nombre et en persona, segon qu'es mostrat per ysemples.

Ges<sup>1</sup> tug li verb no requiero aprop lor acuzatiu, si donx no son veray actiu o neutri transitiu, coma : *yeu ami Ramon, tu essenhas Bermon*; neutri transitiu, coma : *yeu mangi pa, tu beves vi*. Algun autre verb son appellat neutri absout, quar le fagz que significo rema en lors meteyshes, coma : *yeu viu, tu dormes*; et aytal verb no podon regir aprop lor acuzatiu, si donx no fazian amb ajutori de prepozitio, coma : *yeu vau a vos*; quar mal seria dig : *yeu vau vos*. Et alcuna vetz per figura, coma : *yeu dormi la nueg, velhi lo jorn e studie<sup>2</sup> la lessa et hay estat tres ans en Tholoca*.

Segon lati, havem tres verbs substantius que volon aytal cas aprop coma denan, sos assaber : *sum, fio, existo*. *Sum* vol dir : *yeu soy*; *fio* : *soy faytz*; *existo* : *estau*; et ayssó mēteysh entendatz de totz los autres mozes, nombres, personas e temps d'aquestz verbs. Pero, segon romans, li dig trey verb retorno a dos, sos assaber *soy, estau*, quar *soy faytz* son doas partz; quar aqui es *soy* e *faytz*, per que *soy faytz* torna a *soy*; veus ysemples : *yeu soy leyls*; [F<sup>o</sup> 126 r<sup>o</sup>] *yeu estau sas*; *yeu soy estatz a Paris*; *tu me fas esser dissolut*; *yeu te fau estar paubre o dezastruc*. Et entendats, can dizem

1. G. A., II, 10.

2. Ou *estudie*? *e*, *el* est en abrégé devant le mot.

aytal cas approp cum denan; sian d'u nombre o de divers, coma : *Dieus es totas cauzas ; .I. non es duy o dos.* Ayssó meteys deu hom entendre d'autre cas ; quar si denan hom pauza oblic, approp yshamens deu hom pauzar oblic, coma : *tu me fas estar caytiu, o tu'm fas esser dissolut.*

Et alqu' dopto si hom deu dire : *yeu me soy ufert* o *ufert* ; per que nos dizem qu'om deu dire *ufert* amb *s.* quar aquí es *soy* que vol aytal cas approp cum denan ; quar aquel *yeu me* prenem per nominatiu, so es a dire *yeu meleysh soy ufert*, so es a dire *yeu hay ufert mi meleysh* ; et enayssi pauza hom *soy* per *hay*, jaciayssó ques hom en est cas mays s'atenda al vocable qu'om pronuncia, so es *soy*, ques ad aquel qu'es entendutz, so es *hay*.

Per vertut d'aquestz verbs sustantius *soy* et *estau* son algun autre que requiero aytal cas aprop cum denan, coma : *yeu vau primiers o alegres, torni cochos, bevi o mangi volontiers.* Aquo meteys de gran re d'autres verbs e noms coma : *corri, pregui, bevi, essenhi, gaujos, iratz, alegres, sadols, ples, sols, derriers, corrossatz, cochos, cochatz, vergonhos, envergonhitz,* et enayssi dels feminis e'ls autres lors semblans. E dizem per vertut dels digz verbs sustantius, quar si yeu dic *yeu vau primiers*<sup>1</sup>, soes a dire *yeu vau e soy prumiers*, *yeu vau alegres*, soes *yeu vau o estau e soy alegres*, o pot hom dire que aquí sia noms per adverbi, coma *yeu vau alegres o cochos*, soes *alegramen o cochadamen*,

1. G. A., II, 12.

2. Ibid., 12.

3. La première fois, *pmiers*, avec *i* écrit au-dessus de *p* ; la deuxième, *prumiers*.

*yeu canti volontiers*, soes *volontieramen*, et enayssi dels semblans.

Aquest verbs *sab*<sup>1</sup> algunas vetz s'aordena am nominatiu per esta manera : *le vis me sab bos*, o *milhors me sab le vis que'l pas*; o pot hom dire que per vertut dels digz verbs sustantius se pueca far la dicha locutios coma : *le vis me ha sabor et es bos*; et enayssi de las autras semblans locutios.

Aquest verb *sembla*<sup>2</sup> se pot prendre en doas manieras, la una per apparer, et adonx s'aordena am nominatiu per esta guiza : *aquest sembla bos homs*, so es ap-[Fo 126 vº] *par bos homs*, quo si hom dizia en lati : *iste videtur bonus homo*; l'autra per atrayre o ressemblar, et adonx s'aordena amb acuzatiu per esta manera : *aquest sembla o ressembla son payre*, coma de faytz o de fayssos. E deu hom dir *aquest s'es mortz*, soes a dire *aquest es cauza per qu'es mortz*.

Aquest verbs<sup>3</sup> : *yeu hay*, *tu has*<sup>4</sup>, *cel ha*, vol tostemps acuzatiu aprop si, coma *yeu hay nom Guilhem*; *ayssi ha bel hostal*; *noy ha home en la mayzo*; *yeu hay cent floriz*.

Aprop aquest verb *cal* pot hom pauzar nominatiu o acuzatiu, coma *noy cal declaratios* o *declaratio*.

Aprop aquestz verbs *pregui*, *suppligui*, *servisc*, *obeisc*, pot hom pauzar acuzatiu o datiu coma : *yeu pregui* o *prec Dieu* o *a Dieu*; et enayssi dels autres, jasiaysso que aysso en alcus locz repugne al lati. E pot hom dire : *yeu crezi Dieu* o *en Dieu* o *a Dieu*.

1. G. A., II, 14.

2. *Ibid.*, 14.

3. *Ibid.*, 14.

4. Encre plus pâle; ajouté après coup, mais main ancienne.

5. *Ibid.*

Soen en romans pauza hom actiu per passiu, coma : *Aquesta gleyza se fa per l'avesque, soes [es] fayta ; Cel qu'era mals torna bos, soes es tornatz bos.*

Aquest participi *nomnat* et *appelat*, can son d'oblic, volon aytal meteysh cas aprop o nominatiu en singular et en plural. Et aquo meteysh en lo femini, coma : *del papa nomnat Johan o Johans es la sciensa mot grans.*

Regularmen li participi de temps prezen requiero acuzatiu aprop lor, coma *Cel es temens et amans Dieu.*

En las locutios seguens en lasquals es esta dictios *mestiers* dopto algu, per que aquelas nos declaram, coma *dos homes hay mestiers per adobar mos graniers*; ayssi prenem *dos homes e mestiers* tot essem per acuzatiu; pero miels es dig *de dos homes hay mestiers*. Aquo meteysh cant hom ditz : *tu fas tan longas razos ques han mestiers* .I. *fuelh o dos*, pero miels es dig *d'un fuelh o dos*. Et algu ditz *quey ha mestiers* en singular; et adonx deu hom dir : *us fuelhs o dos*, quar *dos o duy* pot hom dire en lo nominatiu plural. E pot hom ayssi dire *quey ha o quey han*. Et algu ditz *me fan mestiers*, et adonx deu hom dire : *duy home me fan mestiers*.

#### [F<sup>o</sup> 127 r<sup>o</sup>] De la proprietat del nom<sup>1</sup>.

La proprietatz del nom es significar substancia e qualitat, so es significar cauza corporal e no corporal am determenada aprehensio.

*Corporal* pren nom de *cors* et apelam *cors* tota cauza

1. G. A., II, 16.

qu'om pot tocar o palpar o sentir per algu dels .v. sens corporals, coma : terra, fust, peyra, odor, color, sabor, votz, so, calor, frejor. Li dig nom corporal son appellat *nom de primiera impositio*, quar podon esser per lors meteyshes, pauzat que l'entendemen d'ome no fos. Las autras cauzas qu'om no pot tocar, palpar, ni sentir per degu dels .v. sens corporals mas que solamen estan en l'entendemen d'ome e son fargadas per aquel son incorporals, soes no corporals, quar no han cors ; et aytals son apeladas *nom de la segonda impositio*, quar no poyrian esser ses l'entendemen d'ome, coma : vertutz, disciplina, gramatica, nominatius, genitius, sillogismes, oratios, dictatz.

### De la substancia e de la qualitat del nom<sup>1</sup>.

La substancia qu'es enportada pel nom es us significatz lequals es contrapauzatz al plus dreg que pot a l'obra et al movemen oz al significat enportat pel verb.

La qualitat enportada per lo nom non es altra cauza mas una manera de donar entendre que'l significatz enportatz pel nom es en gra general oz especial o singular : general, coma *quantitat*, *aybres*, *blatz*, *bestia*, *accidens* ; especials, coma *homs*, *leos*, singulars o propis, coma *Peyres*, *Robertz*, *Guilhems* o per esta manera. La substancia e la qualitat enportada pel nom es tota cauza significada ses movemen, ses obra, am certa et am determenada apprehensio, so es a dire que'l significatz del nom pronunciatz per algu dona entendre ad aquel que l'au que so ques ha pronunciat es en gra ge-

1. G. A., II, 16.

neral o especial, so es propri o de suppost, enayssi cum es yshemplificat dessus. Per aysso que dizem am certa et am determenada apprehensio ses movemen e ses obra es divers del significat del verb e del particip que signífico temps et obra; per aysso que dizem am certa et am determenada appreh[en]sio<sup>1</sup> es divers del pronom que significa substancia ses qualitat, soes a dire ses determenada apprehensio; quar cant hom ditz : *yeu*, hom no ditz cauza que sia en gra general ni d'especia ni de suppost, cant a la votz; quar cert es que, cant a la votz, no significa re determenadamen sino [Fº 127 vº] aytant can lui dona la demostratios d'aquel que parla, so es que ditz : *yeu*; lequals parlar no pot, sino que sia suppostz, so es singulars, o propis. E per so ditz Pricias que li pronom son cas e vas si<sup>2</sup> defalho de relatio o de demonstratio. Veus donx quo per la diffinitio ques havem donada al nom es divers del pronom e del verb e del particip et yshamens de las autras quatre partz no declinabblas. *El en aysso que dizem que'l noms significa cauza, quar las quatre partz no declinablas<sup>3</sup> no signífico cauza mas dispositio o liam et ordenadamen de cauza, per so la diffinitios del nom sembla assatz be donada; quar so ditz le Philozophes que aquela diffinitios es bona e ben pazuada que declara et esplica la essencia de la cauza diffinida e'l fay haver differensa de tota altra cauza essencialmen; et aquesta es aytals, quar explica e declara la essencia del nom, so es sa materia e sa forma. La materia del nom es significar ses movemen, ses temps e ses obra. La forma*

1. Mot écrit en marge, avec renvoi (xiv<sup>e</sup> s.).

2. Ms. *e va si*.

3. Mots écrits en marge, avec renvoi (xiv<sup>e</sup> s.).

del nom es significar am determenada apprehensio. Veus donx per qual manera esplica e declara la essencia del nom. Et havem yshamens mostrat quo la dicha diffinitios fay divers lo nom de las autras .VII. partz d'oratio; enayssi pot abastar la dicha diffinitios.

### **Per que foc trobatz e per que es digz noms<sup>1</sup>.**

Noms foc atrobatz per qu'om aja per luy pleniera conoyshensa de cascuna cauza a laqual l'entendemens d'ome ha nom enpauzat.

Digz es *noms* de *nomnar* o de *noticia*, so es conoyshensa, quar hom per luy conoysh la substancia e la qualitat de cascuna cauza, ayssi quo es dig lassus, et es ayssi diffinitz.

### **La diffinitios del nom<sup>2</sup>.**

Noms es una partz d'oratio laqual significa e representa qualitat comuna o propria de cauza corporal o de no corporal.

Qualitat comuna de cauza corporal es la comunitatz qu'es donada entendre per nom comu, so es appellatiu de primera impositio, coma *homs*, *leas*, *aybres*.

Qualitat propria de cauza corporal es la particularitatz qu'es donada entendre per nom singular, soes propri, coma : *Alexandres*, *Virgilis*, *Peyres*, *Garona*.

Comuna qualitat de cauza no corporal es la comu-

1. G. A., II. 18.

2. *Ibid.*, 20.

nitatz dada entendre per nom appellatiu de segunda impositio coma : *doctrina, disciplina*.

Propria qualitat de cauza [Fº 128 rº] no corporal es la particularitat donada entendre per propri nom de segunda impositio, coma : *gramatica, logica, artz de trobar*.

### La diffinitios de qualitat<sup>1</sup>.

Qualitat es diversitat per laqual una cauza se des- varia e's detria de las autras, o qualitat es la propietatz de cascuna cauza. Aquest motz *cauza* es tan latz et am- ples que a totes cauzas s'esten, e per so es appellatz noms transcendens, so es que totz los autres motz passa e so- bremonta, quar a tota re se pot aplicar : quar Dieus es cauza, li angel son cauza, homs es cauza, peyra es cauza, vertutz es cauza et enayssi de las autras cauzas. Doas qualitat son en lo nom, la comuna e la propria; la comuna coma : *homs*, la propria coma *Jacmes* o *Martis*.

Li nom que son de comuna qualitat son apelat ap- pellatiu, quar us noms appellatius es cornus natural- mens a motas cauzas, lasquals una meteysha substansa o qualitat abraça e compren generalmen o especial- men. Generalmens, coma *cors animalz*, *cors vivens* o *vegetalius*; especialmens, coma *homs*, *leos*, *cavals*.

### Dels accidens del nom e primieramen d'especia<sup>1</sup>.

Le noms ha .V. accidens : *especia, gendre, nombre, figura, cas*.

1. G. A., II, 20.

2. *Ibid.*, 22.



Especia es elementals, soes literals composítios, per laqual es fayta distinció entre'l primitiu e'l derivatiu. D'especia es litterals composítios, laquals ve e naysh de si meteysha o d'autre. Especia es dicha de *specificar*, quar per especia nos especificam primitiu e derivatiu.

Las especias dels nòms, sian propri o appellatiu, son doas : la primitiva e la derivativa. La primitiva conoysh hom cant no's deshen ni's deriva de deguna dictio, coma *Jacobs*, *Bernads*, *escutz*, *hostals*, *autz*, *bos*. La derivativa conoysh hom quar se deriva e ve e's deshen e naysh d'autra dictio, coma *Peyres* de *peyra*, *Pauls* de *pauza* o de *pauc*, *Johans* de *Ja*, soes *Dieus*, et *Anna*, soes gràcia ; et enayssi *Johans* vol dir *gratia* de *Dieu*. Yshamens havem *amor* de *amar*, *lesso* de *legir*, *paraula* de *parlar*, *seti* de *sezer*, *cortinas* de *cort* e *cort* de *cortezia*, *ramada* de *rama* e *ramu* de *ram*, *capa* e *capayro* de *cap*, *vi* de *vit*, *oli* d'*oliva*, *hostalier* d'*ostal*, *cavalier* de *caval*, *escudier* d'*escut*.

Especia derivativa se fay en .VI. manieras : en votz et en significat, coma *gazanhs* de *gazanhar*, *amors* d'*amar* ; [F° 128 v°] en votz solamen e no en significat, coma : *aquest contrafa la maniera del Lombart*, *la letra de Maynard*, *lo pol*, *lo cat*, *l'aze e'l rossinol* : en significat solamen, coma *huey* que's pren de *jorn* ; per additio, coma *conoyshens*, ajustatz *a* et haurets *conoyshensa* et *a val or* et hauretz<sup>1</sup> *valor*. *dol dolor*, *fol folor* ; per remotio coma *conorta*, ostatz *ne a* : *conort*, *coforta cofort*, *acorda acord* ; per translatio de grec en lati, et adonx ha miels loc segon lati que segon romans, coma de *theos* qu'es dictios greca es pres *deus* qu'es dictios latina, segon

1. Les sept mots qui précèdent sont écrits en marge avec renvoi. (xiv<sup>e</sup> s.).

romans podes dir *thieus* am *th* e que d'aquel *thieus* sia pres o traslatatz *dieus*; e de *patir* grec *payres* e de *matros mayres*. Et aytals derivatios es inpropria, segon la opinio d'alqus.

La primera manera de derivatio es cum filhs leyls; la II<sup>a</sup> cum filhs solamen naturals; la tersa coma filhs adoptius, la quarta se fay per addicio e la quinta per remotio, et enayssi cascuna per formacio.

Derivatios que's fay per contrari reputam per veraya, coma *maleta*<sup>1</sup> de *mal*, per contrari quar mal no fa ni es facha per mal far, mas per be; quar enayssi coma en natura son doas fis, una que fa e complish et outra que destru so qu'es fayt e complit, ayssi meteysh en derivatio, quar la una representa lo significat de son primitiu per affirmatio, et adonx es perfiecha e complida, e l'autra per negatio o per privatio, et adonx es destructiva.

Can la dictios formans e la formada han diversas institutios, coma *conoyshens conoyshensa*, adonx la formada es d'especia derivativa; e can son d'una natura, soes d'una institutio, cum le genitius e'l sieus nominatius, don se forma e'l passius e l'actius; aquo meteysh dels particips, dels gerundius e dels supis; adonx la formada dictios no es d'especia derivativa.

La seyzena se fay per translatio, la quals no fay tostemps leyal derivatio: quar si la dictios latina o romana es del tot d'u meteys significat am la dictio greca o ebrieva, don es preza o traslatada, adonx noy ha drechuriera ni leyal derivatio, mas giramen o mudamen d'una lenga en outra, coma *Jacob*, *Jacmes*, *Jozep*,

1. Sic.

*Jep, Adam, Azam, David, Davi, patir, payre, matros, mayre, pos pes.* Pero can son de divers significat, o sol .I. petit se varia la una de l'autra en la manera del significar, adonx fan leyal derivatio coma *gens* de *ge grec*, que vol dir *terra*, e *pebres* de *pir* [F<sup>o</sup> 129 r<sup>o</sup>] *grec* que vol dir *foc*.

Li nom de figura composta son d'especia derivativa, quar d'aquí don se compono se derivo; e ges per so especia e figura no son una meteysha causa, quar especia regarda la qualitat e figura la quantitat.

Ethimologia<sup>1</sup> de letras non es veraya derivatio, quar non es motz qu'om no'l pogues ethimologizar per letras o per sillabas; et enayssi tug serian derivatiu. Ethimologia es expositios o declaratios d'un vocable per .I. autre o per motz mays conogutz e manifestz en una meteysha lenga, lequals se fay per letras o per sillabas segon la natura de la cauza, coma *femna*, *fenestra*, *enverenada*, *mortz*, *nostra*, *apparelhada*<sup>2</sup>; *solelhs* : *sols lutz* o *sola lutz* o *solamen lutz*, per excellensa, *pigres* : *pes greus*. Et adonx per aquesta derriera manera en romans pot segon alqus far derivatio e composizio. Pero alqus noms pot ésser ethimologizatz en tal manera que no sera compostz ni derivatius, coma *renoyer*, *re no'y ha*; quar d'aquí no's compo ni's deriva, ans o fa be de *reyre* e de *nou*, so es altra vetz *nou*.

Primitiu e derivatiu son dig transumptivamen per alcuna semblansa, quar le primitius es la fons, e'l derivatius le rius, coma de *fort* *fortaleza*, de *bel* *beleza*, *mal* *maleza*, *blanc* *blanqueza*.

1. G. A., II, 28.

2. Explication plus détaillée dans G. A., II, 28.

*Beleza, fortaleza, blanqueza* son d'autra institutio que aquil don se derivo, segon nostre romans e segon lati. *Beleza* se deriva de *bel* e *fortaleza* de *fort*, jaciaysso que Aristotils e li antic philozophe digan lo contrari; quar, segon lor oppinio, enans cove que hom haja forsa o fortaleza que sia fortz, e beleza que sia bels; enpero nos havem, segon romans e segon lati, autre regardamen, soes per qual maniera una dictios se pot formar d'autra miels et plus adrechamen, et quar miels se forma *beleza* de *bel* per addicio que *bel* de *beleza* per remotio<sup>1</sup>, per so aproain la primera, quar may val ganhar que perdre.

### **Del nom propri e de l'appellatiu e de lors manieras e cauzas en que participo<sup>1</sup>.**

Propri<sup>1</sup>s noms es aquel que significa substancia am qualitat propria, coma : *Gilis, Martis, Sicartz, Ermengaus*. Appellatiu es aquel que naturalmens es comus a totz aquels, losquals una meleysa qualitat general o especials compren : generals, coma *cors animatz* o *cors vivens* : especials, coma *homs, leos, cavals*.

[Fo 129 vº] Tres manieras son de propri nom segon romans : le noms propri a nos empauzatz al batejar, coma : *Peyres* o *Bernat*; el sobrenoms, loqual hom tray de son linhatge, coma *Bert, Audiquier*; e'l noms d'aventura, coma *Bert, Audiquier*, en altra maniera apelat *majordome* per so quar era estat *majorsdome* d'alqun gran senhor. Tug aquest trey nom significo aquela meleysa persona que'l propri noms repre-

<sup>1</sup> Les six mots précédents sont en marge avec renvoi.

<sup>2</sup> G. A., II, 30.

senta per se et aquela meteysha propria qualitat, jasiayssó que per diversas cauzas, razos e respieyts sian enpauzat.

Li nom propri et appellatiu han certas cauzas e manieras comunas, en lasquals participo, quar alqu nom son propri et appellatiu corporal e no corporal; propri corporal, coma *Alexandres*, *Frederic*; *Virgili*, no corporal coma la *Doctrina de Salamo*, la *Regla de sant Benzech*; nom appellatiu corporal, coma *homs*, *cavals*, *rocs*; no corporal, coma *doctrina*, *vertutz*, *drechura*, *disciplina*.

En equivocatio participo propri nom et appellatiu propri, coma si'l filhs del rey d'Anglaterra e'l filhs del rey de Navarra o de Castela cascus a nom *Audoart*: appellatiu, coma *fe*, *fe*, *las*, *las*: e quar de equivocatio havem lassus tractat en rim equivoc, per so abaste so qu'en havem dig.

Alqus noms pot hom trobar que podon esser propri e podon esser appellatiu coma *Vidal*, *donat*, *flors*, *clara*, *blanca*.

En sinonimitat participo yshamens li nom propri et appellatiu propri, coma *Bernal*, *Arnaut*, *Barrau*, en altra manera apelat *salvatge*: appellatiu coma *prestres*, *preveyres*, *capelas*.

### **De las manieras dels noms appellatius tan primitius quan derivatius<sup>1</sup>.**

Las manieras dels noms appellatius, lasquals son comunas tant als primitius quant als derivatius, son

1. G. A., II, 36.

aquestas : adjectiu respectiu, quaysh respectiu, gentil, patrial, enterrogatiu, infinit, relatiu demostratiu, combinatiu<sup>1</sup>, collectiu, divizable, finch, general, especial, ordinal, numeral, absout, temporal, logual.

Adjectiu havem e sustantiu. Noms sustantius es cant ses ajutori o ses ajustamen d'autre pot estar en ordinatio de paraulas per se meteysh, coma : *le doctors lieg* ; *le maestres essenha* ; *le capelas canta* ; *le leos rugis e Peyres s'esforça*. Tug aquest nom son dig sustantiu, quar per *doctor*, *maestre*, *capela* e per [F° 130 r°] *Peyre* enten hom certa cauza, so es home qu'es maestres, doctors o capelas oz aquest qu'es appellatz *Peyres*.

Tot lo contrari fay adjectius, quar per si meteysh estar no pot en ordinatio de paraulas ses ajutori ; d'autre nom propri oz appellatiu, coma *bels*, *bos*, *franx*, *azaultz*, *cortes* ; quar si tu dizes : *Bels manja o beu*, hom no enten que vol dire aquel *bels*, si es homs o cavals o altra cauza, quar a cascu se pot applicar ; per que cove qu'om li do sustantiu en que's ferme, coma *le bels cavals corr*, *le franx reys manja*, *le cortes doctors lieg* et enayssi dels autres.

Adjectius significa lauzor o vituperi, meja o acciden : lauzor, cum *bos*, *bels*, *sans*, *drechuriers* ; vituperi, coma *fals*, *mals*, *destyals* ; meja coma *grans*, *naultz*, *lonx*, quar *grans* et ayssi dels autres pot significar lauzor o vituperi ; et enayssi es mejanciers lauzor, com : *grans clercs es aquest*, vituperi, coma : *grans layres es*. Acciden significa can demostra la proprietat de la cauza coma : *corbs negres*, *bona vertutz*, *neus blanca*.

1. Au bas de la page (xvii<sup>e</sup> s.) : « On a oublié ici *assimilatiu* dans les deux registres, mais non dans le détail donné sur chacun de ces mots. »

Aquest vocable *tans quans* I, II, III, IIII, V, VI, VII et enayssi dels autres son adjectiu.

Doas manieras havem d'ajectius, sos assaber adjectiu de votz e de significat, et aytal son veray adiectiu, coma *bels, bos, blanx, fortz*; li autre son adjectiu cant al significat e non ges cant a la votz, ans son be sustantiu cant a la votz, como *maestres, doctors, licenciatz, bacheliers*; quar si tu dizes : *maestre*, yeu entendi home, quar per *maestre, doctor* ni *bachelier* et enayssi de trops autres hom no pot entendre mas home; e per so can dizes : *Maestre Peyre*, le *müestre* es adjectius aqui, quar am nom sustantiu s'ajusta ses tot meja.

Li adjectiu de votz e de significat am lors sustantius se devo acordar en tres cauzas : en cas, en gendre, et en nombre, coma *Peyres es bos e bels*. En cas se dezacordaria, si hom dizia : *Peyres es bo et bel*, prendem *bo e bel* per oblitz<sup>1</sup>. En gendre se dezacordaria, si hom dizia : *Peyres es bona o belu*. En nombre se dezacordaria, si hom dizia : *Peyres es bo e bel*, prendem *bo e bel* per nominatius plurals; aquo meleysh en los feminis, coma *aquesta dona es belas o aquestas donas son bela*.

A dos noms sustantius singulars pot hom ajustar .I. adjectiu plural, coma : *Peyres e Johan son canut*.

[F° 130 v°] Noms respectius<sup>2</sup> es aquel que dece qu'es pauczatz pauza l'autre e dece qu'es destruytz destru l'autre, coma *filhs, payre, sers, senhor*, so es : si yest filhs, tu has payre; si yest sers, tu has senhor. E dejos aquest nom *payre* es entendutz aquest noms *mayres*, quar le masculis coceb lo femini.

1. Le copiste paraît avoir essayé de transformer *t* en *c*.

2. G. A., II, p. 40.

Noms quaysh respectius es aquel que dece qu'es pauczatz dona entendre son contrari, e dece que la us es, l'altres non es, coma *dias*, *nueytlz*, *dextra*, *senestra*, *orbs*, *vezens*, *sortz*, *auzens*; so es si es *dias*, no es *nueytlz*, et enayssi dels autres. Aquest ha semblansa am l'autre nom dessus promdanamen dig, en ayssó que la us per l'autre es entendutz; e dessemblansa en ayssó quar aquel dece qu'es pauczatz pauza l'autre e dece qu'es destruytz destru l'autre, coma *payres*, *filh*; et aquest fay lo revers, quar el pauczatz no pauza l'autre ni se destruch, no destru l'autre, ans dece qu'es destruytz pauza l'autre coma : *jorns*, *nueg*, *auzens*, *sort* et enayssi de lors semblans.

Noms gentils<sup>1</sup> es aquel que pren nom de *gent* d'una regio, coma *Grecz*, *Latis*, *Frances*, *Engles*, *Castelas*, *Aragones*, et ayssi de lors semblans.

Noms patrials<sup>2</sup> es aquel que pren nom d'un pahis, coma d'un avesquat, coma *Tolzas*, *Bordales*, *Caerci*, *Peyragozi*, *Carcasses*, *Narbones*, *Bederres*.

Noms enterrogatius<sup>3</sup> es aquel que enterroga, coma *qui*, *quals*, *quinh*s, *quans*, quo si hom dizia : *qui es aquels*, et enayssi dels autres.

Noms infinitz<sup>4</sup> es aquels qu'es pauczatz infinidamen, que no's determena ad .I. may's que ad autre, coma *qui*, *quals*, *quans*, *que*, *qui*, *qualsque*, *quansque*, coma : *Qui be fara be trobara*, et enayssi dels autres.

Relatius<sup>5</sup> es de la cauza dicha o passada, recordatius

1. G. A., II, 42.

2. *Ibid.*, 42.

3. *Ibid.*, 42.

4. *Ibid.*, 42.

5. *Ibid.*, 42.



o representatiu, quar fay remenbransa d'aquo qu'es passat o dig, coma : *Us doctors es vengutz de Boluenha lequals deu legir a Tholosa*; ve t'aqui lequals que fay relatio e remenbransa del doctor; et enayssi dels autres.

Antecedent<sup>1</sup> appellam la cauza de laqual relatiu fay relatio, so es recordacio o remembransa. E vol dir *antecedens* aytant cum aquel qu'estay o qu'es pauzatz denan, quar tostemps antecedens deu estar denan, quar dona la primera conoyshensa e relatiu la segonda.

En lo relatiu es motas vetz entendutz antecedens, coma : *vejas a cuy daras*, so es : *vejas aquel a cuy daras*, o : *vengutz es qui mal me vol*, so es : *vengutz es aquel que mal* [F<sup>o</sup> 131 r<sup>o</sup>] *me vol*; et enayssi dels autres.

Relatiu et antecedent<sup>2</sup> se devo acordar a tot lo mens en gendre et en nombre, coma : *De mo senhor me remembra, a cuy Dieus perdo*. En cas s'acordo motas vetz coma : *qui ara renha es valens homs*.

Aquest nom *tals*, *aytals*, *tans*, *aytans*, *alertans*, *quans*, *quinhs*, podo esser demostratiu, assimilatiu e relatiu.

*Demostratiu*<sup>3</sup> son quant fan demostransa ad huelh de la cauza prezen coma si yest en la riba de Garona e dizes a mi, demostran Garona : *Vezes tu Garona*. *aytals es Sayna*; aquel *aytals* es demostratiu.

*Assimilatiu* son cant hom es enterrogatz e respon e red razo per la .I. dels digz noms, coma si yeu te enterrogui e dic : *quinhs es Loys?* e tu respondes : *aytals cum Philips*. Pero, segon lati, deuria hom dire : *Quals*

1. G. A., H, 42.

2. *Ibid.*, 44.

3. *Ibid.*, 44 et suiv.

*es Loys?* mas, segon romans, deu hom dire *quinhs*; quar, segon romans, *quals* leumen demanda de la propria substancia de la cauza cant es enterrogatius, per que'l deu hom respondre per la .I. d'aquestz pronomis demostratius *aquest* oz *aquel* o lors semblans, coma : *quals es le reys?* *aquest* oz *aquel*. O pot hom respondre per propri nom coma : *qui yest tu?* *Bernal* o *Guiraut* o *yeu*, jassaiysso que algunas veltz la us per l'autre es pauczatz per far final acordansa e no estiers que no fos vicis.

*Quinhs* es enterrogatius e demanda de la qualitat, si es blanx o brus, naultz, espes o gros; per que cant hom ditz : *quinhs es le reys?* deu hom respondre : *aytals* o *bels*, *azaultz*, *cortes*, *honestz*, *grans*, *naultz* o *paucz*; et enayssi dels autres lors semblans.

*Combinatiu* son cant son pronunciat ses enterrogatio, coma : *quals es le payres*, *tals es le filhs*; *quals es la mayres*, *tals es la filha*.

*Quals* e *qui* soen enterroguo am verb sustantiu et am propri nom; per que adonx deu hom respondre per la .I. d'aquestz pronomis demostratius : *yeu*, *aquest* o *aquel* o lors semblans; quar adonx demanda de la propria substancia coma : *quals es Bertrans?* E cant en la enterrogatio es la us d'aquestz pronomis *aquest* oz *aquel* o lor semblan, adonx enterroga e demanda de la propria nominatio; per que adonx deu hom respondre per propri nom, coma : *qui es aquest?* o *quals es aquest?* *Bernal* o *Peyres*: pero si persona era de dignitat, pot hom respondre per lo nom de sa dignetat coma : *qui es aquest?* o *quals es aquest?* *L'avesques de Tholosa* o'l *reys de Castela* o'l *vescoms de Narbona* o'l *Senhors d'aytal* loc [Fº 131 vº]. E si tant es que en la enterrogacio no

sia verbs sustantius, mas us autres verbs accidentals, adonx pot hom respondre per propri nom o per pronom demonstratiu coma : *Qui corr? Quals parla? Aquest o aquel, Raols o Raynautz*. Enpero, cant hom respon en aquest cas per pronom, no cal doblar la enterrogacio, si per propri nom cove doblar coma : *Qui parla? o Qui canta? Peyres. Quals Peyres? De Prinhac*.

*Qui*, cant es enterrogatiu, no vol encontrar apres si lo nom de la cauza de que enterroga, quar mal seria dig : *Qui senhors es aquel? Qui dona es aquela?* Quar lostemps vol entre<sup>1</sup> se e'l nom de la cauza de que enterroga aquest verb sustantiu *soy, yest, es*, so es qualque dictio del dig verb; per que deu hom dir : *Qui es aquel senhor?* o : *Qui es aquela dona?* De la part denan se pot be ajustar ses meja coma : *Aquel senhor qui es? Aquela dona qui es?* Quar en aquest cas leumen vol apres se verb sustantiu le *qui ses* tot meja, segon romans : per que seria mal dig : *Qui digas es aquela dona?* e dizem leumen, quar hom pot dir : *Qui poyria esser aquel senhor?*

Après aquestas termenacios *quals, quins, quinha* o denan pot<sup>2</sup> estar le noms de la cauza de laqual hom enterroga am meja o ses meja, coma : *Qual senhor es aquel? Quals dona es aquela? Quins hom es? Quinha femna es?* Denan pot estar yshamens, coma : *Aquel senhor quals es? Aquele dona quinha es?*

Noms collectius<sup>3</sup> es aquel que en lo singular significa motas cauzas, coma *gens, companha, ostz, pobles, cavalgada, sirventalha*.

1. Espace et tiret après *entre*.

2. Écrit d'abord *cal*.

3. G. A., II, 48 sq.

Noms divizables es aquel que a sengles. so es a cascu o a motz de dos o de mayes de dos fay relacio, coma *la us, l'autres, casqus, sengles, dos e dos, tres e tres, o de dos en dos, de tres en tres*. Alunas d'aquestas dictios son entendudas solamen de dos, coma *l'altres, la us o l'autres, l'us e l'autres*; et alunas vetz de mayes de dos, enayssi que per la dictio qu'om pronuncia enten hom de cascu, coma *lug o cascus o cadaus de lor*. Et alunas vetz son entendudas de motz aordenatz per engals nombres, coma *duy e duy van, trey e trey estan*, et enayssi de lors semblans.

Noms finhs es aquel que pren nom del so que's fay per la cauza a cuy es enpauzats coma : *tortres, grua, coguls, upega*, quar del so que fay la tor- [Fº 132 rº] tres, so es de *tolo*, pren so nom, e *grua* de *gru*, e *coguls* de *cocuc*, e *upega* de *upupu*.

Noms generals es aquel que's pot partir e devezir en motas partidas especials, coma *cors*; donx *cors* pres en general la us es vegetatiu e l'altres no vegetatiu; no vegetatiu, coma : *peyra, fust, terra; vegetatiu* : alqu es vegetatiu solamen, et alqu vegetatiu e sensitiu, vegetatiu solamen, coma *aybres, herba*; vegetatiu e sensitiu, alqu es razonables et alqu no razonables, coma *homs, femna*; no razonables coma son las *bestias*, li *auzel* e li *peysho*. Et enayssi *cors* vegetatiu e no vegetatiu, sensitiu e no sensitiu, razonables e no razonables son nom general e *homs, femna, leos, bestia, peyshos, auzels*, son especial.

Especials noms es aquel qu'es contengutz solz lo general, segon qu'es estat dig : *aybres* es noms generals e *figuiers, milgraniers et amelhers* son especial.

*Blatz* noms generals; *fromens*, *ordis*, *sivada*, *milhs* son especial.

Noms ordinals es *primiers*, *segons*, *ters*, *quartz*, *quintz*, *seyzes*, *seles*, et enayssi de lors semblans.

Noms absolutz es aquel qu'om per luy meteys enten ses ajustamen d'autre, coma *Dyeus*, *vertutz*, *gleyza*, *sagramens*, *sacrificis*; quar no cal dir *Dieus bos*, quar en ayssó qu'om ditz *Dieus* es entendutz *bos*, *bels*, *sans*, et enayssi de las autras proprietatz bonas. Si vols dire qu'om ditz tot jorn : *Dieus es drechuriers e misericordios*, ayssó ditz hom per gran<sup>1</sup> affectio d'amor. Yshamens no cal dir *bona vertut*, quar vertutz de se meteysha porta la bontat, ni *bona gleyza*, *bos sagramens*, ni *bos sacrificis*. E si tant es que algunas vetz hom o diga, ayssó fa far bona affectios; per que's pot dire, majormen quar aytals locutios se escuza per figura segon que direm en jos.

Noms temporals es aquel que significa temps, coma : *ans*, *mes*, *sepmana*, *jorns*.

Noms logals es aquel que significa loc, com *prompda's*, *lundhas*, e lor semblan.

### De las manieras dels noms appellatius tan solamen derivatius<sup>1</sup>.

Aquestas son las manieras dels noms appellatius solamen derivatius, sos assaber li nom *patronomic*, *possessiu*, *comparatiu*, *superlatiu*, *diminutiu*, *denominatiu*, *comprehensiu*, *verbal*, *adverbial*, *participial*.

1. Ms. *gram*.

2. G. A., II, 52 sq.

Noms patronomicz, segon lati e segon romans, es aquel que's [F° 132 v°] deriva e pren nom dels noms dels nostres payros; et en aytals noms es entendutz *filhs* o *nebotz* am lo genitiu del primitiu; e d'aquestz patronomicz uzavo fort li antic en lati, coma *Petrides*, que vol dir en lati, le filhs o'l nebotz d'En Peyre, *Guillemides*, le filhs o'l nebotz d'En Guilhem; et enayssi dels autres. E per aquesta forma uzam huey, segon romans, dels sobrenoms, so es d'aquels noms que son comu a tot un linhatge, coma li *Audiguier*, li *Cornelha*, li *Prinhac*, li *Mauran*, li *Barravenc*; quar si ieu dic : *Aquest es dels Maurans*, so es del linhatge dels *Maurans*; quar fo filhs o nebotz d'En Mauran, o filhs o nebotz dels nebotz d'aquel primier payre que fo comensamens dels *Maurans*; et enayssi dels autres.

Noms possessius es aquel ques am lo genitiu de son primitiu significa alcuna cauza d'aquo que's possessish, coma *la polpra enperial*, so es de l'emperador; *la vestidura royal*, so es del rey; aquo meteysh : *Aquest enaps es daurat*; o *argentatz*, *armaudatz*, *estanhatz*, so es ques ha alcuna cauza d'aur, d'argen, d'armautz o d'estanh. Yshamens alcu preno nom de las sciencias coma : *aquest es legista*, *decretalista*, *gramatias*, *logicias*. Et algunas vetz de malautias, coma *lebrós*, *gotós*, *linhos*, *lunaycz*, *freneticz*, *auras*, *forsenatz*.

Noms comparatius es aquel que significa ayssi meteysh quo'l sieus pozitius amb aquest adverbi *mays* o *plus*, coma, *mays fort*, *plus bels*.

Comparatio cove saber per haver conoyshensa de pozitiu, comparatiu e superlatiu. Et es comparatios assignatios d'un acciden a diversas causas, a la una segon mays et a l'autra segon mens; laquals ha tres grazes :

*pozitiu, comparatiu, superlatiu* : gra es una manera de significar aquela cauza en que's fay comparatios. Le *pozitiu* es aquel que no pren lunha forma d'autre, mas que el *mezeysh* se pausa, coma *bels, blancz, negres, lonx, fortz, savis, astrucz*. Le *comparatiu* es regularmens aquela *meteysha* votz del *pozitiu* amb aquest adverbi *mays* o *plus*, coma : *aquest es plus bels ques aquel, o mays blancz, o plus lonx, o mays savis, o plus certz*. E segon aquesta manera, impropriadament havem nos *comparatiu* en romans; quar, segon romans, cant yeu dic *mays savis* o *plus bels*, aquel *mays* es una dictios e'l *savis* es outra dictios; aquo *meteysh* de *plus bels*, quar en lo lati per aquest dos motz es us motz solamen, [F<sup>o</sup> 133 r<sup>o</sup>] coma *albior, mays blanz, felicior, plus astruz*, et enayssi de lors semblans. Aquo *meteys* pot hom dire del *superlatiu* del qual devem dir enjos.

Empero en romans havem un altra manera de *comparatiu*, en losquals no qual dire *mays* ni *plus*, quar assatz es entendutz per la dictio *meteysha*, ayssi co havem dig del *comparatiu* del lati, coma *bos, milhors, grans, majors, paucz, menors* : quar en aquest no qual dire *plus milhors* ni *mays majors* ni *plus menors*. Aquest derrier *comparatiu* peccan cant a la votz; et enayssi havetz doas manieras de *comparatio* segon romans, quar, segon lati, n'avetz tres. La primera, segon romans, es de votz e de significat cant al *pozitiu* e'l *comparatiu*, coma, *bela, belazor, sobrebela, genta, gensor, sobregenta*. La segonda es de significat e no de votz, coma *bos, milhors, grans, majors, paucz, menors*.

Li nom *sustantiu* no recebo *comparacio* ni'l *pronon*, quar li *pronon* significo mera e pura substancia, laquals nos pot mermar, creysher ni remetre,

coma *doctors, maestres, bacheliers, yeu, tu, aquel, aquest*. Li veray adjectiu, que significo qualitat o quantitat, recebo comparacio; qualitat, coma *bos, mals, bels, savis, astrucz*; quantitat, coma *grans, paucz, loncz, gros*.

Li comparatiu s'aordeno leumen, segon romans, am nominatiu, mejansan aquest adverbi *que*, coma *aquest es plus savis ques aquel*: e per so aquest *que* es appellatz adverbis comparatius. E no deu hom dire *que no*, coma *Peyres es plus savis que no Guilhems*, si doncz no era aqui verbs entre'l *que* e'l *Guilhems*, o aprop, coma *Peyres es plus savis que no es Guilhems* o *que Guilhems no es*, o *Peyres se governa miels que Bertrans no fe lunh temps*, jassiaisso *que* pauzar negatio en aytal locutio sia mot contrari al lati.

*Gens e genta* son pozitiu, e d'aqui son format duy veray comparatiu en votz et en significat e ses apostura de *mays* e de *plus*, coma *gensers* e *gensors*. E cascus d'aquestz pot esser applicatz al masculi o al femini; yshamens *belazors* ve de *bela* e son del femini.

Alcunas vetz li comparatiu s'aordeno amb ablatiu am sen de *de*, coma *yeu am la plus bela de tolas*, o *enayssi la majors, menors, belazors, melhers, melhors, gensers, gensors de tolas es ma parenta*; *enayssi*: *non hi ha plus apte de mi*; *vejatz si's pot dir miels de be*; *yeu soy le plus fortz d'esta ost*; *tu yest plus nautz de toltz*.

E [F° 133 v°] jassiaisso *que* en aquestz locz et en alqus autres caja be, quar es acostumat de dire per alqus, pero en totz no se sec, quar ges no seria bel dig: *yeu soy plus blancz de Bertran* o: *tu yest plus nautz*



d'aquel o : *aquel es plus fortz de te*; per que cel que ordenara lo dig comparatiu per aquesta manera garde que sia acostumat de dire, quar estiers seria vicis.

Le superlatius es le ters gra[s], que vol dir sobremontans, quar sobremonta per creyshemen o per meramen lo pozitiu e'l comparatiu; quar enayssi cum le comparatiu sobremonta lo positiu, le superlatius sobremonta lo comparatiu, e per consequen lo pozitiu. Pronunciatz es le superlatius amb aquesta dictio *sobre*, coma *sobre bos*, *sobre bels*, *sobre savis*.

Noms diminutius es can diminuish e merma lo significat d'aquel don se deriva, coma de *gleyza gleyzeta*, de *hostal hostalet*, de *Bertran Bertrando*.

Noms denominatius es ditz solamen quar pren de son primitiu, non pas per alcuna especial significatio, quo fan las autras manieras del nom sobredichas. E veus las formas dels noms denominatius, coma de *savis savieza*, de *durs dureza*, *bels beleza*, *cortes cortezia*.

Noms comprehensius es aquel que compren en se e conte molteza, coma *granier*, *pesquier*, *librari*, *sacristia*, *vestiari*, *psalteri*, *plantier*, *vinhier*.

Noms verbals es can se deriva del verb, coma de *conorta conortz*, *d'amar amayres*, *amadors*, *amayritz*, de *teysher teysheyres*, *teyshedors*, *teysheritz*; *amors*, *honors*, *valors*, *lessos*, *dictios*, *donatios*, *revocatios*, et enayssi dels autres lors semblans.

Differensa es, segon romans, entre *amans*, *amayres*, *amadors*, *legens*, *legeyres*, *legidors*, *teyshens*, *teysheyres*, *teyshedors*, et enayssi de lors semblans. Quar aytal mot que's termeno en *ans* o en *ens* son particip regularmen e significo temps prezen; et enayssi aquel es *amans* entre que ama, *parans* entre que para, *legens* entre que

lieg, *teyshens* entre que *teysh*; per que aytal mot son appellat, segon romans, *actual*. *Amayre*, *legeyre*, et enayssi de lors semblans significo habit, quar aquel qu'es *amayres* ha l'abit, so es la maniera e'l saber d'amar, si amar volia; et aquel qu'es *legeyres* de legir, e'l *teysheyres* de teysher, si teysher [F° 134 r°] volia; per que aytal mot son appellat *habitual*. *Amador*, *parador*, *teyshedor* et enayssi dels autres lors semblans podon esser pres en significatio activa o passiva; si de activa, adonx vol dir *amadors* cel que amara, *paradors* cel que parara, *governadors* que governara; si de passiva, adonx podon esser nom o particip; si nom, adonx vol dir *amadors* dignes d'esser amatz, *blasadors* dignes d'esser blasmatz, *punidores* dignes d'esser punitz. Si particip en significatio passiva, adonx vol dir *amadors* aquel que sera amatz, *coronadors* aquel que sera coronatz; pero, segon romans, leumen los prenden per noms, coma *lauzadors* dignes d'esser lauzatz. Et aytal mot son dig *applicatiu*, quar podon esser applicat activamen o passivamen, nominalmen o participalmen. Empero aytals motz en *ayre*, et en *eyre*, coma *parayre*, *teysheyre*, et en *or*, coma *parador*, *teyshedor*, *trobayre*, *trobador*, segon romans, prendem e pauzam soen la .i. per l'autre.

Alqu mot son en lati que's termeno en *bundus*, los quals pronunciam en romans en la una maniera dessus dicha, coma *amabundus amadors*, et adonx, segon la maniera del lati, aquel *amadors* vol dir semblans ad aquel que ama; pero d'esta maniera nos no curam, quar gayre non uzam en romans.

Noms *adverbials* es can se deriva d'averbi, coma de *sobre*, *sobiras*, *sobranciars*, *sobransasaria*, et enayssi dels sycus semblans.

Noms *particip[i]als* es can se deriva de *particip*, coma de *negligens negligensa*, *conoyshens conoyshensa*, *alegrans alegransa*, *duplans duplansa*, et ayssi de lors semblans.

### Del gendre del nom'.

*Gendres* es differensa o senhals per loqual hom conoysh quals dictios es del masculí, del femení, del neutri, del comu o del omne. De *genos* grec, que vol dir *natura*, pren so nom gendres o de *engendrar*, en cant que toca aquels que podon engendrar, coma le masculis e'l femenís, liqual son veray gendre.

Doas manieras son de gendre : *real* e *vocal*; *real*, soes *cauzal* de *cauza*; quar a la *cauza* conoysh hom si es de masculí o de femení, coma *homs* et *femna*, *propheta*, *papa*. Ges aquestas dictios *homs* e *femna* no son de gendre real, mas solamen la *cauza*, so es aquel cors loqual hom enten per esta dictio *homs* o *femna*; et enayssi dels autres; *vocal* soes de *votz*, quar [F<sup>o</sup> 134 v<sup>o</sup>] en la *cauza* entenduda per la *votz* no pot hom trobar *natura* de masculí ni de femení per la manera dicha en lo real, per que en est cas cove qu'om s'en torne a la *votz*. E si la *votz* es mays apta e covenabbla al masculí que al femení, adonx aytals *votz* es del masculí e pel contrari, coma *vergiers*, *celiers*, *foez*, *libres*, *codis*, *fluis*: del femení, coma *taula*, *porta*, *cadiera*, *ayga*, *poma*, *naus*, *claus*: et enayssi de lors semblans.

Quals termenatios son mays aptas e covenablas al masculí que al femení o pel contrari, ayssó pot hom haver per bon uzatge de parlar.

Segon lati, en lo nom son regularmen .V. gendre principal, le masculis, le feminis, le neutris, le comus e l'omnis; pero, segon romans, no son mas quatre gendre principal, quar omne non havem. Del masculi e del femini reals e vocals es estat dig et exemplificat. Neutri gendre non havem regularmen, si donx non es sustantivatz, coma *mal* e *greu* m'es, *tot es fayt e complit et acabat*, o *tot so qu'es dig es bo*, et enayssi de lors semblans. Comu gendre conoysh hom al significat, soes cant, segon lo significat, una meteysha votz pot hom applicar al masculi oz al femini, coma *verges*, *gensers*, *gensors*, *serpens*, *grans*, *leyals*, *liberals*, *gentils*, *subtils*, *humils*. E regularmen de totz los particips, coma *conoyshens*, *rizens*, *parlans*, *razonans*, *preguans*, *essen-huns*, *legens*. E dizem regularmen, quar en totz no se sec, quar *jauzens*, *dolens*, cant que sian particip, son del masculi tan solament segon romans.

La pronunciatios del lati es outra d'aquela del romans e per so quar han votz *diversas le gendres del romans*<sup>1</sup>, lequals se conforma segon la votz, es motas vetz divers d'aquel del lati; per que no's meravilhe degus, quar le gendres del romans no s'acorda amb aquel del lati, majormen quar si segre voliam lo lati del tot en aquest gendre vocal, layshariam del tot nostre uzatge acostumat e nostra manera de parlar, coma *bon' amors*, *bela flors*, *clara fons*, *ferma paretz*, quar segon lati deuriam dire *bos amors*, *bels flors*, *clars fons*, *ferms paretz*, e seria mal dig per la razo sobredicha.

Cascus si vol parlar bon romans deu saber lo gendre

1. Les mots soulignés sont écrits à la marge intérieure, avec renvoi (xiv<sup>e</sup> s.).

per que sapia ajustar masculi am masculi e femini am son par, coma : *le rey es francz, la regina es bela*, quar mal seria dig : *le reys es franca, la regina* [Fº 135 rº] *es bels* ; per que en pronuncialio de gendre deu hom gardar bon uzatge e longamen en diversas terras acostumat. E segon ayssó, podetz vezer que peco contra gendre cil que dizo : *per aquesta arma pecador*, quar devo dire *pecayritz*.

Habitutz masculinas deu hom ajustar am cazuals de masculi, coma : *le reys canta o li rey son hondrat* ; e las femininas am cazuals de femini, coma : *la regina canta o las reginas son honradas* ; estiers seria vicis. Per que se peco cil que dizo *totas las ordes d'esta vila son ajustat*, o qui ditz : *la propheta, la papa*, quar devon dir : *tug li orde, le propheta, le papa*, et enayssi de lors semblans. Us es indifferens cant a l'abitut, solamen quar hom pot dire *le us de vos dos es prozoms*, o *la us de nos autres dos es mesongiers*. E poyretz dire *le planeta o la planeta, le mars o la mars, le sancz o la sancz, le mels o la mels, le laytz o la laytz*. D'aquestas habitutz devem tractar enjos pus plenieramen.

Dig havem que, segon lati, son .V. gendre regularmen, quar .I. autre gendre havem appellat en lati : *epychenon*, que vol dire en romans *sobrecomu* ; quar algunas veltz, sotz lo nom del masculi, es entendutz le feminis, e pel contrari ; e d'aquestz havem motz yshemples en romans, coma : *austors, esparviers, papagays, falcos*, quar per aquestz mascles enten hom las femelas, quar ges hom no ditz *austora, esparviera, papagaya, falcona* ; per contrari coma : *aygla, grua*,

1. Les folios cxxxv-cxxxix sont foliotés par erreur cxxv-cxxix.

*calla, auca, alauza, copada, perditz. Aquo meteys pot hom trobar en los noms d'algunas bestias, coma : conilhs, lebres, mostela, talpa.*

**De qual gendre son las termenacios  
de quals vel qui<sup>1</sup>.**

*Quinh* es del masculi e *quinh* del femini, *quinh* o *quenh* del neutri substantivat.

*Qui* pot esser pausat en tres manieras : *enterrogatius*, *relatius*, *infinitz*<sup>2</sup> : si *enterrogatius*, adonx<sup>3</sup> en lo nominatiu singular es de comu gendre; coma : *qui es aquels ? qui es aquela ?* aquo metesyh *quals*, coma : *quals es aquel ? qual es aquela ?* Ayssi meteysh *cuy* es *enterrogatius* o solamen *relatius*<sup>4</sup>, coma : *am cuy vas ? De cuy yest ? la dona am cuy estas es gentils femna ; le maestres am cuy auzes es bos clercz*. Si *qui* es *relatius*, adonx es del masculi, coma : *le maestres qui lieg es bos clercz*, et en est cas pot hom dire *qui* o *que*, pero *qui* en aytal locutio no's pot be applicar al femini, quar mal seria dig : *la dona qui canta es ma parenta*, quar hom deu dire *que* e no *qui*.

[F° 135 r°] Si la dicha termenacios *qui* es *infinitz*, adonx es del masculi, coma : *qui be fara be trobara ; jassiaysso que per figura en aquel qui puesa esser entendutz feminis ; pero si hom parlava per esta maniera expressamens de femini, covenria que hom*

1. G. V., II. 74. sq.

2. *is*, exponctué.

3. A la suite *nx*. exponctué.

4. Les cinq mots qui précèdent sont écrits en renvoi en marge. (XIV<sup>e</sup> s.).

pauzes *que*, coma : *aquela que miels cantara sera lau-  
zada*. En lo genitiu dizon algu per esta maniera : *la  
regina de qui yeu soy clerç es coronada*; e devon dire  
*de que yeu o de laqual*; pero *de cuy* es trop miels dig.  
En lo datiu dizon algu : *la regina a qui Dieus ajut*  
*es bela e graciosa*; e devon dire *a laqual*; pero miels  
es dig *a cuy Dieus ajut*, o pot hom dire *cuy Dieus ajut*<sup>1</sup>  
*ses a*, quar assatz mostra le *cuy* qu'es de datiu ses  
habitud de *a* per la conveniensa qu'es ha am lo lati.  
En l'acuzatiu dizon algu : *La regina qui tant hay pre-  
guada me ha yshauzil*, e devon dire *que o laqual*. Et  
en est cas no deu hom dire *cuy*, quar es propriamen  
del datiu, si doncz no havia habitut de genitiu, coma  
*de cuy* o si no havia de part denan prepozitio, quar  
adoncz si la prepozitios era tals que servis a l'acuzatiu  
seria del acusatiu, coma *per cuy*, si a l'ablatiu, seria  
d'ablatiu, coma *de cuy*, *am cuy*. Et enayssi-l pauzet  
N'Ath de Mons can dish :

Falhir ses mal cujar  
Deu hom leu perdonar,  
Quar leu ve falhimens  
Entre dos bevolens;  
E si suffrir no'l vol  
Cel vas cuy falh los tol<sup>2</sup>.

Ve t'ayssi vas *cuy*.

En l'ablatiu algunas personas dizo enayssi : *La re-  
gina am qui tu estas es mot devota*; e deu hom dire *am  
que o am laqual*; pero trop miels es dig *am cuy*. N'Ath  
de Mons lo pauzec enayssi can dish :

1. Les sept mots précédents en marge, avec renvoi.

2. Ed. Bernhardt, II, v. 966-969.

Deu atersi gardar  
Am cuy volra parlar'.

En lo nominatiu plural dizon alqu : *totas las donas qui huey son am mo vol serian pros femnas* ; e devon dire : *que huey son*. En los autres cazes del plural no vezem gayre pecar, quar en totz ha *quals* o *quinhs* o *quinhas* am lors habitutz.

*Quinhs* fay *quinha* e *quinhas* ; mas *quals* no's vol mudar ; per que dizon mal aquel que dizon *quala* e *qualas*.

A cuy o cuy pot esser del plural e del masculi o del femini, coma *Mans vey a cuy desplay sabers* ; *mantas gens vey cuy sens non es donatz*. Aquo meteysh en los autres cazes del plural.

*Que* pot esser de tot gendre e de tot cas, exceptat lo datiu e de singular e de plural.

### Del nombre del nom'.

Nombre pot hom cossirar realmen o vocalmen, so es segon la cauza o se [Fº 136 rº] gon la votz. Si segon la cauza, als non es nombres sino singularitatz o pluralitatz o collectios, so es ajustamens d'unitatz. Si segon la votz, adonx nombres non es altra cauza mas maniera de donar entendre si la votz representa una cauza o motas ; et enayssi, segon la votz, nombres es forma de dictio, laquals pot far divizio o distinctio d'aquela quantital que devezish e declara, o per si meteysha, coma *roza* o *rozas*, oz amb ajutori d'austras, coma : *aquesta flors es bela* o *aquelas flors son belas*. Devezir o

1. Ed. Bernhardt, v. 541-542.

2. G. A., II, 80 sq.



declarar quantitat als non es sino detriar e conoysher a la qualitat, so es a la forma de la dictio, si hom parla d'u o de motz, so es si la termenatios es de singular o de plural; et aysso es vers quant a la votz e no quant al significat, quar aquesta votz *casqus* cant a la votz es de singular et cant al significat es de plural; et aquo meleysh *companha, gens, maynada, pobles, toltz, cavalgada, ostz*, et enayssi dels autres collectius. *Casqus* d'aquestz dos nombres, segon votz e segon significat, sembla que sia en alqus noms; quar aquesta dictios *homs* es del singular et enayssi ha nombre segon significat, quar solamen s'enten d'un home. E cant hom ditz *tolz homs* o *cascus homs*, ara sembla que signifie molteza d'omes, et enayssi que haja nombre yshamens segon la votz; pero aquesta molteza pren e recep de la dictio a si ajustada e non ges de la forma de la sua votz.

Nombres singulars propriamens non es nombres, quar unitatz non es nombres; mas per so ha hom acostumat que l'apele nombre, quar li altre nombre se preno de luy, quar le nombres d'u doblats o multiplicatz say nombre.

En lo nom son duy nombre, le singulars e'l plurals. Le singulars parla d'una cauza, coma : *Le capelas canta*, e'l plurals de motas, coma : *Li capela canto*.

*Nombres* pren nom de *nombrar*, o, segon alqus, del nom d'aquel que trobec nombre, lequals havia nom *Numa*.

*Cascus* en son parlar deu gardar nombre, si que'l singular ajuste am singular e plural am plural, coma : *Le reys ve*; *li rey veno*; o *roza blanca, rozas blancas*; quar si hom dizia : *le reys veno* o *roza blancas*, o pel

contrari, peccaria en nombre, quar la us seria del singular e l'altres del plural.

Duy nominatiu singular ajustat am compulativa<sup>1</sup> valon .I. plural, per que's podon ajustar am verb plural, coma : *Peyres et Aldricz veno*; [F<sup>o</sup> 136 v<sup>o</sup>] et ajustat ses copula requiero verb singular e no plural, coma : *Le pros coms guerreja*; *Maestres Peyres lieg*. Finalmens si us nominatiu singulars de nom sustantiu havia .XX. o mays adjectius, ges per so no requiero verb plural, mas singular, coma : *Le pros Aymericz azautz, valens, bels e gracios s'alegra*.

A dos noms sustantius singulars pot hom ajustar .I. nom adjectiu plural, como : *Martis e Gaucerans son cavayer o drechurier*; *Le girfaucz e l'austor son bel e bo, et enayssi de lors semblans*.

Motas vetz a dos nominatiu o mays ajustatz am copula pausa hom .I. verb singular, coma : *Sa riquesa e sos poders es mol grans*, o enayssi : *de mal deyshen fraus et engans*. D'aytal locutio uzec N'Ath de Mons, can dish :

Errors e no fes e tensos

Naysh e creysh tot jor e perpren<sup>2</sup>.

D'aquesta locutio uzec le Filhs de Dieu, can dish à sant Peyre : *Caro et sanguis non revelavit tibi, sel Pater meus*, etc. D'aquesta locutio tractam enjos en la figura apelada *zeuma*, on yshamens es tractat d'aquesta conjunctio *et*.

Segon lati duy nominatiu singular am doas copula-

1. Sic ms.

2. Ces vers ne se trouvent pas dans les poésies de N'Ath de Mons qui nous sont parvenues; cf. éd. Bernhard, p. xii.

tivas requiero verb singular; pero aysso non ha loc segon romans, quar leumen pauza en est cas verb plural coma *E'l doctors e'l bachaliers liejo*.

Enayssi quo'l nom collectiu son singular en votz e plural en significat, coma : *pobles, companha, ostz, cavalgada*, per lo contrari son algu nom plural en votz e singular en significat, coma : *Thebas, Athenas, Garrigas, Glizolas, Pamias, kalendas*; aquo meteysh cant hom ditz per una sola persona *nos* o *vos*.

Li nominatiu singular dels noms collectius s'ajusto alqunas vetz segon lati am verb plural; mas aysso del tot no pot estar segon romans, quar, segon comunal uzatge de parlar, no seria ben dig : *grans companha veno*; *le pobles murmuro*, quar iniels es dig : *grans companha ve*; *le pobles murmura*; jassiaysso qu'om diga comunalmen : *Aquesta ribaudalha no fan mas mal*; *aquesta sirventalha nos dono gran dampnage*; *cascus dels reys degran far patz*; per que en aysso hom deu recorre ad us acostumat.

Loncz uzatges fay soen parlar fals, so es non priamen; quar Donatz ditz que dire ad una persona *vos* es solecismes, qu'es grans vicis en lati; pero quar loncz uzatges o requier, se pot sostener. E majormen per cauza d'o- [Fº 137 rº] nor; quar si ieu dic ad una persona : *vos etz bos*, o : *vos etz savis*, aquesta pluralitat signfica motas personalitat, so es que motas dignitat que a diversas personas podon esser atribuidas haja solamen aquel am loqual yeu parli enayssi en plural, per que parlar en aquesta manera signfica honor. Et aquesta manera de parlar comensec, segon alqus actors, en lo temps de Cezar, lequals el totz sols hac totas las dignitat de las ciutatz de son emperi, per

que'l comensec hom ad honrar, parlan a luy en plural; et aprop luy s'es tant estendut en totes autras gens que si hom dizia *tu* ad alcuna persona, ades s'entendria per enjuriada, si doncz non era sosmeza d'aquel que la tuejaria o en outra manera no era de sobrebas estamen.

Segon romans prendem leumen *vos* per singular, si be quant a la votz es de plural; e per so en est cas li adjectiu a luy atribuit devon esser pauzat en singular, coma : *vos etz bos, savis e certz*; pero yshamens podon esser de plural coma : *vos tug deveitz lauzar Nostre Senhor*, jassaiysso que mays sia propriis en romans *vos autri*, cant al plural; et aquel *vos autri* prendem adonx per una dictio.

Si yeu parli ad una persona pluralmen dizen : *nos*, cum fan li grand senhor, adonx li veray adjectiu atribuit al *nos* devon esser pauzat en plural, coma : *nos em aparelhat de far vostra voluntat*. E si alqus relatiu se sec, aquo meteysh, coma : *nos que o qui volem lo profieg de nostres sosmezes mandam e volem*, jassaiysso que aquel *qui* o *que* püesca esser singulars o plurals, segon romans; et aytals manera de parlar ha loc majormen cant us grans senhors ques ha dignitat parla, coma le Papa o'l Rey oz alqus altres princeps; quar d'aytals es miels que parlo en plural que un'autra persona privada a significar que'l Papa, e'l Reys e li autre princep per lor meteyshes no se governo solamen, ans o fan per lo cosselh de lors savis. Si parli a te pluralmen e relatiu se sec, aquel deg pauzar en singular, coma : *vos etz nostres maestres al qual nos em tengut obezir e servir*.

Qui parla en son dictat ad una persona pluralmen

aytal pluralitat deu continuar; si singularmen, aquo meteysh. Empero si a Dieu o a la sua mayre o als sans o a las santas parla hom aras per *tu* et ades per *vos* o pel contrari, estar pot, mas que la singularitalz sia luenh de la pluralitat, si que en una cobbla sia la una e l'autra en altra; e si novas rimadas so, qu'entre la singularitat e la pluralitat sian al mens duy bordo.

[F° 137 v°] Ayssi cum *nos* e *vos* son pauzat algunas vetz per una singular persona per cauza d'onor, ayssi meteysh .I. mot repetish hom soen prop e prop per aquo meteysh, coma : *a la nobbla e mot poderosa dona, a madona Johana, comtessa de Foysh*; quar la una dona pausa hom per la senhoria e l'auctoritat de la persona a cuy hom parla e l'autra es p'auzada per cortezia d'aquel que parla.

*Us* e *unas* pausa hom soen en plural, quar es acostumat, coma : *yeu hay us toalhós et unas toalhás*; yshamens ditz hom : *non contrastan los mals que m'as faytz l'o perdoni yeu*; e deuria hom dire : *non contrastans en plural*. E quar es acostumat, aytal parlar sostenem.

### De la figura del nom'.

Figura es differensa de dictios simplas, compostas e decompostas e pren nom d'*affigir*. Affigimens so es apostura, quar algunas dictios son affichas et appostas la una ab l'autra et algunas no.

En composizio natural algunas causas se corrompo, coma l'ayga e la farina en composizio de pa, et algunas no, coma le fondamens, las paretz, li fust e la

cuberta en composizio de mayzo; per aytal semblan manera fay aquesta figura, quar algunas vetz es una dictios composta de doas rompudas, coma *veyrials*, et alguna vetz d'una dictio rompuda e d'autra entiera, coma *Saurimonda*, *compayres*; e soen per lo contrari, coma *terra-tremols*, *forastiers*; e mantas vetz de doas dictios entieras, coma *Belagarda*, *cautpres*, *gardacors*, *sospriors*.

Tres figuras son en lo nom : simpla, composta, e decomposta. Simpla es can no's pot partir en doas partz entendabblas e prendabblas del primier sens<sup>1</sup> ni's deriva de dictio composta, coma *homs*, *femna*, *cortes*, *astrux*; composta es, can se pot partir en doas partz entendabblas e prendabblas del primier sen[s], coma *gardabras*, *Belagarda*, *descortes*, *dezastrux*, *malvolens*, *bevolens*. Decomposta es can se deriva de dictio composta, coma : *proxomia*, *descortezia*, *malvolensa*, et enayssi de lors semblans.

Las dictios totas son compostas o de sillabas o de letras d'una o de motas o de significat. E d'aytal composizio nos no parlam ayssi, mas de composizio que's fay de doas dictios entieras o d'una rompuda, e d'autra entiera o de doas rompudas e trencadas, segon qu'es estat dig.

[F<sup>o</sup> 138 r<sup>m</sup>] Composizios so es affigimens o apostura se fay algunas vetz de dos nominatius, coma : *testugays*, *ayganeus*, *Belagarda*. Et algunas vetz d'oblic e de nominatiu, coma *rampalms*, *capras*, *malvolens*, *bevolens*; e per so no deu hom dire *ramspalms*, et enayssi de lors semblans.

1. MS. *sen* avec addition de *s* (2<sup>e</sup> main).

Si composities es facha de dos nominatius entiers del masculí, cascus deu esser pronunciatz entieramen, coma : *quique, quinhisque, qualsque*, jassiaysso que *quique* e *qualsque* puescan esser yshamens de femini; e d'aquestz havem petitz, quar leumen ne lam doas partz, can los trobam entiers. Si del femini, aquo meteysh, coma : *Belagarda, Bonafemna*, nom propri. E jassiaysso que en aytals feminis hom no puesca certamen conoysher si son de nominatius o d'oblicz en composizio, nos en dupte los prendem per nominatius.

Si la masculina composities es d'u nominatiu e d'un oblic, tostemps, segon romans, le nominatius deu esser pauzat derriers et entieramens pronunciatz, coma *rampalms, capvas, cautpres, salpres, malvolens, loctenens*.

Composizio d'oblic e de nominatiu no trobam en los feminis, quar ades los pauzam per nominatius, si donx la us no's termenava en *a* e l'altres en *s*. Et adonx cel que's termena en *s* vol esser derriers, coma *ayganeus*; pero *qualsque* pot esser compostz de dos feminis e'l *quals* es pauzat primiers et entieramens pronunciatz.

Masculis e feminis s'ajusto motas vetz per far composizio; e cant aytals composities es de dos nominatius entiers, adonx casqus deu esser pronunciatz entieramens, coma : *bocafortz, golabadatz*; et en aytal composizio le masculis vol denan si tostemps lo femini; et en cas que'l feminis fos detras o aprop lo masculí, adonx aytal masculí deu hom penre per oblic, coma *coragola*.

De nom e de verb se fay soen composities; et adonx le verbs pot estar primiers o derriers, coma *gardabras, bonafos*.

De dos oblicz, segon romans, no havem composizio.

Nos havem compozitio, appozitio et adjectio. Compozitios es cant una dictios es composta amb un' altra, coma *desconoyshens, coli-lonc*; e'l meteysh *retornar, descantar, deshuey, dezades, plusfort, reconoyshens, remembrans, mas empero, encara mays*. Appozitios es cant una prepozitios es ordenada per servir a son cas, coma *vau a mayzo, venc de la plassa, passi per la carriera, soy contra te*.

Adjectios se [F° 138 v°] fay regularmen, segon lati, en la fi de mot, coma *quisnam, quispiam, quisputas*; pero, segon romans, nos la prendem et en la fi et en lo comensamen e mays que mays en lo comensamen, coma *profichar aprofichar, vedur devedar*. Diversa es adjectios de compozitio, quar adjectios es cant alguna sillaba s'ajusta amb alcuna dictio e n'ó muda ni merma ni creysh lo significat d'aquela, coma *trobayre atro-bayre, ordenayre adordenayre, parer apparer, mantenen demantenen*. E si tant es que per l'ajustamen d'aytals sillabas se mude o's varie le significats, adonx es dreyta compozitios, coma *cortes descortes, penre apenre, trayre atrayre, conoysher reconoysher, desconoysher, fortmen plus fortmen, huey deshuey, encaras encara mays*.

Los noms compostz, coma *capcorps, capenclis, capdescubert*; pot hom pauzar en nominatiu, coma : *aquest estay capdescubert*; *aquel vay capcorps*, o en ablatius; et adonx son divers nom, coma *aquel estay capdescubert, aquest vay capcorp o capencli*. Et es razos que sian adonx doas partz, quar us ablatius totz sols no pot esser absoutz regularmen; e si tant es qu'om trobe .I. sol ablatiu pauzat absolutamen, adonx per aquel n'enten hom .I. autre, coma : *tractat de nom, volem tractar del pronom, soes, tractamen fay del nom*; et enayssi de



lors semblans locutios. O pot hom entendre per altra manera la dicha locutio, sos assaber : *aquest vay o estay capcorb*, soes *am lo cap corb*. Et aquesta opinios val mays.

De nominatiu devon esser li dig nom compost, cant son pauzat apres aquest verb sustantiu : *yeu soy, tu yest, cel es*; quar sa natura requier nominatiu, coma : *aquest es bocalortz, tu yest captrencatz, aysel es capvas*. Ab los autres verbs, coma *vay, passa, torna, corr, sauta* e lors semblans podon esser pauzat en nominatiu oz en ablatiu. Dels feminis no cal aquesta distinctio far, quar de qualque cas que sian son pronunciat en una manera, coma *aquesta vay captrencada*, aquo meteysh en lo plural coma : *aquestas donas van capcorbas*, e enayssi de lors semblans.

### Del cas'.

Cas es variemens de dictios cazuals per habitutz, coma : *le, del, al*, et enayssi de las autras, sian masculinas o femininas<sup>1</sup>, o per votz, coma *le doctors, li doctor*, o per la manera del significar coma *fals, pers, bres, cas, dona, Iona, Garona, porta, gleyza, belu, clara*, e lor semblan ses habitut. Cas pren nom de *cazer*, soes deshendre; quar ayssi tug li cas deshendo del nominatiu. E segon ayssó, le nominatiu impropriamen es digz cas.

[F<sup>a</sup> 139 r<sup>o</sup>] La cauza cazens es deshendens e per lo

1. G. A., II, 102, sq.

2. Au bas de la page : « Sian masculinas o femininas. » (xvii<sup>e</sup> s.) Ces mots sont d'ailleurs écrits à la marge intérieure (xiv<sup>e</sup> s.).

sieu deshendemen pren forma d'aquí don se deshen; coma le filhs del payre, ayssi meteysh la us cas de l'autre cay, deshen e pren forma. Et ayssó per ajustamen, ostamen e mudamen, o per la .I. d'aquels, coma : *le* ajusta de part denan *de* et hauras *dele*, ostan lo derrier *e* et hauras *del*. Aquo meteysh en lo datiu, soes *al*. En l'acuzatiu pren *le* e muda *e* en *o*, et hauras *lo*; et enayssi meteysh en lo plural. Le datius et li autre cas se podon formar del nominatiu o del genitiu.

En lo dig cazemen e formamen deu hom entendre que la dictios deshendens e formada sia .I. meteysh noms amb aquela don cay e deshen o don se forma, e que una meteysha cauza signífico principalmen, mas que solamen sian de diverses cazes, quar estiers no hauria loc so qu'es estat dig; segon qu'om pot vezer en aquestas dictios *bels belesa, blanx blanqueza, bel bela, blanc blanca*; et enayssi de lors semblans.

D'una cauza pot hom parlar diversamen e per aquesta diversitat foron trobat divers cas, sos assaber : le nominatiu, le genitiu, le datiu, l'acuzatiu, le vocatiu e l'ablatiu. Le nominatiu es ditz de *nomnar*. Le genitiu es ditz d'*engendrar*, en altra manera es ditz *possessiu*. Le datiu es ditz de *donar*, en altra manera es ditz *comendatiu*, et en altra manera es ditz *acquisitiu*. L'acuzatiu es ditz d'*acuzar* o *accusatiu*, so es *cauzatiu*; en altra manera es ditz *materials*. Le vocatiu es ditz de *vocar*, so es *appelar*, et en altra manera es ditz *salutatiu*. L'ablatiu es ditz de *toldre* o de *ostar*, en altra manera es ditz *comparatiu, absoutz, cazuals, cauzatiu*.

### Per que declinacios non ha loc en romans'.

Segon lati declinatio es lo comensamen tener e la fi variar; e quar tug li cas en romans no varian la fi ni teno lo comensamen, ans lo varian tug que may, per so no' havem declinatio segon romans. Item la diversitatx de las declinatio es conoguda sego lati en las finals termenacios dels genitiu e dels datiu singulars, laquals non es en romans. Item pauzat que tug li cas que mays se vario per habitutz en lo comensamen segon romans la us de l'autre per una manera o quaysh e segon aquest variamen hom pogues haver declinatio, pero aytais declinatio no poyria esser dicha primera, quar non es segonda, ni segonda quar no es primera. En lo lati es per altra manera. Et aysso ha loc [Fº 139 rº] en lo nom, pronom et en lo particip. Le verb ayta pauc no ha declinatio en romans ni conjugatio, quar conjugatio non es als sino declinatio del verb, laquals conjugatio es conoguda als infinitiu lonx o breus, laqual cauza no podem trobar regularmen ni assignar en romans; per que no havem declinatio ni conjugatio segon romans. Aysso que pauzam ayssi del cas deu hom entendre en totas las dictios cazuals de qualque part d'oratio sian.

### De las habitutz'.

Habitutz es habitz, so es vestidura de las dictios cazuals, per laqual hom conoysh de qual gendre so.

1. G. A., II, 110, sq.

2. *Ibid.*, 112, sq.

### De las habitutz comunas.

Comuna habitutz masculina del nominatiu singular es *le*, del femini *la*; e regularmen la una no vol esser pauzada per l'autra, per que descoveniensa de gendre pauza qui ditz : *quel razos es bona* o *quel flors es bela*; pero *le us* o *la us* pot hom dire; et enayssi d'alcus autres lassus pauzatz, can tractem del gendre.

Las habitutz del genitiu singular masculinas son *del*, *de*; femininas, *de*, *de la*. Et enayssi *de*, en lo genitiu, es comus al masculin et al femini. Et algunas veltz, per abuzio de parlar, hom pren *de* per nominatiu et per autres cazes coma : *mays de vertutz son en la Verge Maria que en santa que sia*; *mays de be ha en Tholosa que en ciutat d'esta terra*; o enayssi : *granre o tropas o motas de vertutz son en las herbas qu'om no las sap*; *granre de vertutz he oblidadas*; et enayssi dels autres cazes. O enayssi : *Thomas é d'autres son vengut en la vila*; *aquesta bèstia d'ome no sab que's fa*. *Aysso es d'aquela bestia d'ome*. *Digatz ad aquela bestia d'ome qu'estia suau*; et enayssi dels autres cazes. Et aytals locutios suffertam, quar son acostumadas e quar hom n'expressa be e'n declara son entendemen. En autre cas e per altra manera pot hom prendre *de*, segon que direm enjos en lo plural.

Las habitutz del datiu singular masculinas son *a*, *al*, *ad*; femininas *a*, *a la*, *ad*.

Las habitutz del acuzatiu singular masculina *lo*, femina *la*.

Le vocatiu en singular ni en plural non ha altra habitut sino o expressat o entendut. Enpero mays es

pronunciatz en romans ses *o* que amb *o*, coma : *Peyres, fay aquo*. Et algunas vetz es expressatz coma : *O N'Esteve, e vos elz aytals?*

Las habitutz de l'ablatiu singular masculinas son aquestas : *per, ab, am, ab lo, am lo, en, en lo, si quel, lo*; las femininas<sup>1</sup> son a [F° 140 r°] questas : *per, ab, am, ab la, am la, en la, si quela, la*.

*Li* es habitutz masculina del nominatiu plural, las *feminina*.

*De, dels* son habitutz masculinas del genitiu plural, *de de las* femininas.

*A, ad, als* son habitutz masculinas del datiu plural, *a, ad, a las* femininas.

*Los* es habitutz masculina del plural acuzatiu, las *feminina*.

*Per, ab, am, ab los, am los, en, en los, si quels, los* son habitutz masculinas de l'ablatiu plural; *per, ab, am, ab las, am las, en, en las, si que las, las femininas*.

*Am* deu hom dire seguen consonan, coma : *am madona* et *ab* oz *amb* vocal seguen, coma : *ab el, amb ela*.

*Si quel* ni *si quela* en singular ni en plural no son gayre en uzatge, quar en loc d'aquelas<sup>1</sup> *lo, la*, coma : *lo mestre legen, li escolar aprofiecho; la messa cantada, hora es d'obrar; aquo, meteysh* en plural.

L'ablatius en singular et en plural pot haver aquesta habitut *de*, coma : *ples soy de vertutz e de gràcia e tu de vianda*.

Motas habitutz son pazadas algunas vetz per prepo-

1. *Feminas* (ms.) corrigé au-dessus par addition de *ni* (même main?).

2. Il manque ici quelque chose comme *dizem, pronunciam*.

zitios en singular et en plural, coma : *Yeu veni de la gleyza ; aquest margues es d'evori ; yeu hay recebut gran profieg de vos ; vau al mostier et al tornar passaray per vostra carriera ; aysso fau per mon pro e compari per mo senhor ; en la gleyza vuelh estar, quar aqui esta hom en patz ; Dieus sia am nos et am vos et amb Arnaut mon companh. Totas aquestas habitutz son ayssi pauzadas per prepozitios ; pero, en romans, noy fam gran diversitat, sian pauzadas per habitutz cazuals o per prepozitios ; quar la pronunciatios es tota una.*

Las dichas habitutz deu hom ajustar am lors cazuals per esta manera : en lo nominatiu singular : *Le reys guerreja ; la regina prega Dieu. En lo genitiu : la corona es del rey o de la regina. En lo datiu : A mo senhor ; ad el ; al rector ; a ma cozina ; ad ela ; et a la dona me recomendatz e donatz lor aquest libre. En l'acuzatiu : Yeu veg lo cloquier e la gleyza e'l monestier. En l'ablatiu : per bona conversatio ; per bel captenemen ; ab oratio ; amb alegrier ; am leyallat ; am bon dezirier ; ab la oz ; am la paraula de Dieu ; Sant Miquel angel ajudan o lo angel de Dieu [Fº 140 rº] ajudan, vivetz e donatz bon yshemple als autres. En lo nominatiu plural : li doctor liejo e las monjas dizo lors horas. En lo genitiu : li mostier son dels monges e de las monjas. En lo datiu : a mos senhors ; ad els et als rectors ; a mas cozinas ; ad elas et a las donas me recomandatz e donatz lor aquestz juels. En l'acuzatiu : yeu veg los cloquiers e las gleyzas e'ls monestiers. En l'ablatiu : per bonas conversatios ; per bels captenemens ; amb oratios ; ab alegriers ; am leyallat ; am bos cociriers ; ab las oz ; am las paraulas de Dieu ; en bos deziriers ; en los gaugz de Dieu ; en bonas disciplinas ; en vertutz et en las obras de Dieu, Sant Miquel et sant Gabriel angels ;*

*o si quels angels de Dieu ajudans vivetz e donatz bos yshemples als autres.*

Cant aquesta habitutz *le* sona lag o quaysh am son casual, deu hom dire *lo*, coma : *lo cabas, lo camis*, e no *le*, jaciayssó que sian de nominatiu singular.

**Per qual manera se pecca hom en las habitutz mudan, varian, ostan o pauzan aquelas<sup>1</sup>.**

Alqu se pecco en l'abitut del nominatiu singular dizen *lo* per *le* e del plural, dizen *les* o *los*; e devon dire *le* e *li*. Encaras se pecco en las habitutz dels genitius dizen *de lo mestre* o *de lors<sup>2</sup> mestres*, quar devon dire *del* o *dels*; pero amb entrepozitio se pot dire, coma : *de tot lo mon, de totz los mestres*. Las habitutz dels datius son *al* et *als* e no *a lo* ni *a los*; pero ab entrepozitio podon estar, coma : *a tot lo mon, a totz los senhors*. Li accuzatiu e li ablatiu participo en algunas habitutz, so es assaber *lo* e *los*; per que hom no deu dire en aquels *le*, ni *li*, ni *les*.

Li nominatiu e li accuzatiu algunas vetz requiero habitutz et algunas vetz no; et algunas vetz son indiferen; per que mal es dig : *mestre lieg*, quar hom deu dire *le*. Item mal es dig : *le Peyres lieg*, quar deu dir : *Peyres lieg*, ses *le*.

Indiferen son per esta manera, quar hom pot dire : *Monge van per vila*; *Mercadier gazarho* ses habitut o amb habitut enayssi : *Li monge van per vila*; *li merca-*

1. G. A., II, 120, sq.

2. Lire *los*?

*dier gazanho*; et aquestas locutios casqus pot haver per uzatge de parlar.

Las habitutz del nominatiu e de l'acuzatiu alqunas vetz quays fan relatio ad aquo que l'entendemens d'aquel que parla enten e porta en son coratge; quar si yeu [Fº 141 rº] e tu havem vist .l. caval, yeu poyray dir a te : *le cavals es vendutz*; et enayssi aquel *le* quays fa relatio a la causa qu'om enten, quar si aquel *le* non era aqui, la dicha locutios seria generals e cofuza, quo si hom dizia : *cavals es vendutz*.

Alqu se pecco en estas habitutz, quar pauzo s per l dizen : *se vergiers*, o *so vergiers es tancatz*; o *sa taula es meza*, o *vau a sa carrera*. Et alqu en loc de *te* dizo *es*, coma : *Es cavals es efrenats*, *es cotels es aguzats*; et en alqus locz ditz hom : *li dona*, *li res*, lasquals parladuras reproam del tot.

### Per que algunas vetz las dictios no requiero habitut'.

Entre las autras cauzas que tolon habitut algunas vetz en lo nominatiu et acuzatiu singulars e plurals son aquestas .V. : enterrogatios, coma : *quans*, *quinh*s, *quals*; enfinalitz, coma : *qui be fara*, *be trobara*, et enayssi de las autras dictios de *quis vel qui*, sian enterrogativas o enfinidas o relatives, exceptat *quals* cant es relatiu; generalitz, coma *grans gaug*; *es en terra*, *grans dols es en guerra*; *gran caytirier suefre qui non ha sos necessaris*; et enayssi aytals locutios generals o quays generals, can son al comensamen de razo o de locutio,



no requiero habitut en los digz cazes. Ayta pauc can la dicha locutios es sobregenerals, coma : *aybres es, mayzos es, cavals es* ; laqual nos apelam cofuza demostratios, coma : *yeu, tu, cel, nos, vos, cil, aquest, aquel, est, cest, aquilh, ist, cist*, et enayssi de lors semblans. Certanetatz tol yshamens algunas vetz habitut en los digz cazes ; et en aquesta certanetat pot hom entendre yshamens demonstratio e'ls noms propis, coma : *Peyres lieg ; Guilhems canta ; solelhs fay ; plueja cay ; yeu veg Tholoza ; tu gardas vas Narbona* ; et enayssi :

*Miey cossirier e tug<sup>o</sup> mon pessamen  
Son en amar e servir leyalmen*

Et enayssi :

*Donatz a Dieu fostemps honor,  
Gloria, reverencia, lauzor.*

Motas vetz habitutz es entenduda per que non es<sup>1</sup> repetida, mas que una vetz sia pauzada, coma :

*Lauzem Dieu nostre Creator,  
De terra, mar, cel e Senhor.*

Neutris sustantivatx regularmen no vol habitut en lo nominatiu, coma : *bo es, bel es, ayssó es mien ; aquo es fieu*. E dizem regularmen, quar algunas vetz requier habitut coma : *lo remanen* [F<sup>o</sup> 141 v<sup>o</sup>] *d'aquesta regla es ad altra part*. Adjectius<sup>2</sup> pauzatz aprop son sustantiu aylapauc, coma : *le maestros es bos clercz, savis, discretz, azaultz, cortez* ; cant es pauzatz denan propri nom, vol algunas vetz habitut, coma : *le bels, le cortez, le*

1. Ms. res.

2. Ms. adictius.

*pros, le valens Alexandres es mortz. D'ayssso meteys tractam enjos en eclipsi, per que abaste so qu'en havem dig.*

Tug li altre cas requiero leumen habitut, exceptat ablatiu absout, coma : *Dieu ajudan aysso farem.*

### De las habitutz proprias <sup>1</sup>.

Tres son habitutz proprias, en outra manera dichas honorablas, sos assaber : *En, Na, An*, coma : *En Jacmes, Na Huga, An Bertran*. E son dichas honorabblas, quar, segon nostra manera de parlar, alcuna honor dona hom a persona can ditz *En Garnier, Na Gauce-randa, An Olivier*, e non ges can ditz : *Garnier, Gauce-randa, ad Olivier*. Aquestas habitutz proprias podon esser pauzadas en cascun cas, en masculi et en femini, coma : *En Berenguiet ; Na Berenguieta ; d'En Mathieu ; de Na Mathieva ; An Huc ; a Na Huga ; yeu veg En Robert e Na Roberta ; Anatz aban, En Rollan e Na Rollanda ; per En Bertran, per Na Bertranda ; amb En Mauran, am Na Mauranda ; si que N'Aldric, si que N'Aldriga ; prezen N'Aymeric e N'Aymeriga.*

Aquestas habitutz proprias son algunas velz ajusta-das am noms comus o appellatius impropriadamen, coma : *En figuiers, ades seretz talhatz ; En lebriers, ades seretz batutz*. Et enayssi meteys als propriis noms de las bestias, coma : *Veus En colom nostre*. E jassiaysso que enayssi sia dig inpropriadamen, enpero, quar es acostumat, ho suffertam,

1. G. A., II, 126, sq.

2. An = a'N.

## De l'abreujamen e de l'assetjamen de las habitutz comunas e d'alcunas dictios<sup>1</sup>.

Quar soen algunas habitutz e dictios son abreujadas per sincopa, per apocopa, per synalimpha, o per autras figuras segon dever, o estiers, per so de lor abreujamen legut e no legut, e per consequen de lor assetjamen tractam ayssi, jassiaisso que enjos d'aquestas figuras e d'autras tractem mays plenieramen.

Differensa es entre *appocopa* e *synalympha*, quar appocopa ha respieg ad una dictio, coma : *sal* per *salve*; e *synalympha* a doas dictios, coma *bon' amor*, *bel' estela*; pero soen nomnam impropriamen la una per l'autra. Segon romans, [F<sup>o</sup> 142 r<sup>o</sup>] habitutz es ayssi cossirada en cant<sup>2</sup> que es per si, non pas en cant que representa .I. mot am son casual, quar adonx no per *synalympha* ni per *appocopa* s'abreujaria, mas<sup>3</sup> per *syncopa*.

Ayssi coma totz homs ha son esser natural mays perfieyt cant ha entegritat de soz membres que cel qu'en es defectius o desformatz; et ayssi cum l'abitl, soes la vestimenta d'alcuna persona, es mays sufficiens cant es entiers que cant es romputz o trencatz, ayssi meteysh li casual entier am lors habitutz entieras son mays perfieyt e sufficient regularmen que no son cant son romput o trenquat en lo comensamen o en lo

1. G. A., II, 128 et 134 sq.

2. Il semble que la haste d'un *l* ait été grattée au début du mot.

3. A la suite *as*, barré.

mieg o en la fi o en altra manera. Entier, coma : *le doctors, le bachaliers, le solelhs, la terra, la sala, li prelat, li prestre, li clerc*. Romput, coma : *l'estudis, l'avesques, l'alba, l'estela, l'irat, l'isnel*, per que parlars ses figuras es may's prop'ris e sufficiens ques am figura, si alcus vicis no s'i mescla. E quar aysso bonamen no's pot far ses vici, per so cove que uzem d'aquelas per cuberta d'aquest, quar enayssi cum son algunas personas que be no's podo portar, endevenir ni acordar am lors parios, vezis ni companhos, per lo gran hyat que han d'enveja e de cobezeza en tant que'l mal d'abtru' lor platz e'l be, lor enueja, e tostemps fan mal so, dizen mal d'autru, ayssi meteysh son habitutz e dictios que en lor encontre, ajustamen e vezinat se porto ayssi greu et am tan aspreso per lor entegritat que la boca fan ubrir e badar otra dever, si que s'en sec aspra sonoritat. Et aytals ubrimens e badamens de boca otra dever ha nom *hyat*, coma : *le elmes, le escutz, le arnes, le avizamens, la ayga, la aygla, la erba, la estela, li irat, li isnel, li enemig*; et enayssi de trop autres. E quar aytals habitutz e motas outras am lors cazuals et algunas dictios amb algunas outras en lor ajustamen be no's portavo, quar deguna de lor no volia re layshar del sieu, mas estar rigoroza'men en sa entegritat, per so aquestas donas *Sincopa, Sindalimpha* et *Appocopa* fero patz e bon acort entre las ditas habitutz e lors cazuals et entre algunas dictios. E per so remazero en bon acort et am bona e bela sonoritat. En tant que madona Sinalympha vol qu'om diga *l'elmes* e no *le el* [F<sup>o</sup> 142 v<sup>o</sup>] *mes, l'escutz* e no *le escutz*,

1. Sic ms.

*l'arnes e no le arnes, l'avizamens e no le avizamens, l'aygla e no la aygla, l'ayga e no la ayga, l'erba e no la herba, l'estela e no la estela, l'irat e no li irat, l'isnel e no li isnel, l'enemic e no li enemic; et enayssi de trop autres lors semblans.*

Hyat entre habitut e son casual no reputam a vici, quar tot essemis representa una dictio, si donx las vocals no eran unas meteyshas, coma *le erquells, la avaricia*, quar hom deu dire *l'erquells, l'avaricia*; e jaciayssó que no sia viciis en diversas vocals, coma *le ardimens, le avizamens, la engoyssa, la estrena*, pero miels es dig *l'ardimens, l'avizamens, l'engoysha, l'estrena*, et enayssi d'alcunas autras habitutz.

En abreuamen de las dictios e de las habitutz deu hom gardar que hom no caja per aquel en alcun mot d'autre significat, ni majormen que lag sone, coma : *digatz a Bertran qu'aja bon corell; Sol qu'a mi no fassa mal, no m'en cal.* O enayssi :

*Grans fo l'espers, dona, qu'agui de vos,  
del bel semblan que'm fezetz, l'autre dia;*

per que deu hom dire : *ques haja, ques ami e ques luqui.* Yshamens deu hom gardar que per aytal abreuamen no caja en amphybolia, so es doptóza sentensa, coma : *Larcz cant es bos es lauzadors*; ayssi es doptes si aquest *larcz* se pren per home *larc* o per aquel *arc* am que hom tra. Pero aytal abreuamen, cant es cominalmen acostumat, no reputam a vici, coma : *be's fara, be's tanh*, quar per aquesta manera es cominalmen acostumat de dire; et es miels dig que si hom dizia : *be se*

1. Après *e no le* ms. ajoute *eno*, exponctué.

*fara, be se tanh; o en ayssi : no's homs que no's corrosses al tieu parlar. E enayssi de lors semblans acostumatz de dire.*

Ayssi cum son algunas dictios que per lor breveza no's podo syncopar, ni en letra ni en sillaba, ayssi meteysh algunas habitutz comunas, segon qu'ayssi verzer podetz; quar aquist pronom *me, te, se*, que son tres dictios cascuna d'una sillaba e de doas letras, no's podon sincopar; quar sincopa osta del mieg de dictio sillaba o letra. Sillaba non pot ostar, quar una sola es; ni letra ayta pauc, quar si n'ostava letra, covendria qu'en ostes del comensamen; et enayssi no seria sincopa, ans<sup>1</sup> seria auferaezis; o covendria [F<sup>o</sup> 143 r<sup>o</sup>] qu'en ostes de la fi, et adonx seria apocopa o synalimpha. Aytals son las habitutz comunas dels nominatius singulars e plurals e de l'acuzatiu singular, sos assaber : *le, li, lo, la*, per que aquestas no's podon sincopar, pero be podon esser apocopadas o synalymphadas per ostamen de la derriera letra; et adonx aquesta letra *l* roma sola; e quar no pot estar per si meteysha, quar aqui non es vocals que la sostenga, ela quier companhia et assetja sse<sup>2</sup> am la dictio preceden, so es am la dictio que l'es may's pres de la part denan. Et aysso es vers en aquestas tres habitutz comunas : *le, li, lo*, cant las dictios on propriamen e naturalmen son atribuidas comenso per consonan, quar si comensavo per vocal, aqui meteysh remandrian, cant que la dictios precedens fenisca per consonan o per vocal, segon ques appar per aquestz yshemples. E veus primieramen de *le* :

1. Ms. An.

2. Au bas de la page : « lisez *assetia se.* » (xviii<sup>e</sup> s.).

Esmeratz es l'aur e l'argens fondutz ;  
 Garnitz es l'escutz e l'elmes forbitz ;  
 Plazens es l'isnels e l'iratz non ges ;  
 Bels es l'oliviers et l'ortz atressi ;  
 Hondratz es l'umils e l'utils amatz.

Aquestz meteyshes yshemples pot hom applicar ad  
 aquesta habitut *lo* per esta guiza :

Esmerat vey l'aur e l'argen fondut,  
 E garnit l'escut e l'elme forbit,  
 E plazen l'isnel e l'irat non ges,  
 Bel vey l'olivier e l'ort atressi,  
 Et hondrar l'umil e l'util amar.

Veus yshemples de *li* :

Esmerat son l'aur e l'argent fondut,  
 E garnit l'escut e l'elme forbit ;  
 Plazen son l'isnel e l'irat non ges ;  
 Bel son l'olivier e l'ort atressi ;  
 Hondrat son l'umil e l'util amat.

Segon la ley desus pazada, d'aquestas habitutz *le*,  
*li*, *lo*, soes que aquel *l* s'enclina am la dictio preceden,  
 can las dictios a lasquals son atribuidas comenso per  
 consonan, falho cil que fan apocopa de las ditas tres  
 habitutz *le*, *li*, *lo* can non es lunha dictios denan en  
 laqual se puesca enclinar et assetjar aquesta letra *l*, e  
 la dictios on deu esser naturalmens comensa per con-  
 sonan, coma en comensamen de verset. Et enayssi  
 falhic cel que dish :

Dever especial  
 E general hy ha ;  
 L'especials se da

Trebalh, per ops de vida·  
L general per grazida',

so es a dire *lo general*; et aquel *lo* el apocopa et enayssi rema aquesta letra *l* sola e dezolada, quar de la part denan non es dictios am la [Fº 143 vº] qual se pueca acompanhar ni assetjar.

Las habitutz comunas dels nominatiu, sian de singular o del plural o de l'acuzatiu singular, no devon esser abreujadas, cant las dictios on naturalmen son pazadas comenso per consonan e la precedens fenish per consonan, coma : *tot jorn le bacheliers fa longas lessos; leumen li doctor liejo ordinariamén*; et enayssi dels autres.

En l'abreujamen de *li* alcu ostan .i. et ajusto al *l* h e tot essem enclina se a la dictio preceden, si comensa per vocal. E dizo per esta manera : *li monge elh hermita; li bracier elh ortola; li danjayros elh humil*. Et aquo meteysh can la seguens dictios comensa per consonan, coma : *li borgues elh clerc son ajustat*.

*La* es abreujada algunas vetz, coma *l'arma, l'erba, l'ira, l'onda, l'ostz*. E lunh temps no's part de son casual, o sia entiera o trencada, ni s'enclina am la dictio preceden.

Habitutz de genitiu, sia de singular o plural, no's muda, coma *del mestre, dels doctors, de la comtessa¹, de las donas*, si donx hom no volia dire que aquesta habitutz *del* sia apocopada d'aquesta habitutz; e *dels¹ d'esta habitutz, de los, lasquals* habitutz. *De lo ni de los*

1. N'Ath de Mons, éd. Bernhardt, II, 600.

2. En marge : *comtessa* 137º (xviiº s.).

3. En marge : *sincopada* (xviiº s.).



no son en nostre uzatge de parlar, per que d'aquelas no uzam, sino amb entrepozitio, coma : *de tot lo be, de totz los bes*. L'abitutz feminina es abreujada per esta guiza en lo genitiu, sia del singular o del plural, coma : *porta .I. faysh d'erba et .I. parelh d'aucas*.

L'abitutz del datiu no's muda en singular, ni en plural, coma : *al mestre, als escudiers, a la comtessa, a las donzelas*, sino per la razo dessus dicha, qu'om dishes *al per a lo et als per a los*; liquial *a lo ni a los* no son acostumat entre nos, sino am las entrepozitios sobre-dichas<sup>1</sup>, coma : *a tot lo mon, a totz los cleretz*.

L'abitutz feminina de l'acuzatiu plural no's muda, coma : *yeu vey las donas*. En lo masculí es motas vetz sincopada, coma : *para'ls autars*; *pueja su'ls aybres*; *vay pe'ls doctors*; *fay tant que'ls bos hòndres tostemps*, *et en ton cor cocira'ls bes e'ls mals*; *garda'ls anhels e'ls autres bes*.

Alcunas habitutz de l'ablatiu no's mudo en masculí ni en femini, coma : *per, en, am, ab, amb*. Vocal seguen deu hom dire *ab* o *amb*, coma : *tu<sup>s</sup> vas amb Esteve et ab Ermengau*. Si consonans [F<sup>o</sup> 144 r<sup>o</sup>] se sec, adonx hom pot dire *am, ab* o *amb*, qual qe mays vuelha en singular et en plural, jaciayssó que *amb* bel no caja, seguen consonan, coma : *yeu vau amb mos pars*; quar miels es dig : *am mos pars* o *ab mos pars*.

Aquestas doas habitutz *siquelo*, lo<sup>s</sup> son de l'ablatiu absout; e preno abreujamen per sinalinpha,

1. Ms. *sobeedichas*; r ajoutée d'une main plus récente au-dessus du premier e.

2. Fas exponctué.

3. Ms. *Siquelo lo lo*, avec le premier *lo* exponctué.

coma : *sique l'ome ajudan o l'ome alegran* ; aquo me-  
teysh en los feminis del singular.

Motas habitutz son pauzadas am prepozitios, coma :  
*ab lo, am lo, en lo*, quar *ab<sup>1</sup>, am, en* podon esser prepo-  
zitios et es miels que sian prezas per prepozitios que  
per habitutz en aquest cas, pusque<sup>2</sup> se sec habitutz,  
quar una dictios no deu haver mas una habitut.

En aquesta locutio *ab lo, am lo*, tostemps *ab* et *am*  
remano entier, quar abasta que *lo* sia sinalimphatz,  
coma : *am l'ome, ab l'avesque*, et aquo meyteysh *en lo*,  
coma : *en l'ostal*. Enpero *en lo* es motas vetz apocopat<sup>z</sup>  
en aquela habitut *lo*, pauzat que se sega consonans,  
coma : *el comensamen del nostre libre*; jaciaysso que  
alcu digan *al comensamen*; e pot se ben dire. Et adonx  
*al* non es habitutz, ans es prepozitios; et aquela dic-  
tios, sos assaber *comensamen*, es d'acuzatiu; aquo me-  
teysh en lo plural; coma : *Els comensamens dels libres*  
et *als comensamens*. Las autras habitutz de l'ablatiu  
plural no's mudo.

Habitutz cossirada per si es abreuçada per la ma-  
niera dessus dicha; cossirada am son casual tot essems  
representa una dictio; et adonx es abreuçada per sin-  
copa.

Opinios es d'alcus que algunas de las ditas habitutz  
son pronom. Et jaciaysso que d'aquelas tractem en lo  
pronom, pero de lor tractam ayssi cant a lor abreuja-  
men et assetjamen. E veus per qual manera son dig  
pronom, coma : *le que va primiers es mos parens*; *la*  
*que va derriera es ma cozina*; *be li va*; *estuja ton argent*

1. *Lo* exponctué.

2. *E* exponctué (*puesque*).

*e garda lo; pren molher et ama la; apren bos essenhamens e mel los en obra; lieg bonas doctrinas e garda las be.*

*Le ni la no volon re perdre en lo nominatiu, si donx no eran verayas habitutz, segon qu'es estat dig.*

*Li es del datiu singular e pot se abreujar per sinapha, coma : bès l'es pres, be l'esta. Et alqu dizo e miels : be li's pres, be li'sta, quar aquesta [Fº 144 vº] derriera locutios es mays en us. Et en cascun cas s'enclina am la dictio seguen, si comensa per vocal, segon qu'es estat dig. Estiers li remandria entiers, pauzat que la dictios precedens termenes en vocal, coma : be li fa, be li dona, be li va. Encaras li, segon alqus, pot esser del nominatiu plural, coma : li que van derrier son nostre. Et adonx li vol esser entiers.*

*Lo pren abreujamen per apocopa e pauza se los temps en la dictio preceden termenan en vocal, coma : pren lo caval e mena'l abeurar. Estiers re no perd, coma : pren lo palafre per lo fre.*

*Can la dictios precedens fenís en y grec, adonx l'abreujamens se muda en la dictio seguen comensan per vocal; estiers no, coma : pren lo caval e fay l'abeurar.*

*La s'enclina am la dictio seguen comensan per vocal, coma : aquesta dona mena l'azaut; estiers re no pert, coma : mena la bel.*

*Los pren abreujamen per sincopa e pauza se en la dictio preceden termenan per vocal, coma : essela's cavals e mena's abeurar; los deniers ques has prezes o's estuja o's dona per Dieu. Estiers no pren merma-men, coma : pren los cavals e mena los defora. Alqu dizo : pren los cavals et abeura's; pero miels es dig :*

*et abeura los*, quar aytals abreujamens no cay be, cant es del tot en la fi, si donx no's contunuava' amb altra dictio, coma : *et abeura'ls en Sayna*. Aquo meteys de lo.

Can la dictios precedens termena en y grec, adonx los no deu esser abreujatz, coma : *pren los cavals e fay los abeurar*.

Alqu pronom son que en lor abreujamen s'enclino per las manieras dessus dichas am la dictio preceden termenan en vocal o am la subseguen comensan per vocal, sos assaber : *nos, vos, me, te, se*, coma : *be'ns albira, be'us ama, be m'aperpec<sup>1</sup>, be l'a per fol, be s'umilia*.

Aquesta conjunctios *que* abreujada per sinalinpha s'ajusta amb aquestz pronoms : *yeu, el, il, ela*, o'l dig pronom am la dicha conjunctio. E ditz bom : *qu'ieu, que'l, qui'l, que la*. E per semblan manera algu fan ajustar la dicha conjunctio *que* amb aquestz pronoms *aquel, aquela, aquest, aquesta, eysh, eysha*, e dizon : *qu'aquel, qu'aquela, qu'aquest, qu'aquesta, qu'eysh, qu'eysha*, e falho, quar aytal abreuja [F° 145 r°] men no aproam, quar mal sona. E per so deu hom dir : *ques aquel, ques aquela, ques aquest, ques aquesta, ques eysh, ques eysha*.

1. Sic ms.

2. Apercep?

**De l'abreujamen e de l'assetjamen d'aquestas habitutz : an, na, en, e d'alcunas dictios<sup>1</sup>.**

*An* es del datiu e no's part de son loc, jaciaysso qu'om diga : *yeu vuelh qu'an Ermengau dones*; pero miels es dig *ques a N Ermengau*.

*Na* s'abreuja soen per synalynpha, can s'ajusta am dictio comensan per vocal, coma : *N'Alamanda, N'Ermengartz*. E can s'ajusta am dictio comensan per consonan, la dicha habitutz rema entiera, coma : *Na Sau-rimonda*. Et enayssi entendatz de totz los autres cazes. E quar aquestas doas habitutz, *An, Na*, de lor propri loc no's mudo, abaste so que n'es dig.

*En* s'ajusta am nom propri comensan per consonan, coma : *En Frances*, e no's merma ni s'abreuja, sino cant s'ajusta amb aquesta conjunctio *que* per synalinpha, e ditz hom *qu'En*. E can s'ajusta am nom propri que comensa<sup>2</sup> per vocal dese se transporta e vira so denan de tras et enayssi havem *Ne* per *En*, coma *N'Esleves*.

O sia pauzatz per habitut o per prepositio o en altra manera, *En* no's part de son loc, si doncz la precedens dictios no's termena per vocal, car adoncz s'enclina e s'asetja en la fi de la preceden dictio, coma : *yeu vuelh qu'En Bertrans sia mos amic*.

Can se fay abreujamens per l'ajustamen d'u mot amb autre e la us fenish en vocal e l'altres comensa per aquela meteysha vocal, es doptes si aqui es synalinpha

1. G. A., II, 144 sq.

2. Ms. *comensæ*. Au bas de la page (xvii<sup>e</sup> s.) : *comensa*.

o auferezis, coma : *qu'En Bertrams*, quar *que* fenish en *e* et *En* comensa per aquela meteysa vocal ; doncz can tu dizes *qu'En*, o tu ne ostas la derriera letra de *que* et adonxs es synalinpha, o la primera de *En* et adoncz es auferezis. Pero nos dizem ques aquo es synalinpha, quar plus soen cay en nostre parlar que auferezis ; per qu'es miels que per aquela, coma per mays acostumada, sia jutjada.

*Ne* per habitut o per outra maniera pres am qualque dictio de nom propri o de no propri s'ajuste vol romaner am la dictio seguen am laqual s'ajusta, si comensa per vocal e la precedens termena per consonan o per vocal, coma : *yeu vuelh que N'Ermengaus sia bos cleretz ; no n'i metalz plus ; trop n'es [F° 145 v°] gaujos ; d'aysi n'es anat ; trop n'an gran plazer ; trop n'avia<sup>1</sup> bo saber ; metetz n'i pro*. E si la dictios seguens comensa per consonan e la precedens fenish en vocal, adoncz se appocapa<sup>2</sup> aquel *ne* e s'enclina en la fi de la dictio preceden. Aras no podem yshemple dar de propri nom, quar diges estat que si'l propnis noms comensa per consonan vol *en*, e si per vocal, vol *ne*. Doncz quo nos parlem<sup>3</sup> can la dictios seguens comensa per consonan e loc no haja aquesta habitutz *ne* en propri nom en aquest cas, per so d'aquel no podem yshemple pauzar. D'autres dictios vos donam donx aytals yshemples, coma : *d'ayssi'n van ; per esta carriera'n van*. Si la dictios precedens en consonan fenish e la seguens per aytal comensa, adonx *ne* rema entiers, coma : *prendetz ne mays*.

1. On pourrait lire *n'ama*, mais, outre que cela ne donne aucun sens, il semble bien qu'il y ait un point sur l'*i*.

2. En marge : « lisez *appocopa* » (xvii<sup>e</sup> s.).

3. Même tournure dans l'autre rédaction, G. A., II, p. 146.

Et enayssi regularmens aquest *ne* s'asetja per la manera de *le*, *li*, *lo*.

Deguna dictios no s'enclina en la fi de la dictio preceden diptongada, coma : *aysso fay En Bernatz*.

### De la diversitat de *en* e de *ne*<sup>1</sup>.

*En* es pauzatz per habitut de nom propri en cascun cas, exceptat lo datiu, coma : *En Bertrans*, *d'En Bertran*; *yeu veg En Bertran* o *En Bertrans*; *amb En Bertran*; *siqu'En Bertran*.

Per prepozitio es soen pauzatz *en* am son casual expressat, coma : *yeu soy en mon hostal*; *yeu estau en gran perill*; o entendut, coma : *yeu m'en meti*; *tu t'en metes*; *cel s'en met*; *vau m'en*, *vas l'en*, *va s'en*; et adonx en qualque manera sia pauzat, se pot ajustar am tota dictio casual de qualque part que sia o am nom propri et appellatiu. Et adoncz, can hom ditz : *yeu m'en meti*, aquel *en* vol dire, so es : *yeu en aquo* o *en aquela cauza* o *en aquel fag me meti*; o pot hom dire : *yeu m'en meti*, so es : *yeu d'aquo me meti*, et enayssi que *en* sia demonstratiu; yshamens *vau m'en*, so es : *vau yeu en esta manera* o *en esta hora*, et adoncz es entendut *a mayzo* o *vas l'ostal* o *vas autre loc*. En lo plural deu hom dire : *nos no'n anam*, *vos vo'n anat*, et adonx en esta loqutio *nos non*, *vos von*, es pauzatz doas vetz *nos* et autras doas vetz *vos*, coma si hom dizia : *nos nos en anam*, *vos vos en anat*; le primiers *nos* es de nominatiu et aquel qu'es pauzatz aprop es d'acuzatiu; et adonx *en* s'ajusta ab lo *nos* per

1. G. A., II, 146 sq.

ostamen del s e per l'osta [F° 146 r°] men del sieu e, loqual perd per auferezis; et enayssi finalmen havem non et enayssi meteysh von, nos no'n anam o nos no'n prezam, so es dire, nos prezam nos en aquo o en aysso, en esta cauza o en aquest fag, o nos no'n prezam, so es nos prezam nos d'aquo, et enayssi de lors semblans loqutios. Yshamens cant hom ditz : d'autres en veg peccar, so es d'autres en aquo o en aysso, en aquela cauza o en aquel fag veg peccar, et enayssi de lors semblans loqutios, coma qu'en dizels vos? so es : que dizetz vos en aysso, en est fag on<sup>1</sup> esta questio? Yshamens : be n'es iratz, so es be es iratz en aysso o en aquo, en est fag o en esta questio, o ben es iratz, so es a dire be es iratz; et adoncz aquela letra n ajustada al be re no significa, mas<sup>2</sup> es ajustada per causa d'ornat, so es per esquivar hyat, coma : qui ben ama ben estruish; o pot hom entendre aquel en per inde, que es us motz en lati.

Segon alqus lengatges pot esser en enterrogatius, coma : voletz en venir? platz vos en? E demostratius, coma veus en; et alqu dizo : veus ne, e miels.

Jassiaysso que per una manera ne et en sian pauzatz, can fan enterrogatio o demonstratio, coma : voletz ne? o : voletz en, senher?, pot hom respondre : oc o no. Enpero pot esser divers de en cant a relatio, quar ne fay relatio ad aquo qu'om ve o ad aquo qu'es estat dig o fag, coma : yeu e tu vezem. .I. home folejar o per paraulas o per faytz, et adonx yeu diray : es ne, senher? so es, es aquel dreytz, fols o malastrucz? quaysh que diga que si es be, et adonx en no pot aqui haver loc. Ysha-

1. Sic., ms; = o en, o'n.

2. Qy, exponctué.



mens cant hom ditz : *per ayssi'n vau*, so es a dire : *per ayssi ne vau*, mas que'l *ne* es apocopatz. Et enayssi ajusta se am las dictios precedens, quar termeno per vocal, segon qu'es estat dig. Doncz can ieu dic : *d'ayssi'n vau* o *d'ayssi ne vau*, aquest *ne* fay relatio ad aquels dels quals tu me demandas. Yshamens cant hom ditz : *havetz ne plus*, so es d'aquo o d'ayssso de que parlam; quar si hom dizia solamen *havetz plus*, que noy fos le *ne*, no volria re dir, quar cofuza seria la locutios. E pot hom entendre per aquela meteysha maniera las autras semblans loqutios, coma : *Trop n'es gaujos*; no *n'i metatz plus*, qu'ieu *n'ay pro*.

Quar ayssi havem tractat de gran re de motz synco-  
patz [F<sup>o</sup> 146 v<sup>o</sup>], sinalinphatz et appocopatz e de lor  
assetjamen, pot hom ayssi doptar e demandar si can  
duy mot s'ajusto entre lor, coma : *quem, quel, ques,*  
*quens, queus, bem, bet, bes, bens, beus, pel, pels, sul, suls,*  
*quel, quil, quels, quen, men, ten, sen, senhen<sup>1</sup>, non, von*, si  
son duy<sup>2</sup> mot o us; item si l'abitud e sos cazuals son  
dui mot o us. Al primier dizem que *quem* et enayssi  
dels autres es una dictios enpentada<sup>3</sup> de dos motz,  
regida e governada per .I. accen, coma l'aybres ques  
ha motz enpeutz e diverses, que per so non es mas us  
aybres, governatz e sostengutz per una caus o per una  
razits o per .I. pe. Al segon dizem que la habitutz ses  
lo cazual es coma la vestimenta o l'abitz separatz de  
l'home, e'l cazuals ses l'abitud, *en cas que haia mestiers*  
*d'abitud<sup>4</sup>*, es coma us homs nutz e despulhatz; et ayssi

1. En exponctué.

2. Écrit d'abord dui.

3. En marge : *enpeutada*. Le ms. a plutôt *enpentada*.

4. En marge avec renvoi.

- cum us homs vestitz el am sa vestidura tot essem re-  
 presenta ses plus .I. home, ayssi meteysh le cazuals  
 am la sua habitut representa solamen una dictio.

**De las termenacios dels cazes e primieramen  
 dels nominatius e dels vocatius singulars e  
 plurals <sup>1</sup>.**

De gran difficultat es als dictadors, especialmens als  
 laycz, haver conoysensa del[s] cas, majormen dels no-  
 minatius e vocatius singulars e plurals. E quar aquest  
 duy cas son semblan cant a la termenatio, jassaiysso  
 que sian divers quant a l'abitut, et aquels conoysher  
 es difícils cauza, per so d'aquels dos es ayssi primera-  
 men tractat.

Tug li nominatiu e li vocatiu singular regularmen  
 devo termenar en s e li plural ses s; li singular, coma :  
*Le reys es valens e discretz*; li plural, coma : *Li rey, li  
 princep, li prelat e li savi clerc devo regir e governar lo  
 mon.*

**De la exceptatio dels cas. R<sup>a</sup> <sup>1</sup>.**

Exceptat ne son tug li femini qui termeno en a lors  
 nominatius singulars, sian nom appellatiu o propri,  
 o nom adjectiu o sustantiu, o pronom o particip,  
 coma : *dona, femna, clara, blanca, mia, tua, noyrida, es-  
 senhada*; quar no teno la dicha regla, ans fan lo con-

1. G. A., II, 152 sq.

2. G. A., II, 154 sq.

trari, so es que lors nominatiu e lors vocatiu singulars termeno ses *s*, e los plurals en *s*, coma : *la dona es honrada; las donas son essenhadas*. Et aysso meteysh entendatz en lors vocatiu.

Alqu nom femini son que no termeno en los digz cazes en *a*, liqual en partida teno la dicha [Fº 147 rº] regla et en partida no, coma : *verges, naus, claus, honors, amors, gens, dens, mayzos, oratios, dignitalz, humilitatz, cantans, alegrans, plazens, avinens*, et enayssi dels autres lors semblans. Cant als nominatiu e vocatiu singulars, teno la regla ; e cant als plurals, la dicha exceptio, coma : *las verges son honradas, las naus ayzinadas, las claus aparelhadas, las gens salvadas, las dignitalz donadas e las donas avinens et honestamen portans lauzadas*.

Li adjectiu o particip comu per ajustar al masculí et al femini volon e retero lo for d'aquel am cuy s'ajusto, coma : *li clerc son avinen e conoyshen; las donas son avinens e conoyshens; quatre son las vertutz cardinals e .V. li sen corporal*. Aquo meteysh en lo singular, coma : *aquel homs es grans, aquela femna es grans; avinens, plazens et agradans es aquest oz aquesta*.

Tug li nom naturalmen masculí termenat en *a* son exceptat de la regla general, cant als nominatiu e vocatiu singulars. Li nom naturalmen masculí termenat en *a* en lo nominatiu e vocatiu singulars teno la exceptio dels verays feminis en *a* et, en los plurals, la dicha regla general, coma : *aquel es papa et aquest patriarca; tug li legista e lh canonista son en coselh*.

### Dels noms integrals e parcials e de lor alongamen<sup>1</sup>.

*Integral* son appellat aquilh nom qui per mudamen de la derriera letra, so es *s*, mudo o perdo lor significat; et enayssi volon esser tostemps entier, per que son dig *integral*, sian sustantiu o adjectiu, o adjectiu appellatiu o propri, coma : *bras, esquas, cors, gros, fals, als, ars, gars, pers, vers, sosmes, repres, notz, votz, Pons, Thomas, Alazaytz, Tiborcz, Gencers, Bonafos*. Tug aquest e lor semblan son exceptat de la dicha regla general en los cazes sobredigz en casqun nombre.

Mudar ni alongar no's volon li nominatiu ni'l vocatiu en singular ni en plural, ni li oblic singular dels noms integrals; pero las termenatios son alongadas soen en los oblicz del plural solamen, coma : *gras grasses, escas escasses, gracios gracioses, vertuos vertuozes*; et enayssi de motz altres lors semblans.

[Fº 147 vº] Alqu nom integral son liqua,l, segun lengatge cominal ni particular, no podon alongar las termenatios dels oblicz plurals, coma : *ros, plenissonans, temps, pros, repaus, us, laus*; enayssi de trops autres lors semblans, per que alongar aytals seria grans fatuitatz. Alqun altre son que's podon alongar segon particular lengatge d'una dyocezi solamen, coma : *votz voces, notz nozes, dotz dozes*; e jassaiysso que aytal alongamen del tot no reproem, pero hom lo deu pauzar al plus tart que pot, quar mays bela nos appar e mays comuna la termenatios dels digz vocab-

1. G. A., II, 158 sq.

bles cant no es alongada, et enayssi de lors semblans. Et aysso meteysh vos dizem d'alqus noms verbals e quaysh verbals termenans en *itz*, liquial son integral, coma : *perditz*, *amayritz*, *pecayritz*, *governayritz*, *Beatritz*. En tropas autras termenatios pot hom trobar d'aquestz noms integrals; e qui'ls vol alongar deu haver recors a bon lengatge cominal et acostumat.

*Parcials* es aquel motz que fay part de si meteysh ses mudar e ses perdre lo sieu significat; dels quals trobam gran re que son de la natura d'alqus integrals cant al alongamen dels oblicz plurals, coma *cruz*, *cruzes*. Et en alongar aytals motz deu<sup>1</sup> hom gardar bon lengatge<sup>2</sup> cominal et acostumat, que jaciaysso que alqu digan *nutz* *nuzes*, *vertutz* *vertuzes*, *pes* *pezes*, quar no's ditz comunalmen, dizem qu'om no deu dir *nuzes*, *vertuzes*, ni *pezes*.

**D'aquestz noms parcials** *homs*, *prozoms*, *coms*, *vescoms*, *clercz*, *lirs*, *sans*, *benezeytz*, o de lor alongamen<sup>3</sup>.

En los nominatius e vocatius singulars deu hom dire : *homs*, *prozoms*, *coms*, *vescoms*, et en los oblix singulars et en los nominatius e vocatius plurals *home*, *prozome*, *comte*, *vescomte*; et en los oblics plurals *homes*, *prozomes*, *comtes*, *vescomtes*.

*Clercz* deu hom dir solamen en lo nominatiu e vo-

1. Après *deu*, au début de la ligne suivante, u exponctué.

2. Ms. *lengatige*, c'est-à-dire *lengatjge*; au bas de la page : *lengatge* (xvii<sup>e</sup> s.).

3. G. A., II, 162 sq.

catiu singulars e *clerc* o *clerge* en los oblicz d'aquel meteysh nombre, en la nominatiu et en lo vocatiu plurals *clerc* o *clergue*, Et en los oblicz d'aquel meteysh nombre *clercz* o *clergues*.

*Lirs* pot hom dire o *lires* en lo nominatiu et en lo vocatiu singulars; et en los oblicz del sin [Fº 148 rº] gular *lir* o *lire*; et en lo nominatiu plural *lire* solamen; et en los oblicz del dig plural *lires* e no *lirs*.

*Sans* e *benezeytz* son alongat per alqus, coma : *sans*, *santes*, *benezeytz* o *benezitz*, *benezeytes* o *benezectes*, loqual alongamen reputam estranh per metre en dictatz, jassaiysso que per alqus se diga e mays soen que no sol.

**Dels motz indiferens e coras deu hom dire *homs* oz *hom* et enayssi d'alcus autres motz indiferens a luy semblans'.**

Los motz termenans en lo nominatiu singular amb *s* o ses *s* appellam *indiferens*, coma : *hom* oz *homs*, *senhor* o *senhors*. La razos per que alcu mot son indiferen et alcu no es per so que nos conformem' al mays que poyrem am los anticz trobadors; e quar tug li antic dictador leumen pauzavo aytals motz et alqus autres ades amb *s*, ades ses *s*, per so, cant aquestz' nos volem am lor conformar.

*Homs* es indifferens en lo nominatiu e vocatiu sin-

1. G. A., II, 162 sq.

2. Depuis o *senhors* les mots qui précèdent sont écrits en renvoi au bas de la page.

3. Lire a *questz* ou a *aquestz* ?

gulars per esta guiza : *Homs* amb *s* devetz dire vocal seguen, coma :

Savis appar homs en sos faytz,  
Homs es tengutz fols per forfaytz.

Aquo meteysh cant alcus adjectius am luy s'ajusta denan oz apres ses tot meja e ses vocal seguen, coma :

Discretz homs parla pauc e bo,  
Homs pecz no regarda razo.

Quar si mejas era entre lor, denan oz apres, o luenh o de pres, ses vocal seguen, poyria hom dire *homs* oz *hom*, coma :

Leyals es homs qui vertat col  
Et hom qu'es fatz a greu la vol.  
Hom cant es enboquiparlatz <sup>1</sup>  
A gran re per auzir desplatz.  
Hom que no garda so que ditz  
Rema soen envergonhitz.

O pel contrari : lay on ha *homs* digatz *hom*. Ayssi meteysh en tot autre cas podetz dir *homs* oz *hom*, segon que par per los yshemples seguens, en los quals non ha adjectiu am meja ni ses meja ni vocal seguen, coma :

Hom deu gardar <sup>2</sup> si de peccat  
Homs se perd soven <sup>3</sup> per foldat.  
Hom que siec trop son dezirier  
No s'en gauzish a l'enderrier.

1. Il y a un trait d'union dans le ms. entre *qui* et *parlatz*.

2. Le *d* ressemble à *cl*.

3. *Souen* ms.

Si alcus pronoms que de sa natura no termena en *s* en los ditz cazes s'ajusta amb *hom* ses vocal seguen, devetz dire *hom* ses *s*, per que sian d'una conformitat, coma : *aquest hom lieg en la torr naula*; quar vocal seguen devetz dire : *homs*, coma :

Aquel *homs* es savis e certz;

Aquest *homs* a Dieu s'es uffertz. [F<sup>o</sup> 148 v.]

Et enayssi d'alcus autres indifferens sustantius<sup>1</sup>, coma : *senher senhers*, *senhor senhors*, *enperayre enperayres*, *alegratge alegratge*, *gens gen*, *gaugz gaug*, *mars mar*, *joys joy*, *Peyres Peyre*, *Johans Johan*, *cantars* de l'infinitiu *cantar* pauzat per nominatiu sustantiu; quar tug li verb que mays son adjectiu et enayssi dels autres verbs pauzatz per esta guiza, coma : *legirs legir*, *creyres creyre*, et enayssi dels autres e de lors compostz, coma : *prozoms prozom*, *descantars descantar*, *elegirs elegir*, *recreyres recreyre*. D'alcus motz indifferens<sup>2</sup> es tractat en jos, on hom tracta del neutri sustantivat. Li adjectiu comu ajustat am noms feminis termenans en *a* en lors ditz cazes re no perdo, coma :

Dona pros, avinens, prezans,

Es mot plazens et agradans.

1. Compostz exponctué (xvi<sup>e</sup> s.).

2. B exponctué (ms. : *indeifferens*).



**D'aquesta dictio maestre per qual manera se porta am nostre e vostre et am los propbis noms.**

De l'abreujamen e de l'alongamen d'aquesta dictio *mayestre*, so es qu'om pot dir *mestre*, *maestre*, o *mayestre*, havem tractat lassus en lo capitol de sillaba. Cant ad aquesta dictio *mestre*, o *maestre*, o *mayestre* s'ajusta de part denan ses tot *meja nostre* o *vostre*, adonx tug termenó ses *s*, coma *nostre mestre lieg*, *vostre maestre canta*. Pero vocal seguen ses tot *mieg*, per esquivar *hyat*, *mayestre* amb *s*, *nostre* e *vostre* ses *s* pronunciar devetz, coma : *nostre maestres escriu*; *vostre mestres essenha*.

Si propbis noms s'ajusta aprop la dita dictio *maestre* ses *meja*, adonx tug ses *s* termenó, coma : *maestre Peyre disputa*; *mestre Bertran se muda*. Pero, si vocals se sec aprop lo dit propbi nom, adonx aytals propbis noms deu termenar en *s* per escantir *hyat*, e la dita dictio *mayestre* ses *s*, coma : *mestre Peyres es entendutz*; *maestre Gilis es vengutz*. E si'l propbis noms termena en *m*, aquo meteysh per fugir a metacisme, coma : *mayestre Guilhems arguish*. *Mestre* es abreujatz per sinalimpha, cant le propbis noms que am luy s'ajusta ses *meja* comensa per vocal, coma : *Mestr'Aymeric*, *Mestr'Ermengau*, *Maestr'Izarn* [F<sup>o</sup> 149 r<sup>o</sup>], *Mestr'Uc*. Pero vocal seguen directz : *Mayestr'Aymeric*, *Mestr'Ermengaus*<sup>1</sup>, et enayssi dels autres lors semblans.

De *nostre*, *vostre* en lo cas del pronom e dels propbis

1. *Maestr'Izarn mestruus* pero vocal seguen direct *mayestre Aymeric mayestr'Ermengaus* exponctué.

noms e sobrenoms et en lo cas del nom es tractat enjos, per que abaste so que ayssi n'avem dig.

### **Doctrina de cor, gra, sor, ga, ser, or, may, e pro<sup>1</sup>.**

*Cor, gra, sor, ga, ser, or, may* per lo mes e *pro* per proprieg termeno ses *s* lo nominatiu e'l yocatiu singulars. Li adjectiu parcial ques am lor s'ajusto de part denan oz apres ses meja no devo termenar en *s*, per que sian d'un compas, coma : *freol cor nolz, bon cor ajuda; cor freol es le tieus e cor flac es le mieus; gra major es le tieus, gra menor es le mieus*<sup>1</sup>. Pero si l'adjectius pauzatz per ostamen de *s* termena en vocal, adonx ayals adjectius vol retener *s* en lo nominatiu vocal seguen, coma : *cor mesquis es le tieus, cor alegres es le mieus*. Et en est cas aquest ajustamens s'acorda am l'ajustamen de *nostre e vostre* am *maestre* per esquivar hyat. Aquo meteysh de *pro*, jassiaysso que algu diga[n] : *los pros sera*, laqual locutio no aproam; quar hom deu dire *ton pro sera* e no *los pros*<sup>1</sup>.

### **Doctrina de senher<sup>1</sup>.**

*Senher* o *senhers*, *senhor* o *senhors* pot hom dire cant proprie noms no se sec, coma : *mosenher es a la gleya*;

1. Les deux mots *ser* et *pro* sont marqués du signe d'e et d'o fermés (?) (une cédille au-dessous).

2. Depuis *cor freol* jusqu'ici, l'écriture est plus pâle : ajouté après coup?

3. Depuis *pero sil adjectius* jusqu'ici, le texte est au bas de la page, avec renvoi. L'écriture est plus pâle et moins soignée.

4. G. A., II, 166.

*mo senher m'a dig aysso. Senh ditz hom soen propri nom seguen e comensan per consonan, coma : mosenh Bernad, mosenh Guiraud, et adonx h en aquest cas no sona gayre e ges per so no'l deu hom layshar ad escriure.*

Alguas veltz entre'l *senh* e'l propri nom seguen <sup>1</sup> e comensan per consonan sona per altra maniera aquesta habitutz *en*, coma *mosenh'En Bertran*. Et adonx *h* sona segon dever. E si'l propriis noms seguens aprop *en* comensa per vocal <sup>2</sup>, adonx *en* vira so denan de tras e ditz hom *Ne*, coma : *Mosenher N'Esteve*.

De *senher* osta hom soen *r*, can le propriis noms seguens comensa per vocal, e met hom *n* denan, coma : *Mosenhe N'Arnaut, Mosenhe N'Estacha*. *Senhors* o *senhor* pot hom dir, coma : *mos senhors es ; mosenhor manda*.

### Dels motz termenats en *ayre* et en *atge'*. R'.

Li nom termenat en *ayre* son indifferen, so es qu'om pot dire en lo nominatiu e vocatiu singulars *emperayre* o *emperayres*, coma : *l'emperayres ama vos ; l'emperayre garda nos*.

Dels sieus l'emperayres ha cura,  
Don l'emperayres fa dreitura.

Aysso meteysh entendatz de las [F° 149 v°] dictios en *atge*, coma *paratge* o *paratges*, quoras la .I. e quoras l'autre recorreltz a la doctrina de *hom* e de *homs*. Que

1. Depuis ce mot jusqu'à *comensa per vocal* le texte est écrit d'une encre plus pâle au-dessus d'un texte effacé.

2. *Dir en coma mosenher en Bertran per vocal* exponctué.

3. G. A., II, 166.

direm dels autres lors quaysh semblans termenatz en *eyres*, *oyres*, et *uyres* e dels termenatz en *elges*, *otges* et *utges*? digas que degus d'aquestz non ha ayssi bela cazensa coma cil que termeno en *ayre* et en *atge*, per que no son de lor privilegi.

### De quis vel qui e tant e quant<sup>1</sup>.

*Quis* vel *qui* es indiferens yshamens, quar algunas termenatios ha que teno la regla et algunas que no la teno. *Quals* e *quinh*s teno la regla en singular et en plural, mas lor compost no, coma *qualsqe*, *quinh*sqe. *Quals* es comus e can se pauza per masculi sec la regla d'aquel e cant<sup>2</sup> per<sup>3</sup> femini, sec<sup>4</sup> la regla del femini, coma : *Johans es vengutz de Narbona, le quals<sup>5</sup> m'a portadas salut de mos amic*z ; *ma dona es venguda de Paus, laquals m'a portadas bonas noelas* ; *Li doctor son ajustat, liqual han tengut lor cosselh* ; *Las donas veno de Santor, las quals son totas alegras*.

Aquesta termenatios *qui* es exceptada de la dicha regla. Aquo meteysh *que*, coma : *Le maestres qui lieg o que lieg es mos parens* ; *La dona que porta la garlanda es ma parenta* ; *qui be fara be tròbara* ; *qui es aquela dona* ? Et ayssi meteysh entendatz d'aquest sieu compost *quique*.

1. G. A., II, 168.

2. D'aquel e cant, en marge avec renvoi.

3. Le mot n'est pas sûr ; il semble qu'on ait voulu transformer en *p* un *n* ou un *u*.

4. Ce mot et les cinq qui suivent sont écrits en marge avec renvoi.

5. *Lequals* répété.

Quals termenatios de *quis* vel *qui* son masculinas ni femininas e comunas e quals relatives, enterrogativas e infinidas dig es [es]tat dessus.

*Tant* e *quant*, can so nom, e loz compost son del plural e teno la regla; pero si *quant* se compo am dictio numeral, deu en tot cas termenar en *s*, coma : *dos lans*, *tres lans*, *quatre lans*, *sinc lans*, et enayssi dels sieus semblans<sup>1</sup>. De *tant* e *quans* devem parlar enjos en lo titol de *manhs* amb *h*; per que abaste so que n'havem dig ayssi.

### Doctrina de *dos*, *tres*, *detz*<sup>1</sup>.

En lo nominatiu et en lo vocatiu deu hom dire *duy* o *dos*, *trey* o *tres*; et alqu dizo *siey* per *syey*s e *diey* per *detz*, laqual pronunciatio reproam, quar *sieys* e *detz* deu hom dire en totz los cazes.

### Dels infinitius e d'alcus autres temps pauzatz en loc de nominatiu<sup>1</sup>.

Indifferens es yshamens le prezens de l'infinitiu pauzat per nominatiu o per vocatiu significativamen, [F° 150 r°] coma : *alegrar* o *alegrars es joyoza cauza*; *legir* o *legirs es causa honorabbla*; *temer* o *temers es bos senhals*. Et ayssso es vers cant aytals infinitius es per si

1. Les mots qui suivent jusqu'à ayssi sont écrits au bas de la page avec renvoi.

2. G. A., II, 172.

3. G. A., II, 172 sq.

pauzats solamen, quar si amb aytal infinitiu era ajustats adjectius, adonx deu segre la regla dels indiferens, coma *hom* o *homs*, segon qu'es estat dig la<sup>1</sup> lassus.

Encara dizem que si amb aytal infinitiu era fayta adjunctios d'alguna altra dictio e tot essems reprezentava nominatiu, adonx lo deu hom pronunciar ses *s*, coma : *pregar Dieu es bona cauza* ; *tener nostre senhor Dieu es comensamens de saviza* ; aquo meleysh pauzat que sian mant infinitiu ajustat per copulativa amb adjunctio, coma : *hondrar, lauzar & servir Dieu sobre tolas causas es santa cauza*. Aquo meleysh cant us infinitius o duy o mays am motas adjunctios son pauzat per nominatiu, coma : *Tener castelat, viduitat e verginitat e gardar los mandamens de Dieu es sobresancta cauza*. Encaras trobam en algunas locutios acostumadas nominatiu et son verb et<sup>2</sup> infinitiu et algunas vets accusatiu, que tot essems ajustat te loc de nominatiu, coma : *qui sap far aysso es bona cauza*.

Amb aquest infinitiu *esser* hom ajusta algunas dictios aprop, am prepositio pazada denan lo dig infinitiu, et adoncz la dictios pazada apres l'enfinitiu pot *esser* d'oblic o de nominatiu, coma : *per esser prozome* o *prozoms*, o *per esser ric* o *ricz es hom mays prezats* ; o enayssi : *amb esser prozome* o *prozoms pot hom fugir a mal*. Et es razos, quar aquel infinitius am las dictios seguens podon tener loc d'oblic, et enayssi regardo la prepositio que lor es denan, so es *per* o *am*, o podon haver las dichas dictios respieg a la dictio *esser*, laquals es pazada aqui per manera de gerondui, qui be re-

1. Sic, ms.

2. Parait avoir été écrit à la place d'un autre mot effacé.

garda la natura del lati; et adoncz las dichas dictios pot hom pauzar en nominatiu et enayssi cascus se pot dire.

Infinitius pauzatz en loc de nominatiu no vol termenar en *s*, en cas que per receptio d'aquela engendres equivocatio, coma : *amurs*, *manjars*<sup>1</sup>, [Fº 150 vº] *furs*, per que ls deu hom ses *s* pronunciar.

Le preteritz perfagz e plus que perfagz del dig infinitiu pot tener loc de nominatiu amb adjunctio o ses adjunctio, coma : *haver amut es bona cauza*; *haver honorat e servit aytal senhor cum Deus es nobla cauza*.

So qu'es 'stat dig dels infinitius termenans en *ar*, en *ir* et en *er*, coma *amar*, *legir*, *temer*, deu hom entendre de las autras termenatios infinitivas que son motas, coma : *remetre*, *deffendre*, *secorre*, *querre*, *trayre*, *creyre*, *redre*, *remandre*, *produre*, *escriure*, *moure*, *deure*, *rire* e tropas d'autras qu'om pot trobar. Et acosselham qu'om se garde, si pot, que en sos dictatz no pause aytals infinitius termenans en *s*, quar ges non han bela cazensa, ans sono aspramen.

Alcunas dictios pronunciadas amb habitut de genitiu teno loc de nominatiu, coma : *mays de vertutz son* o *granre de vertuts son*. E d'ayssó havem tractat en lo titol de las habitutz comunas e tractarem en lo titol de *res*, *verges*, *mot*, *trop* e *mays*.

1. Ms. *manians*?

### Dels neutris sustantivat<sup>1</sup>.

Li neutri sustantivat, coma *bo, mal, plazen, greu, mes, aysso es nostre et aquo vostre, aysso es bo et aquo avol, tot so qu'es dig, es fayt, complit, acabat, ayzinat et apparelhal, quar tot es necessari, son<sup>2</sup> exceptat de la dicha regla, quar regularmen termeno ses s.*

Alqu neutri sustantivat son indiferen, cum son li seguen, quar podon termenar en *s* o *ses s*, coma *mes-tiers* o *mestier, mes, may* o *mays, als* o *alre, vers* o *ver, vejayres* o *vejayre*. Li neutri sustantivat integral no's mudo, coma *miels*.

Neutris sustantivat<sup>3</sup> pot termenar en *s* per ostar sentensa doptozà, coma : *mals le castia*.

*Mals* prononciatz amb habitut oz amb autre son par adjectiu pren loc de sustantiu et adonx deu tener la regla general del cas, coma : *le mals que fas t'a mes al bas ; le mals* so es la *malicia* o *maleza* o *malvestatz* o per esta guiza : *grans es le mals que'm fan<sup>4</sup> sufrir amors*, so es *grans es la malenansa* ; o enayssi : *greus* [F° 151 r°] *mals e salvatges es aquest*, soes a dir *greus malautia* ; et enayssi dels sieus semblans. Et aysso pot hom mot be sostener per emphazi e per exallage, cant aytals locutios son acostumadas<sup>4</sup>. Esta dictios *re* pot esser de neutri sustantivat, coma : *re als noy ha*, o enayssi : *re noy ha*, o *re noy trobaretz*.

1. G. A., II, 176.

2. Depuis *son* jusqu'à *ses s* le texte est écrit en renvoi, en haut de la page.

3. Lire *fa*?

4. A la suite : *als no y ha*, barré.



### De las dictios pauzadas materialmen<sup>1</sup>.

Las dictios pauzadas materialmen no gardo la dicha regla, soes can solamen hom pauza la votz ses lo significat, coma : *tu debes escriure hom amb h*; *rey* es d'una sillaba, *princep* de doas, *del maestre* es del genitiu, *al maestre* del datiu, en *amans* son .V. letras, en *legens*. VI.; per aquela meteysa manera pot hom pauzar verbs, adverbis, conjunctios, prepozitios et enterjectios, coma : *ama* es del singular, *amo* del plural, *amar* de l'infinitiu; *cortezamens* es adverbis, *e* es conjunctios, *de* es prepozitios, *haha* es enterjectios. Aytà pauc no gardo las dichas dictios materialmen pauzadas las reglas dels autres cazes, segon que appar per los yshemples lassus pauzatz, ni nombre, persona, ni gendre, coma *nos* es de la primera persona, *vos* de la segonda. Yshemple dam de gendre per aquesta manera : *humilitatz es bonu cauza*; e pueysh dic : *aquel humilitatz* es del nominatiu. Per aquela meteysa manera deu hom pronunciar las letras singularmen, coma *a*, *b*, *c*, *d*, et enayssi de las autras letras, sian prezas materialmen o per altra manera.

### De *res*, *verges*, *mot*, *trop* e *mans*<sup>2</sup>.

*Res* en general te la dicha regla quant al nominatiu e vocatiu singulars, et yshamens cant als autres cazes

1. G. A., II, 178.

2. G. A., II, 180 et suiv.

d'aquel meteysh nombre, coma : *lunha res may's no m'agrada*; *de lunha re may no'm dupti*; *lunha re noy puese trobar*; *a lunha re no'l fizariz*. E pueysh en lo plural ayssi meteysh cum li fernini que no's termeno en *a*, coma *naus, flors*. En especial o quaysh pot hom prendre *res*, et adoncz en totz los cazes de cascun nombre vol *s*, coma : *la bela res qu'ieu am me le joyos*; *de la gentil res me sove*; *yeu vey la gentil res*; *a la gentil res donaray m'amor*; *lunh temps no vi tam bela res cum Aycelina*.

*Verges*, can se pren per la Mayre de Dieu, deu hom pronunciar amb *s* [Fº 151 vº], coma dictio integral, ayssi co ela fo entiera per vergenetat en cascun cas e per so quar may's plenieramen sona la dita dictios; estiers, segon lo gendre de que sera, te la regla dessus pazuada.

*Mot* se pot prendre en doas o en tres manieras : per paraula, et adonx te la regla coma : *aquest motz es bos*; *tug li bo mot son util*; aquo meteysh dels autres cazes coma : *d'avol mot m'enuegi*; *a bo mot no deu hom claure sas aurelhas*; et enayssi dels autres cazes singulars e plurals.

Per adverbis pauza hom yshamen aquesta dictio *mot*, et adoncz significa *fortmen* o *trop*, coma : *mot m'enuegi*; et algunas vetz significa *gran re*, et adonx pot esser neutris sustantivat, coma : *mot n'avelz portat*, o en aquest derrier cas pot esser adverbis et adoncz deu hom penre *mot* per *trop*. Et enayssi, o sia adverbis o neutris sustantivat, significa molteza.

Aquestas dictios *mot* e *trop* non han singular, cant a la votz, sino solamen aytant cum son neutri sustantivat. E deu hom dire en cascun cas del plural *motz* e *trops*

amb *s*, coma *motz o trops s'alegran*, so es *gran re s'alegro*, de *motz o de trops homes es aquesta vila*, et enayssi dels autres cazes.

Quar *motz* en lo nominatiu plural termena en *s*, per so no's pot ajustar bonamen am deguna dictio que tenga la regla sobre dicha, quar no serian be d'un compas, coma : *motz home son astruc*; aquo meteysh de *trops*, per que en est cas en loc de *motz* e soen en loc de *trops* deu hom paucar *mant*, coma : *mant home son astruc*; o pot hom dire : *granre d'omes son astruc*; et enayssi de lors semblans.

Gayre no uza hom del dig vocabble en lo singular, per que en loc d'aquel hom pauza *mans*, coma : *mans homs dechay per necligensa*.

*Mans* en los oblicz del singular muda *s* en *t*, si doncz non es pres per *mandamen*; et aquo meteysh en lo nominatiu plural et en lo vocatiu, coma : *de mant home es aquest libres*; am *mant home hay hagut affar*.

**De *manhs* am *h* e de *sans*, *tans*, *quans*, *fons*, e dels adjectius termenans en *s*<sup>1</sup>.**

De *mans* ses *h* es estat dig; encaras havem *manhs* amb *h* e significa *gran*, e *manha* granda, coma : *ayla manhs* [Fº 152 rº] es *aquest cum aquel*, soes *ayla grans*, o *ayla manha*, so es *ayla granda*.

*Sans* muda *s* en *t* algunas vetz en totz los cazes del singular<sup>2</sup> et en lo nominatiu e vocatiu plurals, coma :

1. G. A., II, 182 et suiv.

2. Siingular, avec *e* exponctué.

*Sant Estephes, Sant Martis, Sant Orens, Sant Sernis; o Sans, coma : Sans Augustis, Sans Matieus; et en totz aquestz cazes es miels dig Sans o Sant que San.*

Del nominatiu plural donam yshemple, coma : *tug li Sant de Paradis* ; o per la regla general pot hom dire : *tug li San*. Aquo meteysh en los oblicz, can le sobrenoms comensa per consonan, coma *de Sant o de San Thomas*; et enayssi dels autres; si per vocal, adonx deu hom dire : *Sant am t*, coma *de Sant Andrieu*; et enayssi dels autres lors semblans.

Aytal propri nom, si no termeno en *s*, non es vicis, coma *Sant Estephe, Sant Nicolau, Sant Marti*; et adoncz deu hom dire : *Sant* e no *Sans*, per que sian d'un compas. Pero li propri nom integral no volon re perdre, coma *Sant Thomas, Sant Laurens*; et en aquestz integrals pot hom yshamens dire : *Sant o Sans*, jasiaysso que *Sant*<sup>1</sup> am *t* sia mays acostumat.

So qu'es estat dig de *sans* pot hom entendre d'aquestas dictios *quans e tans*, coma : *o quans homs s'es pergut: en la guerra! oy Dieus! e tans homs se perd per sa colpa!* Et en est cas pot hom dire yshamens : *tant hom e quant hom*.

Los autres cazes del singular e'l nominatiu e'l vocatiu<sup>2</sup> deu hom pronunciar am *t*, e'ls autres cazes del plural amb *s*. Per aquesta manera deu hom pronunciar los nominatius e'ls vocatius plurals d'alqus compostz de *tans*, can la dictios seguens comensa per vocal, estiers ses *t* los pot hom pronunciar, coma : *alerlant o aylant home son de say cum de lay; alerlant o aylant*

1. an exponctué.

2. En marge : « plural, qui est dans l'autre registre, a été oublié ici » (xvii<sup>e</sup> siècle).

*cavalier son ayssi cum aqui. A quans no trobam compostz que termeno en an.*

*Aytant ni atertant non han singular, si doncz non eran neutri sustantivat o adverbí, coma atertant o aytant hay yeu de la .I. cum de l'autre; jassaiysso que algu digan : aytant o atertant home hay yeu vist cum tu has, o aytant aur hay yeu cum tu; pero miels es dig aytans o atertans homes hay yeu vistz cum tu, o aytant d'aur hay yeu cum tu.*

[Fº 152 vº] *Tant se compo algunas vetz am dictios numerals, et adoncz aytal compost son integral, coma dos tans, quatre tans, segon qu'es estat dig lassus, en lo titol de' quis vel qui e tant, quant.*

*Fons per preondeza es integrals e per fontayna partials.*

*Sans yshamens es integrals cant es pauzatz per nom o per sobrenom.*

*Cant li adjectiu que termeno en s coma sans, grans, bels, s'ajusto am sustantiu que comensa per s, adoncz aquel s d'aytals adjectius no deu hom gayre sonar, jassaiysso qu'en l'escriptura deja esser, coma : Sans Sernis, Sans Silvestres, grans senhors es aquest, et en ayssi dels autres.*

### **De las dictios termenans en sh e de lor alongamen e de dons e totz¹.**

*Algu nom son integral que termeno en sh en totz los cazes singulars e plurals, coma faysh, carcaysh, peysh, boysh; en los oblicz plurals fan fayshes, car-*

1. Depuis de jusqu'à quant en marge avec renvoi.

2. G. A., II, 186 sq.

*cayshes, peyshes, boyshes*, et enayssi de lors semblans ; liqualet lor semblan, de qualque part d'oratio sian, podon esser pronunciat ses *h*, coma *fays, carcays, trays, atrays, creys, peys, eys, tueys, gandis, boys, creys, huys, puy*s, si donx per ostamen de *h* en autre mot no's trasportavan. Et alqu dizon *dis* per *dish*, pero *dish* es mays acostumatz amb *h* que ses *h*.

En cascun cas deu hom dire *dons* am la .I. d'aquestz pronoms *mi* e *si*, coma : *midons* o *sidons es aquesta* ; *yeu soy de midons* ; *ayso daray a midons* ; *yeu veg midons* ; amb autres pronoms no'l deu hom ajustar ni am degus noms adjectius, si doncz hom no'l pazava per masculin.

Totz deu hom dire en lo nominatiu singular coma : *totz homs deu amar drechura*. Et en lo nominatiu plural deu hom dir : *tug*, coma *tug li San temo Nostre Senhor*.

**Qual cas deu hom pazar aprop questz verbs : *hay, soy, estau, sab, cal* et aprop aquest adverbis *veus* et aprop los participis<sup>1</sup>.**

Aquest verbs : *yeu hay* [requier] acuzatiu<sup>2</sup> aprop *si*, coma : *yeu hay nom Peyre* ; *ayssi ha bel hostal* ; *noy ha home en la mayzo* ; et enayssi dels autres verbs que son de la sua natura. [F<sup>o</sup> 153 r<sup>o</sup>] *Soy, estau* son verb sustantiu e requiero aytal cas aprop cum denan, coma :

1. Écrit à la marge intérieure ; on ne lit que *veu*.

2. G. A., II, 186 (en partie seulement),

3. Le mot est peu lisible ; celui qui précède ne l'est plus du tout : nous ajoutons *requier*, car le mot devrait être, d'après l'espace restreint, très court.

*yeu soy clercz, tu yest bos, cel estay sas; et enayssi dels autres temps e mozes. Et entendatz siàn d'u nombre o de divers, coma : Dieus es totas cauzas. Per vertut d'aquestz dos verbs son alun verb que requiero aytal cas aprop cum denan', coma : yeu mangi voluntiers; torni cochos e vau primiers: aquo meteysh de lors feminis.*

Aquest verb *sab* s'aordena<sup>1</sup> am nominatiu, can se pren per esta manera, coma<sup>2</sup> : *le vis me sab bos, o melher me sab le vis que l'ayga.*

Aprop aquest verb *cal* deu hom pauzar nominatiu o accuzatiu, coma : *noy cal declaratio o declaratio*: et adoncz *cal* enporta necessitat, coma : *no cal que fassatz aquo*, soes a dir : *no es de necessitat que aquo fassatz*; en altra manera *cal* se pren per haver cura, coma : *trop m'en cal o no m'en cal*; et adoncz no s'aordena am nominatiu ni amb accuzatiu.

*Veus* adverbis vol apres si nominatiu o accuzatiu, coma : *veus le reys o veus lo rey.*

Alcunas locutios havem per abuzio de parlar, lasquals tenem per ben dichas, cant son acostumadas, e fan se motas velz amb aquestas dictios *mays* o *may*, *plus*, *trops* o *trop*, *granre*, *tans* o *tant*, et enayssi de lors semblans, coma : *mays* o *may* o *plus* de *vertutz* son en la *Verges Maria* que en *Sancta de Paradis*, soes a dire *motas vertutz* son *mays*, etc. E si en loc de son hom met ha en la dicha locutio, coma : *mays de vertutz* ha en la *Verges Maria*, vol dire que la *Verges Maria* ha *mays* de

1. m exponctuée.

2. On avait écrit d'abord *aordenansa*; le premier jambage de *n(sa)* a été gratté et le restant est barré.

3. *coma* exponctuée et barré.

vertutz ; o pot hom penre aquel *ha per troba*, coma : *mays de vertutz ha en la Verges Maria*, so es a dire : *màs de vertutz troba hom en la Verge Maria*.

Yshamens ditz hom : *trop o trops de pecalz e granre de malezas son huey en lo mon*, so es a dire : *mant pecalz e motas malezas son*, etc. ; o *trops de peccatz*, soes *grans moltalezas de peccatz e de malezas son*. O pot hom dire en loc de son *ha*, coma : *trops de peccatz e granre de malezas ha en lo mon*, soes a dire : *le mons ha molt de pecalz e motas malezas*, o *ha per tro* [F° 153 v°] *ba*, coma : *trops de peccatz e granre de malezas ha*, soes *troba hom en lo mon*.

Am *tans* et am *tant* se fan yshamens aytals locutios, coma : *tans de perilh hay passatz* soes a dire *tans grans perilh*, etc. ; o *tant de mals hay vistz*, *auzit e sufertz*, so es *tan grans mals*. O pot hom dire : *tan de perils e de mal hay passat*, so es *tan gran perilh hay passat e tan gran mal*. Encaras pot hom dire : *tanta de paor hay passada*<sup>1</sup> o *haguda*, so es *tan gran paor*. Algun dizo : *tant de paor hay passat* o *tant de paor hay passada*, et aquestas doas locutios derrieras reproam del tot.

Aquestas locutios seguens sufertam yshamens, quar son en uzatge de parlar, coma : *aquela bestia d'ome no sab que's fa*, soes : *aquel homs bestials* ; o enayssi : *.I. dyable son de gens*, so es *unas gens dyabolicals* ; e enayssi de lors semblans vocables, coma *.I. dyable, fantasia, arlot, ribaut, muzart, badoc d'ome*.

Autra manera de parlar per abuzio havem e quar es acostumatz lo sostenem, coma : *tant aur non er*

1. Le ms. ajoute : o ay pass, mais ces mots sont barrés et ponctués.



*ajustat ni tant bel juel, si mos capdels yeysh de vida ; et es aqui entendut : tant aur so es tant de aur, tant bel juel, so es tant de bel juel ; et aquel tant es neutris substantivatz que vol dir coma : tan grans quantitat ; o poria<sup>1</sup> hom dire que aquestas doas dictios tant aur representan .I. mot compost e que sia tot ajustat neutris substantivatz. Et aquo meteysh d'aquest tres motz tant bel juel et enayssi de lors semblans loquios.*

Yshamens sufertam qu'om puesca dire *l'avesque, l'abat, cascus es bos homs ; Bernad Salamo, sos filhs lo resembra, e motas autras locutios escuzabblas per figuras.*

Regularmen li particip de temps prezen requiero accuzatiu apres lor, coma<sup>2</sup> :

Cel es temens et amans Dieu  
Qui fay-lo comandamen sieu.

Aquest particip *nomnat, dig et appellat*, si d'oblic son, volon aytal meteysh cas apres o nominatiu en<sup>3</sup> singular et en plural et aquo meteysh li temini, coma : *d'un vici dig o appellat repplicatio o replicatios volem tractar*, et enayssi dels autres.

1. Sic ms.

2. Après *coma* viennent les mots suivants, qui ont été exponctués : « Aquestz participit *nomnat, dig et appellat* si d'oblic son, volon aytal meteysh. »

3. Depuis *aquest* jusqu'à *en* le texte est écrit au bas de la page, en renvoi.

[F° 154 r°] **Dels propis noms e dels sobrenoms'.**

Regularmen li propi nom cant al nominatiu el vocatiu singulars son indiferen, coma : *Guilhems* o *Guilhem m'a ensenhat*. Exceptatz los feminis en *a* que no volon *s* coma *Gauceranda*, et exceptatz alqus masculis en *a*, coma *Estacha*. Yshamens son alqu propi nom quaysh grec, quar se derivon de grec, que son indiferen, coma : *Sinodoche*, *Synodoches*, *Paragoge*, *Paragoges*, *Anastrophe*, *phes*, *Parameon*, *Parameons*, *Cachos-syntheton*, *tons*, *Omoptoton*, *tons*, *Omoetheleuton*, *tons*, et enayssi de lors semblans.

Li sobrenom e'l nom d'aventura o d'acciden lunh temps no's volon mudar, ans los deu hom pronunciar en la manera mays comuna e máys acostumada, et ayssó per miels entendre la persona o la cauza<sup>1</sup> a cuy aytals noms es empauzats.

*Peyres* poyretz dir *Peyre*, *Peyr* o *Pey* : e si'l sobrenoms comensa per vocal, es miels dig *Peyr*, coma *Peyr Arnault*. E si comensa per consonan, es miels dig *Pey*, coma *Pey de Prinhac*. E qui'l pronuncia ses sobrenom, deu dir *Peyres* o *Peyre*. Et enayssi meteysh se pot alongar et abreujar en los oblicz, coma *Peyre*, *Peyr*, *Pey*. D'aquestz cazes havem tractat lassus, en lo titol del regimen, et en lo nombre et en la figura del nom et en autres locz, per que abaste so que n'es estat dig.

1. G. A., II, 188.

2. Ms. *cuza*; au bas de la page : o la cauza (xvii<sup>e</sup> s.).

### Dels oblicz'.

Li oblic singular, sian nom, pronom o particip, adiectiu, sustantiu propri, appellatiu, femini o mascululi, termenó lors oblicz singulars ses *s*. Et aquo meteysh li infinitiu pauzat en loc d'oblicz singulars, coma : *totas cauzas son de Dieu; A Dieu servetz e Dieu amatz; En Dieu et am Dieu vivetz; Ges tug no sabon la maniera d'amar; Ad amar dezordenat no's deu hom enclinar*. Et enayssi dels autres. Exceptat ne son tug li nom integral, coma : *pros, bras, Beatritz, Alazays, gros, bres, gracios, vertuos, glorios*.

Tug li oblic del plural devo termenar en *s*, exceptat alqus noms numerals, coma *quatre, v, vii, viii, ix, xi, xii, xiii, xiiii, xv, xvi, xvii, xviii, xix, xx, xxx, xl, l, lx, lxx, lxxx, lxxxx, c, m*.

[F<sup>o</sup> 154 v<sup>o</sup>] **Dels motz diversificatz e de lor cambiamen, mudamen, transportamen, creyshe-men, e mermamen'.**

Li mot diversificat, sian nom, pronom, verb, adverb, conjunctios, prepozitios o enterjectios, son legut per dire o per escuzatio de figura e per lonc uzatge; dels quals son motas e diversas manieras, sos assaber : mot *acirologial, anthilezit, methatezit*<sup>1</sup>, *prothezit, epenthezit, paragojat, auferezit, sincopat, appocopat*.

1. G. A., II, 190.

2. G. A., II, 190 sq.

3. Ms. *mechatezit*; ou du moins le premier *t* ressemble à *c*.

*Acirologiat* son cant la us es pres e pauzatz per l'autre, quar en aytal cambiament es una figura appellada *acirologia*, que vol dire aytant coma *paraula* qu'om non ha a ma per dire, so es que, segon lo propri lengatge d'aquels que la dizo, non es propriamen en us per dire a totz, mas solamen per alqus. E per ayssó appar que aytals motz es estranhs, segon qu'om pot vezer en aquestz vocables, liqual no son en uzatge de cominal parlar, mas solamen per alqus dictadors anticz que'ls han pauzats, coma *quécz*, *eccoys*<sup>1</sup>, liqual mot son estranh e no son a ma, soes en us per dire. E quar per alqus dictadors anticz son estat pauzat en lors dictatz e per consequen per trops autres, per so no'ls repreneu, ans los sostenem.

Alqun autre dizon que *acirologia* es cant per lonc uzatge acostumat hom pren e pauza. I· mot per autre coma *albareda* per *sauzedá*, *escala* per *escalier*, *bel temps* ha per *gran temps* ha, *levatz m'en carta* per *prendetz o recebetz*, *fi·m yeu* per *dishi*, *yeu l'e fag messatge* per *trames*, *le vis es vengutz* per *adutz o portatz*, *le tonels s'en vay* per *s'escorr*, *non hac home en esta vila* per *no fo*, *dem* per *ayssi* per *anem*. E cant aytal mot son acostumat de dire per los anticz dictadors e per consequen per trops autres en lors dictatz, o can son en cominal uzatge de parlar, jassiaisso que la us sia pauzatz per l'autre, adoncx son escuzat<sup>2</sup> per la dicha figura *acirologia* segon nostre romans. Alqu mot son yshamens quaysh d'esta maniera que ressemblo lo lati; e quar es acostumat, hom los pauza, coma *solutios*, *loqutios*, *rusticitatz*, *utilitalz*, *varietatz*, *enferms*, *sengles*, *tenebros*.

1. Plutôt *e croys*.
2. segon exponctué.

*fictios*, *pedagocz*, *enpignoratis* et enayssi autres [Fº 155 rº] granre que quaysh reprezento mieg lati e mieg romans, o, pauzat que semblo mays al lati que al romans, son acostumat de dire, coma *sortz*, *utilitalz*, *solutios*; enpero si en re no semblavan al romans, segon nostre cominal parlar, ni eran en uzatge de dire, adonx aytal mot no serian legut, segon que direm enjos.

*Antithezit* son cant en aquels es faytz mudamens de letra o de sillaba, quar adoncs es aqui una figura appellada *antithezeis*, laquals pauza o muda una sillaba o una letra per altra en diverses locz; e veus ysemples de sillaba e de letra, coma *senher senhor*; ayshi ha mudamen de sillaba e de letra, quar *e* se muda en *o*; aquo meteysh: *mielhers melhors*, *piejers pejors*, *majers majors*, *gencers gensors*, *anta onta*, *arna arda*, *del dit*, *tener tenir*, *lampeza lanteza*, *perda perga*, *Catarina Catalina*, *Berenguier Belenguier*, *cat gat*, *Judas Juzas*, *Adam Azam*, *cosserra cossena*, *sincha sencha*, *fincha fencha*, *onh unh*, *ponh punh*, *morgue monge*, *verroth ferroth*, o *berroth*, *bolh bulh*, *me mo*; d'aquest mudamen uzo fort li Gasco, quar pauzo haspiratio, so es *h* en loc de *f* coma *hranca* per *franca*, *rahe* per *rafe*, *hilha* per *filha*, et *r* per *l*, coma: *bera* per *bela*; *cara te* per *cala te* e *b* per *v* consonan coma *ba* per *va*, *bertal* per *vertal*, *bengutz* per *vengutz*.

*Methatezit* son cant una letra o una sillaba es translada d'un loc en autre; quar adoncs es aqui una figura appellada *metathezeis* que transporta sillaba o letra d'un loc ad autre en diverses lox de la dictio, coma *palaurã* per *paraula*, *craba* per<sup>1</sup> *cabra*, *cramba* per

1. *Crabba* exponctué.

*cambra, atersi per atresi, et enayssi d'autres granre.*

*Prothezil* son can prendo creyshemen en lo comensamen de la dictio; quar adonx es aqui una figura apelada *prothezis*, laquals dona creyshemen en lo comensamen de dictio, de sillaba o de letra, coma : *si cum ayssi cum, apres enapres, entre mentre, aut naul.* D'aquesta figura uzo fort li Gasco, quar leumen pauzo a denan dictio que comensa per *r*, coma : *Mossenher<sup>1</sup> Aramon, Mossenher Araols tropes ariquoç.*

[Fº 155 vº] *Epenhezil* son can prendo creyshemen en lo mieg de la dictio de sillaba o de letra; quar adoncz es aqui una figura apelada *epenthezis*, laquals dona creyshemen en lo mieg de dictio, de sillaba o de letra, coma : *femena per femna, guindolier per guinier, vertudos per vertuos, gendre per genre<sup>2</sup>;* d'aquesta sort podon esser tug li mot que mays termenat en *eza*, quar podon creysher d'aquesta letra *s*, coma *beleza belessa*; quar *beleza* se pot escriure amb .I. *s*, que ha so de *z* regularmen can totz sols es pauzatz entre doas vocals; et enayssi dels autres lors semblans, coma : *riqueza riquessa, franqueza franquessa, jassiyssso* que cascuna termenatios se puesca dire. Pero, segon nostra oppinio, miels es dig *beleza* que *belessa*, quar *belessa, malessa* am dos *ss* son mot quaysh gasconil. Enpero tant dictador antic los han pauzatz per esta maniera que nos noy volem contradir. E dizem tug li mot que mays, quar ges en totz no se sec, coma *corteza, repreza, marqueza*. E per so en aytals vocabbles hom deu gardar us acostumat.

1. Ms. Moss. avec abréviation finale.

2. Après *genre* un mot peu lisible a été expunctué : *errenon ciers* (?).

*Paragojat* son can prendo creyshemen en la fi de dictio; quar adoncz es aqui una figura appellada *paragoges*, laquals creysh la fi de dictio de sillaba o de letra, coma : *recluzana* per *recluza*; *vergena* per *verge*; *certana* per *certa*<sup>1</sup>. Alqu nom ver diminutiu son yshamen *paragojat*, segon la oppinio d'alqus, so que nos del to t no aproam. Ver diminutiu son, coma de *Ramon Ramondetz*; de *azautz azautetz*, de *loza tozeta* et de *bruna bruneta*: et enayssi de lors semblans. Quaysh diminutiu son coma de *companhs companhos*, de *fels felos*, de *peysh peyssos*, et enayssi de trops autres; e per so los appellam quaysh diminutius, quar<sup>2</sup> han votz semblan ad alqus verays diminutius, coma : *Bernad Bernado*, *Guilhem Guilhamo*; quar ges non apparo diminutiu quant al significat, quar aytans ha de significat segon nostra maniera de parlar *companhos* co-[Fº 156 rº] ma *companhs* e *peyshos* coma *peysh* e *felos* coma *fels*, et enayssi d'autres granre.

*Aferezit* son can prendo mermamen en lo comensamen de dictio; quar adoncz es aqui una figura appellada *auferezis* que tol et osta del comensamen de dictio sillaba o letra, coma *bot* per *nebot*, *tecat* per *entecat*, *melher* per *amelher*, *si Dieu platz* per *si a Dieu platz*, *no's homs en Tholoza* que *saubes asso far* per *no es*.

*Sincopat* son can prendo mermamen en lo mieg de dictio; quar adoncz es aqui una figura appellada *sincopa* que osta del mieg de dictio sillaba o letra, coma *felnia* per *felonia*, *colomier* per *colombier*, et enayssi d'autres granre.

1. « Per la Verges Maria amb » exponctué.

2. Depuis quar jusqu'à *diminutius* le texte a été répété, puis exponctué.

*Apocopat* so can preudo mermamen en la fi de dictio; quar adoncz es aqui una figura appellada *appocopa*, laquals osta de la fi de dictio sillaba o letra; coma *sal* per *salve*, *pro*<sup>1</sup> per *profieg*; coma : *cant gazarhi fau mon pro*; *que't* per *que te*; coma : *no sabes que't fas*, et enayssi d'autres granre.

### Dels motz variables<sup>1</sup>.

Li mot variable, sian nom, pronom, verb, adverb, particip, conjunctios, prepositios, interjectios, no son legut per dire ni preudo lunha escuzatio; e d'aytals motz variables son motas e diversas manieras, sos asaber mot *estranh*, *fat*, *contrafag*, *prezumtiu*, *otracujat*, *sobrancier*, *cargat*, *destartugat*, *byayssat*, *defectiu*, *romput*, *troncat*.

*Estranhs* es aquel motz qu'es pauzat per autre et es del tot d'estranh lengatge o motz particulars de qualque loc e no acostumat per dire, coma *plenega* per *ayguiera*, *bistensa* per *malaventura*; *yshubrialmen* per *scienmen*, *apenas* per *ades*.

*Fatz* es aquel motz que en re non es estranhs, mas qu'es fadamens pauzat per autre mot, et aysso per alqus particularmen, coma : *gran paraula'm fau de Dieu*; vet *paraula* per *meravilha*; et es appellatz motz *fat* no per so que *paraula* sia motz *fat* ni que no sia acostumat, mas que fadamens es pauzats per autre mot e que non es acostumat que sia pauzat per aquel, sino particularmen per alqus pecz.

1. Depuis *pro* jusqu'à *mon pro*, au bas de la page, en renvoi.

2. G. A., II, 200, sq.



*Contrafagz* es aquel motz qu'es finchs e fargatz segon lati [Fº 156 vº], et en re no's coforma am lo romans ni es acostumat de dire, ne de leu no seria entendutz per gen layga, coma *stullicia* per *folia*, *societatz* per *companhia*, *a mi costa* per *a mi es ferm*; *Dieus fe omnia causas* per *totas cauzas*; *Domini Dieu* per *Nostre Senhor Dieu*, *uyshor* per *molher*. E cant be havem regardat e cossirat del tot no nos podem payrar d'aytals motz contrafaytz que algunas veltz no'ls fengam segon lati, quar atrobam nostre lengatge assatz prompda al' lati'; quar alcun mot en romans son del tot .I. meteysh et amb aytantas et unas meteyshas letras am lo lati, coma *bona*, *mala*, *terra*, *guerra*, *luna*, *planeta*, *doctrina*, *disciplina*, *candela*, *Thomas*, *Maria*, et enayssi de gran re d'autres. E d'aquestz, si acostumat es, no's doptes que nos puecan dire; e pauzat que no sian acostumat cominalmen, mas per alcus, s'en pleja hom de dire soen. Majormen quar assats los pot hom entendre, coma *campana*, *norma*, *dilectio*, *superbia*, *accidia*, *collecta*, et enayssi d'alcus autres del tot semblans<sup>1</sup> al lati. Alqus autres vocabbles havem que al lati son quays semblan; e dizem quays semblan, quar la us es dessemblans a l'autre per mays o mens o per diversitat de letras, coma *virtus*, *vertutz*; *salus*, *salutz*; *stella*, *estela*; *Petrus*, *Peyres*; *Andreas*, *Andrieus*. E jassiaisso que aytal mot sian quays semblan al lati, ges per so aquels hom no deu pauzar si no eran acostumat de dire, jassiaisso qu'om soen s'en pleja, can per alcus son acostumat de dire, e quar assatz hom los pot entendre,

1. En face, à la marge extérieure, main du xiv<sup>e</sup> s. : « [Not]a ydioma nostrum conformu[m] (*sic!*) [lat]ino. »

2. *Quays semblans*, barré.

coma : *furt, vocable, enferm, enfermetat, afflictio, homicidi, custodi, doctor, futur, preterit, violensa.*

E quar soen trobam nostre lengatje deffectiu de vocables, cove que nos plegem del lati, coma *paternal, viutat, ethica, politica, sonansa, consonansa, leonismal, hyat, metacisme, sillogisme, barbarisme, soloecisme, methapla[s]mus, scema, alleotheta, tropus*, et enayssi d'autres gran re, dels quals non havem propri romans. Per que cove segre lo lati qu'es mays copios et habondos de vocabbles que'l romans. E d'aquesta natura po [F° 157 r°] don estre aquest duy vocabble *prudencia* et *eternal*, jassaiysso que algu digan encontra; quar *prudencia* hom pot romansar en romans<sup>1</sup>, so es qu'om diga *savieza*, e per *eternal* qu'om diga *perdurabletat*; pero entre *prudencia* e *savieza* ha differenza; et aquo meleys entre *eternal* e *perdurabletat*, per que l'arguments contraris no<sup>2</sup> procezish.

Los proprijs noms hom pot fenher segon lo lati, si donx no eran acostumat de dire en certa manera, coma *Serni, Superi*, quar hom ditz cominalmen *Sant Serni, Sant Superi*. E si no fosso acostumat de dire, per esta guiza pogra hom dire : *Sant Saturni, Sant Exuperi*.

Autres vocabbles havem compostz amb aquesta prepositio *in* que significa *no*, coma : *injust, injusticia, inutil, invizible, impossible, infinit<sup>1</sup>, infinitat*, et enayssi de trops autres, los quals hom pot pauzar e dire, mas que sia acostumat et assats se puesca entendre.

E quar l'estamen e'l portamen e'l lengatge de las

1. *Hom pot romansar en romans, répété et exponctué.*

2. *Prozesis exponctué.*

3. *Masque sia acostumat et assats se puesca exponctué.*

gens vezen<sup>1</sup> soen mudar, per so en so qu'es estat dig  
ni en alcus autres cazes no podom<sup>2</sup> certa regla donar.  
Quar alcus motz reprezera hom en lo temps passat que  
aras per uzatge los prendem per acostumatz, coma:  
*glavis, paya, escaramussa, talabart*. Et enayssi per temps  
se poyra segre. E per so ditz N'Ath de Mons :

Mas segon que's cambia  
L'uzatges de las gens,  
Deu hom captenemens  
E saber cambiar;  
Que s'ieu vuelh er mostrar  
Sen, segon mo vejayre,  
Beleu enans de gayre  
Leus er a cambiar  
O creysher o mermar  
L'uzatge qu'eras va;  
Quar hom mesprezara  
So qu'aras te per bo  
O per qualque razo  
Bona que'us hy vendrà;  
Et el temps que fo ja  
Mostravan yshamen  
Lor vejayre, lor sen,  
Cil que far ho volian  
Segon que'l temps vezian.

Totz aquels motz reputam per acostumatz per dire  
ques hom ditz cominalmen et aquels yshamens que son  
pauzat en nostras LEYS ses expositio e declaratio et en  
los dictatz per lo nostre GAY CONSISTORI aproatz et au-  
tenticatz per alcuna joya [F° 157 v°] o per lo sagel del

1. Ms. *vezen* avec abréviation de *m* sur le second *e*.

2. En marge (xviii<sup>e</sup> s.), *podem*.

dit nostre CONSISTORI. E finalmen totz aquels que per la major partida de las gens laygas podon esser entendut.

*Prezomtius* es aquel motz en loqual es facha transpor-tacios de letra o de sillaba d'un loc ad autre, en qual-que loc se fassa de la dictio, o en lo comensamen o en lo mieg o en la fi; e per so ha nom *prezomtiu*, coma *displcina* per *diciplina*, *Camarantran* per *Caramantran*, *camarels* per *caramels*; jassiaysso qu'om puesca dir se-gon lati *disciplina* per *figura*; pero segon romans no deu dire mas *disciplina*.

*Otracujats* es aquel motz en loqual es fayta mutatis de letra o de sillaba, en qualque loc se fassa de la dic-tio, o en lo comensamen o en lo mieg o en la fi, coma *apris* per *apres*; *li* per *te*; *vou* per *van*; *fou* per *fun*; *estou*<sup>1</sup> per *estan*.

*Sobranciars* es can pren creyshemen en lo comensa-men de dictio, coma : *sempres desempres*, *denan dedenan*, *apres dezapres*.

*Cargatz* es can pren creyshemen en lo mieg de dic-tio, coma : *falha falhia*, *batra batera*, *encaussara encaus-sagara*, *begui beguegui*.

*Destartugat* es aquel motz que pren creyshemen en la fi de dictio et am lo creyshemen es aquel meteysh motz, soes ques ha aquela meteysha manera de signi-ficar como *disshigui* per *dishi*, *beli* per *bel*, *duri* per *dur*. et enayssi de granre d'autres.

*Biayshatz* es can pren creyshemen en la fi de dictio et amb aquel es divers motz; quar assatz podetz vezer que nos havein *falha*, *valor*, *plazen*. *suffren* e d'aquestz havem *falhensa*, *valensa*, *plazensa*, e *suffrensa*. Si alqus

1. A la suite ou exponctué.

ha mestiers de rima que termene en *ensa* e cre que enayssi co *falha* fay *falhensa mala* fassa *malensa*, adoncz biaysha lo mot; aquo meteysh si de *dol* fay *dolensa* o de *manens* *manensa* o de *quals* *quala*, *tals* *tala*, *aytals* *aytala*, *fortz* *forta*. [Et aytals motz reputam biayshatz, quar aquestas dictios *quals*, *tals*, *aytals*, e *fortz* son del comu gendre, per que no cal dire *quala*, *tala*, *aytala*, *forta*; majormen quar no son acostumat de dire, quar si fosson acostumat, coma *grans* *granda*, *verds* *verda*, no'ls reputeram per biayshatz et enayssi]<sup>1</sup> de trops autres en *ansa*, en *ensa* et en autres termenatios.

*Defectius* es aquel motz que pren mermamen de letra o de sillaba en lo comensamen de dictio coma *tendensa* [F<sup>o</sup> 158 r<sup>o</sup>] per *entendensa*, *ramir* per *arramir*.

*Romputz* es can de letra o de sillaba pren merma-men en lo mieg de dictio, coma : *tenes* per *tenetz*, *digas* per *digatz*, *des* per *delz*.

*Troneatz* es can de letra o de sillaba pren merma-men en la fi de dictio, coma *val* per *vali*, *parl* per *parli*, *cal* per *cali*, et enayssi d'autres granre.

Quí paubar vol .I. mot per autre o alcuna dictio alongar o abreujar, transportar o mudar en lo comensamen o en la fi d'aquela deu gardar aytan can pot que aytals motz sia acostumatz de paubar per aquel per loqual lo pauza, e que l'alongamens e l'abreujamens<sup>2</sup>, mudamens e transportamens sia yshamens acostumatz, segon qu'es estat dig e mostrat per yshemples, e que

1. Les mots que nous mettons entre crochets sont écrits en renvoi au bas de la page; écriture plus négligée, mais qui paraît de la même époque.

2. D'ici à *mudamens* est écrit le texte que nous avons imprimé plus haut entre crochets, sauf *et enayssi*; le tout est barré.

aytals costuma no sia particulars, so es d'una vila, de doas ni de tres, ans sia be acostumat de pauzar e dire aytals motz per una dyocezi, so es .I. avesquat, et en mayes de locz que no ha una dyocezis.

### **Doctrina de fi, .I., degu, algu, cascu<sup>1</sup>.**

*Fi, .I., degu, algu, cascu*, soen preno en la fi creyshemen d'esta letra *n*, coma : *aquesta copa es de fin aur* ; *un home, degun home, algun home noy trobiey* ; *cascun home vey leumen cueros de son pro* ; *algun autre dizo no n'i vi mas un autre*, et enayssi dels autres cazes retenens aquela meteysha termenatio.

### **D'alqus motz que's podon dire en doas manieras<sup>1</sup>.**

Li mot sequen se podon dire en doas manieras, quar algu d'aquels preno creyshemen et algu mudamen legut, quar es acostumat, coma : *a ma guia a ma guiza* ; *servezi servici* ; *conques conquis* ; *companha companhia* ; *saviza savieza* ; *yshemple yshample* ; *verges vergena* ; *maleza malessa* ; *tener tenir* ; *retener retenir* ; *conque[r]re conquerir* ; *sem semensa* ; *Ermault Ermaus* ; *amia amiga* ; *solas solatz* ; *Davids Davis* ; *enginh engenh* ; *sinh senh* ; *trassin [Fº 158 vº] trassenh* ; *fenh finh* ; *prenda prenga* ; *reprenda reprengu* ; dels autres verbs que hom pot dir en doas manieras o mayes es enjos tractat en lo verb

1. G. A., II, 206.

2. G. A., II, 208.

mays a ple<sup>1</sup>. *Ditz detz; benezeit benezit; senhers senhors; majers majors; melhers melhors; greu grieu; luenh lonh; suenh sonh; ponh punh; bolh bulh; sans sanchs am ch; pero la primera es mays comuna: dimerc dimerge dimergue, et alqu dizon dimenc, et aquesta no aproam; mens menhs, la primera val mays, quar es mays comuna; aquo meteys miels mielhs; sancta o santa; pero mays val santa ses c, segon romans. Item havem ferritge, ranquitge, orbitge, losquitge, gratitge, pruzitge; et aytal mot podon termenar en itge amb i o en etge amb e semissonan; et enayssi de trops. autres los quals hom pot haver per uzatge de parlar. Maniera o manieyra pot hom dir et enayssi de totz que mays los sieus semblans. E dizem que mays, quar hom ditz solamen peyra; item pot hom dire: vezer veyre; sezer seyre; sentensa o sentensia; sciensa sciensia; paciensa paciensia amb .i. o ses .i.; pero miels es dig sentensa, sciensa ses .i., et enayssi de lors semblans; e cant es doptes si's podon dire en una manera solamen o en doas, deu hom haver recors als dictatz dels anticz, si aytals motz han pazats, coma val per valor o per valensa; e si per aquela manera hom no s'en pot enformar, deu recorre a la manera de parlar acostumat cominalmen per una dyocezi; et ayssó es la cauza mays greus cant a dictar en romans que deguna altra que puscam trobar, quar .I. mot que yeu entendray tu no entendras; et ayssó es per la diversitat d'u meteys lengatge quar tu que seras d'una vila<sup>2</sup>, laquels es en Tolza, hauras acostumat .I. mot et yeu que seray d'autra*

1. Lacune?

2. Laquels exponctué.

vila laquals sera yshamens en Tolza n'auray acostumat  
.I. autre et enayssi serem divers.

### Declaratio d'algunas questios qu'om poyra far'.

En los noms feminis ni masculis termenatz en *a* ni en los integrals no pot hom donar differensa entre nominatiu e vocatiu singulars e plurals, sino per las habitutz. E per so es cauza covenabbla que én aquels hom fassa dif [F° 159 r°] ferensa en los quals se pot far per variamen de termenatios en la fi, quar enayssi vezem que's fay leumen en lati.

Al lati deu hom atrayre et aquel segre e semblar el amb aquel conformar aytant cum pot, quar es lengatges mays perfleytz e mays aproatz que degus dels autres a nos conogutz. E quar en aquel atroba hom mays de termenatios en *s* en lo nominatiu et en lo vocatiu singulars et en los plurals ses *s*, per so ressemblan en aysso lo lati; li nominatiu e li vocatiu singular regularmen termeno en *s* e li plural ses *s*.

Cil que han bona et adreyta parladura e bon lengatge e drechurier de parlar bon cas, coma en Lemozi et en una gran partida d'Alvernha et en autras terras a lor vezinas, regularmen fan termenar lo nominatiu e'l vocatiu singulars en *s* e'ls plurals ses *s*; et aytal parladura han seguida e pazada en lors dictatz li antic dictador; per que nos, seguen aquela lor bela manera, fam termenar regularmen lo nominatiu e'l vocatiu singulars en *s* e'ls plurals ses *s*.

1. G. A., II, 210.



Necessitatx nos costrenh que regurlarmen pronunciem los nominatius e'ls vocatius singulars amb *s*, per miels declarar e dar entendre motas locutios, lasquals estiers serian doptozas, coma : *l'ayglo<sup>1</sup> ha vencut l'austor* ; quar, segon maniera de parlar, l'acuzatiu enans que'l nominatiu pot hom pauzar e pronunciar coma : *bel colp fe mos companhs*.

Alqu nom son pronunciat ses *s* en lo nominatiu<sup>2</sup> singular per cauza de differenza, coma *cor* a differenza de *cors*, e *gra* a differenza de *gras* ; quar estiers hom cayria en equivocatio, jassiaysso que en totz aquels que son equivoc hom no puesca donar ni pauzar differenza, como : *so, pro, ji, fe, do* ; quar aysso far seria cauza no solamen difícils, ans seria quaysh impossibla. Aysso meteysh pot hom trobar en lo lengatge del lati, so es que en alcus vocabbles es sayta differenza per esquivar equivocatio et en alqus no, quar aquest verb *do, das*, en la primera persona del passiu no ha *dor*, per que no caja en equivocatio amb aquest nom *dor*. E la primera de *nilor*, verb deponen, [F° 159 v°] es naturalmens breus, a differenza de la primera de *nilor* nom. Et enpero entre *amor*, verb passiu, et *amor*, nom, non es facha lunha differenza cant a l'alongamen o abreuamen natural ni accidental.

Degus no's deu maravilhar per que hom no pot trobar una sciensa o pauzar perfiechamen, quar homs es no perfieytz e las sciensas de lor meteyshas son perfieychas en can que son sciensas, per que cauza no perfiecha no pot pauzar ni entendre perfiechamen so que es perfieg.

1. *O ha venc écrit d'une encre plus pâle.*

2. *Et en lo nominatiu et en lo vocatiu en lo, exponctué.*

### Del pronom e dels sieus accidens <sup>1</sup>.

Pronoms es una partz d'oratio laquals es pauzada en loc de propri nom e significa certa persona e determinada, coma *yeu, tu, aquel*, quar significa mera substancia.

Le pronoms ha .VI. accidens : *especia, gendre, nombre, figura, persona, cas*. Qu'es *especia* dig es en lo nom; e son doas : la primitiva e la dirivativa : *yeu, tu, de si, de lor, el, cel, aysel, aquel, est, cest, aquest, eysh, lieys* son d'*especia* primitiva; d'*especia* derivativa son : *mieus, tieus, sieus, lors, nostres, vostres*.

Del gendre havem parlat en lo nom; et en aquela manera deu esser entendutz en lo pronom le masculis coma *mieus*, le feminis coma *mieua* o *mia*, le comus coma *yeu, tu*; lo neutri prendem solamen cant es substantivatz, segon qu'es estat dig en lo nom, coma : *aysso es mieu; aquo es lieu; aycelo<sup>2</sup> es sieu; aysso es nostre; aquo es vostre; aysso es lor*.

*Luy* es del masculi, *liey* o *lieys* del femini; *lors* e *lor* son comu, coma : *lors abatz es bos homs; lors es la ciutatz<sup>3</sup>; si las donas trobas, digas lor; si ls senhors encontras, mostra lor*.

Am femini en *a* deu hom dire *lor* ses *s*, coma *lor dona*. *Mi* e *si* prendem soen pel femini; et ajusto se amb aquesta dictio *dons*, coma *midons, sidons*, et

1. G. A., II, 212 sq.

2. Sic, ms.

3. *Es la ciutatz* écrit d'une encre plus pâle et d'une écriture moins soignée.

enayssi en lors oblicz, coma *de midons, de sidons*, et enayssi dels autres. *Tidons* ni *de tidons*, quar non es acostumat, no's pot dire.

Del nombre es estat dig en lo nom e son duy en lo pronom coma en lo nom, le singulars, coma *yeu*, le plurals coma *nos* o *nos autri*, *vos* o *vos autri*. *Luy, lieys*, o *liey* son del sin [Fº 160 rº] gular; *lor* e *lors* podon esser de singular e de plural.

De la *figura* es estat dig en lo nom; e jassaiysso ques aqui ne sian tres, en lo pronom non son mas doas: la simpla, coma: *yeu, tu, nos, vos*; la composta, coma: *yeu eysh, tu eysh, el eysh, nos eysh, vos eysh*, o enayssi: *yeu meteysh, tu meteysh, el meteysh, nos meteysh, vos meteysh, il meteysh, nos autri, vos autri*.

*Persona* es no devizabbla essentia de creatura razonabbla e vol dire *persona* per se sola o per se sona, car casqus ha son propri so, so es assaber son propri nom; et enayssi *persona* per se sona.

Tres personas son en lo pronom: la primera, la segonda, la tersa. La primera persona es aquela que parla de se meteysha, coma: *yeu, nos*. La segonda es aquela a cuy parla la primera, coma: *tu, vos*, e que's pot ajustar amb verb de segonda persona, coma *tu lieges, vos cantatz*. La tersa es aquela de laqual parla la primera am la segonda, coma *aquel lieg, aysel canto*.

En lo nom havem tractat del cas e diffinit; et ayssi meteysh se pot ayssi diffinir. E son .VI. cas en lo pronom, ayssi co en lo nom.

Hom deu dire en lo nominatiu singular: *yeu, tu, el, ela, cel, ceta, aysel, aysela, aquel, aquela, eysh, eysha, est, esta, cest, cesta, aquest, aquesta, mieus, mieua, mia,*

*tieus, tieua, tua, e no tia<sup>1</sup>, sieus, sieua, sua, e no sia, lors, o lor, coma lors senhors, o lor dona, mos, ma, tos, ta, sos, sa, nostres o nostre, vostres o vostre, nostra, vostra. Et en lo neutri sustantivat deu hom dir : celo, aycelo, aquelo, aysso, aquo, mieu, lieu, sieu, nostre, vostre; alqu dizo meu, teu, seu, meua, teua, seua, e quar en divers locz et en diversas ciutatz et avesquatz es acostumat de dire, per so nos aysso suffertam en cascun<sup>2</sup> gendre e nombre et en cascun cas. En lo nominatiu plural deu hom dire nos, vos, il o ilh, elas, cil, celas, aycel, aycelas, aquil o aquilh, aquelas, eysh, eyshas, ist, estas, cist, cestas, aquest<sup>3</sup>, aquestas, miey o mieu, mias o mieuas, tiey o tieu, tieuas o tuas et no tias<sup>4</sup>; syey o sieu, sieuas suas e no sias, lor o lors<sup>5</sup> en masculi et en femini mas, tas, sas, li nostre, las nostras, li vostre, las vostras; yshamens pot hom dir en lo nominatiu plural [F<sup>o</sup> 160 v<sup>o</sup>] el<sup>6</sup>, cel, aycel, aquel, est, cest, aquest, mo, to, so, quar loncz uzatges o requier.*

En lo genitiu singular deu hom dire *de me* o *de mi, de te* e no *de ti, de se* o *de si, del, de la, de cel, de cela, d'aycel, d'aycela, d'aquel, d'aquela, d'eysh, d'eysha, d'est, d'esta, de cest, de cesta, d'aquest, d'aquesta, del mieu, de la mieua* o *de la mia, del tieu, de la tieua* o *de la tua* e no

1. *A e no tia* écrit en marge d'une encre plus pâle.

2. Encre plus pâle et moins soignée; *deu hom*, un peu plus loin, même observation.

3. En marge *aquist* (xvii<sup>e</sup> s.). Le ms. porte *aqst*, avec marque d'abréviation de *e*, c'est-à-dire *aquest*.

4. *As e no ti* sont écrits d'une encre plus pâle, comme plus haut, et en marge; un peu plus loin, *e no sias* est écrit en surcharge.

5. *O lors en masculi et* écrit d'une encre très pâle, le texte paraît avoir été gratté.

6. *Al* exponctué.

*de la tia<sup>1</sup>, del sieu, de la sieua o de la sua e no de la sia<sup>2</sup>, de lor, de mo, de to, de ta, de so, de sa, del nostre, de la nostra, del vostre, de la vostra; en lo plural genitiu de nos, de vos, de lor, de las lors, d'els, d'elas, de cels, de celas, d'aycels, d'aycelas, d'aquels, d'aquelas, d'eyshes, d'eyshas, d'estz, d'estas, de cestz, de cestas, d'aquestz, d'aquestas, dels mieus, de las mieuas o de las mias, dels tieus, de las tieuas o de las tuas, e no de las tias, dels sieus, de la sieuas o de las suas e no de las sias, de lors, de mos, de mas, de tos, de tas, de sos, de sas, dels nostres, de las nostras, dels vostres, de las vostras. Alcu dizon en aquest genitiu plural de se o de si, pero miels es dig de se meteyshes o de lor meteyshes.*

En lo datiu singular deu hom dire *a me o a mi, a te e no a ti; a se o a si; ad el, ad ela; a cel, a cela; ad aysel, ad aysela; ad adquel, ad aquela; ad eysh, ad eysha; ad est, ad esta; ad aquest, ad aquesta; a cest, a cesta; al mieu, a la mieua o a la mia; al tieu, a la tieua o a la tua e no a la tia<sup>3</sup>; al sieu, a la sieua o a la sua e no a la sia, a lor; a mo, a ma; a to, a ta; a so, a sa; al nostre, a la nostra; al vostre, a la vostra.*

En lo plural directz : *a nos, a vos; a lor, a las lors; et algunas veltz lor ses a, coma : digas lor ad els, ad elas; a cels, a celas; ad aycels, ad aycelas; ad aquels, ad aquelas; ad eyshes, ad eyshas; ad estz, ad estas; a cestz, a cestas; ad aquestz, ad aquestas; als mieus, a las mieuas o a las mias; als tieus, a las tieuas o a las tuas e no a las tias; als sieus, a las sieuas o a las suas e no a las sias; a lors; a mos, a mas; a tos, a tas; a sos, a sas;*

1. En marge avec renvoi.

2. Id.

3. E no a la tia, en surcharge, encre plus pâle.

*als nostres, a las nostras; als vostres, a las vostras.* Alqui dizon *a se, a si*, pero miels es dig *a si meleys*hes o *a lor meleys*hes.

En l'acuzatiu singular deu hom dir *me* o *mi*; *te, se* o *si*; *el, ela*; *cel, ceta*; *aycel, aycela*; *aquel, aquela*; *eysh, eysha*; *est, esta*; *cest, ceta*; *aquest, aquesta*; *mieu, mieua* o *mia*; *tieu, tieua* o [F° 161 r°] *tua* e no *tia*<sup>1</sup>; *sieu, sieua* o *sua* e no *sia*<sup>1</sup>; *lor*; *mo, ma*; *to, ta*; *so, sa*; *nostre, nostra*; *vostre, vostra*. En lo plural *nos, vos, se*, coma : be se garniso, *els, elas*; *cels, celas*; *aycels, aycelas*; *aquels, aquelas*; *eyshes, eyshas*; *estz, estas*; *cestz, cestas*; *aquestz, aquestas*; *mieus, mieuas* o *mias*; *tieus, tieuas* o *tuas* e no *tias*<sup>1</sup>; *sieus, sieuas* o *suas* e no *sias*<sup>1</sup>; *lors*; *mos, mas*; *tos, tas*; *sos, sas*; *nostres, nostras*; *vostres, vostras*.

En l'ablatiu singular deu hom dire *ab me* o *ab mi*; *ab te* e no *ab ti*; *ab se* o *ab si*; *ab lor*; *ab el, ab ela*; *ab cel, am ceta*; *amb aycel, amb aycela*; *ab aquel, ab aquela*; *ab eysh, ab eysha*; *ab est, ab esta*; *ab cest, ab ceta*; *ab aquest, ab aquesta*; *am lo meu, am la mieua, o am la mia*; *am lo tieu, am la tieua* o *am la tua* e no *am la tia*<sup>1</sup>; *am lo sieu, am la sieua* o *am la sua* e no *am la sia*; *am lor*; *am mo, ab ma*; *ab to, ab ta*; *am so, am sa*; *am lo nostre, am la nostra*; *am lo vostre, am la vostra*. En lo plural *am nos, am vos, am se, oz ab si*; *ab lor, am las lors*; *ab els, ab elas*; *ab cels, ab celas*; *ab aycels, ab aycelas*; *ab aquels, ab aquelas*; *ab eyshes, ab eyshas*; *ab estz, ab estas*; *ab cestz, ab cestas*; *ab aquestz, ab aquestas*; *am los mieus, am las mieuas* o *am las mias*; *am los tieus,*

1. *E no tia, e no sia*, en surcharge, d'une encre plus pâle.

2. *E no tias, e no sias*, en surcharge, d'une encre plus pâle.

3. *E no am la tia*, en surcharge, d'une encre plus pâle.

*am las tieuas o am las tuas e no am las tias*<sup>1</sup>; *am los sieus, am las sieuas o am las suas e no am las sias*; *am lors*; *am mos, ab mas*; *ab tos, ab tas*; *ab sos, ab sas*; *ab los nostres, am las nostras*; *am los vostres, ab las vos-tras*.

Can la dictïos a cuy servish comensa per vocal, deu hom dire *amb* o *ab*, coma<sup>2</sup> : *amb el, amb ela*; abaste aysso, quar del remanen es tractat lassus en l'abreujamen de las habitutz comunas e d'alcus pronomes cant a lor abreujamen et assetjamen.

Algunas habitutz trobam soen pazadas per pronomes, coma : *Le que vay primiers es plus joves*; *la dessa es ma sor*; *del que stay denan totz es le cavals*; *de la que canta es la garlanda*; *al qu'es primiers dona la flor*; *a la que vay derriera digas aysso*; *lo que vay primiers hay vist d'autras vetz*; *la que se en la cadieyra ami fort*; *ab lo que miels justara me tendray*; *ab la que miels cantara m'en yray*; *li que van primier son joglar*; *las qu'estan plus naut parlo entre lor*; *dels que van primier es d[F° 161 v]quesl arnes*; *de las que s'alegro son li bel jael*; *als que van primier digats que no's cocho*; *a las que s'alegro donatz sengles rozas*; *los que van cantan hay totz salutatz*; *las que van balan ami de fin cor*. O pot hom dire que sian habitutz de noms que'y son entendut, coma : *le que vay primiers* o *la que vay primera*, so es la femna o la dona que vay primera, et enayssi dels autres cazes. Et aysso pot se far per una figura apelada *eclipsis*, et aquesta oppinios crezem que sia plus veraya.

1. *E no am las tias*, en surcharge, écrit d'une encre plus pâle.

2. Depuis *amb* jusqu'à *coma* écrit en marge, avec renvoi.

Aquestas habitutz *lo, la, las*, son pauzadas soen en loc de pronoms per csta manera, còma : *mena lo; porta la; essenha los; castia las*.

Per totz los cazes directz *eysh*, exceptatz los oblicz del plural on hom deu dire *eyshes*.

*Eysh* se compo amb alqus pronoms, coma : *yeu eysh; tu eysh; el eysh; nos eysh; vos eysh; nos eyshas; vos eyshas*.

*Nos* e *vos* se compono amb *autres*; e ditz hom *nos autri, vos autri* et en los oblicz *nos autres, vos autres*, en los feminis *nos autras, vos autras*.

Tug li pronom, exceptatz *eysh* et *eysha*, se compono amb aquesta votz *meleysh*, coma : *yeu meleysh, yeu meleysha; tu meleysh, tu meleysha*; et enayssi dels autres cazes e pronoms. *Meleysh* directz per tot, exceptatz los oblicz plurals en losquals directz *meleyshes*.

*Meleysh* o *mezeyhs* o *mieysh* pot hom dire et aquo meleysh en los feminis, en singular et en plural, segon la manera e la forma de *meleysh*.

*Luy* non ha nominatiu en singular ni degun cas en plural. Alqu dizo *lu* per *luy*; e quar es acostumat, no y volem contradir<sup>1</sup>.

*Lyey*s non ha plural e deu hom dire en lo nominatiu singular *lieys* amb *s*, seguen vocal o consonan; et en los autres cazes *liey*, o *lieys*, quar loncs uzatges o requier; *lieys* en los oblicz digatz vocal seguen, *liey* seguen consonan.

*Li* es del datiu singular e de comu gendre, coma : *digas li; vay li dire*.

1. Depuis *alqu* jusqu'à *contradir* écrit au bas de la page, avec renvoi, d'une encre plus pâle.



Soen pauzam *ho*, que vol dire aysso o aquo, coma :  
*faytz ho, faretz ho*; e deu hom lo escriure amb *h*<sup>1</sup>.

[Fº 162 rº] En cascun oblic pot hom dire *me* o *mi*; *se* o *si*; coma *de me, de mi; de se, de si*. *Te* no's varia, quar en cascun cas deu hom dire *te*, coma *de te, a te, per te, am te*, exceptatz lo nominatiu e'l vocatiu que fan *tu*. Et aysso dizem de rigor, quar de bona equitat en tot cas hom pot dire *tu*, quar es acostumat e li antic enayssi l'an pauzat, coma :

No fassas ad autru  
 So que no vols qu'om fass'a tu.

De *mieus* havem *mos*, de *tieus*, *tos*, e de *sieus*, *sos*; e per consequen lors feminis, coma *ma, ta, sa*.

Degus pronoms non ha vocatiu, exceptatz *mieus* e *lieus* e *nostres*.

*Mo, to, so* termeno en *n*, vocal seguen; et adonx *n* sona plenieramen, coma : *am mon abat; am ton avesque*; yshamens termeno en *n*, seguen consonan; et adoncz sona molamen, soes mejancieramen, coma : *am mon guerrier; am ton destrier; am son capela*; pero aquestas consonans ne son exceptadas : *f, m, n, s* et *v*, pazada per consonan en comensamen de mot. Et adoncz li dig pronom termeno en *o* semissonan, coma : *yeu veg mo filh; tu vezes to maestre; tu sabes mo nom; aquel ve so senhor; yeu hay dig mo vejayre*. Enpero, can la dictios am que s'ajuston li dig pronom comensa per *p*, adoncz li dig pronom podon termenar en *m*, coma : *am mom payre*. D'aquesta sort es *bo*.

1. Suivent deux lignes barrées (peu lisibles) : « idem sonatz(?) que hoc et istum pronomina scilicet (?) ms. sc'l'i; lire *scribi*?) cum [Fº 162 rº] *h*. Item add'ram isti condisjunctive *o*. »

No<sup>1</sup> tostemps termena en *n* plenieramen, seguen vocal, coma : *non es homs*; d'aquesta natura es la tersa plurals persona del presen de l'indicatiu, coma : *amo, crido, canto*.

Li nom que s'ajuston am los pronomes termenans ses *s* lors nominatius singulars no perdo *s*, coma : *aquest ostals es bels*; *aquel vergiers es politz*; *aycel precesseguiers<sup>1</sup> es florits*. Si doncz no era<sup>2</sup> indifferens, coma : *aquest emperayre fara bos faytz*; pero en fi de verset, segon<sup>3</sup> la opinio d'alcius, deu hom dire *empayres<sup>4</sup>*, coma :

*Yeu say ques aquest emperayres  
De toltz bos faytz sera tractayres.*

Et enayssi dels sieus semblans en ayres.

Diretz yshamens : *aquest senher, aquest senhor; aquest gaug, aquest joy; aquest [F<sup>o</sup> 162 v<sup>o</sup>] alegratge; aquest mestre; aquest Peyre; aquest cantar; aquest legir*, et enayssi dels autres pronomes que termeno ses *s*, coma *aquel, aycel, el, yeu, tu*; e quar lassus en lo cas del nom d'aquestz vocabbles havem tractat, abaste so qu'en avem dig ayssi.

Aquestz pronomes lors te la regla general pauzada en lo nom, cant es pauzatz pel masculi, coma : *lors uzalges es aytals*; *lors sens es bos*; e cant es del femini, si am lo sieu sustantiu a qui's reporta s'ajusta ses tot

1. En marge *non* (même main?).

2. En marge : *lisez : preceguiers* (xvii<sup>e</sup> s.).

3. Lire : *non eran?*

4. Segon encre plus pâle; les mots qui suivent jusqu'à *dire* sont écrits en marge avec renvoi.

5. Sic ms. En marge : *lisez emperayres* (xvii<sup>e</sup> s.).

meja, no vol *s*, coma : *aytals es lor natura ; grans es lor saviza ; lor naus es garnida*. Si am meja, adonx termena en *s*, coma : *lors es la vila ; lors es la tors* ; pero en fi d'oratio o de verset pauzat, so es aprop lo sieu sustantiu', sia del masculi o del femini, termena en *s*, coma : *l'esparviers es lors ; la plassa es lors ; aquesta partz es lors*. Del plural nos reportam a so qu'es estat dig dessus, en los cazes del plural del pronom.

*Nostres* o *nostre* pot hom dir en lo nominatiu et en lo vocatiu singulars. Aquo meteysh *vostres* o *vostre* en lo nominatiu singular solamen, quar non ha vocatiu ; pero, vocal seguen, miels es dig *nostres* e *vostres* amb *s*, coma : *nostres es aquest ; vostres es aquel*, si doncz no son abreujat per sinalinpha, coma : *nostr'avesques, vostr'arnes*. Yshamens termeno en *s* en los digz cazes, can son pauzat en fi d'oratio o de verset, coma : *aquest es nostres, aquel es vostres*. E ges per so le noms que non es indifferens, lequals am lor s'ajusta, sia sustantius o adjectius, no perd *s*, coma : *vostre cavals ranqueja ; nostre vergiers verdeja ; vostre cars amix vos saluda ; nostre bels filhs canta messa ; et enayssi dels autres*. Et abaste aysso qu'en havem dig, quar lassus havem tractat, en lo cas del nom, d'aquestz dos pronoms *nostre* e *vostre*.

### Del verb'.

*Verbs* es una partz d'oratio significans actio o passio, am mos et am temps.

En aquesta diffinitio non es fayta mentios de las

formas ni de las conjugatios del verb, quar en romans no han loc.

*Verbs* es ditz [Fo 163 rº] d'aquest mot de lati *verbero*, que significa *batre*, quar am lo batemen et am la percussio, so es am lo ferimen qu'om fay de la lenga e de las labias en l'ayre hom forma la votz et am la votz las paraulas e'ls motz. Et es li donatz et atribuitz aquest noms per excellensa per so quar del verb uzam plus soen en oratio que de las autras partz, quar una dictios del verb pot far oratio, coma : *lieg, canta*.

### Dels accidens del verb e primier del gendre¹.

Segon romans en lo verb son .VII. acciden : *gendres, temps, mos, especia, figura, persona e nombres*.

Tres gendres havem en lo verb segon romans : l'*actiu*, lo *passiu* e'l *neutri*. L'*actius* significa fazemen, coma : *yeu ami, tu amas, cel ama*, et enayssi dels autres mozes e temps *actius* ho¹ *passiu[s]*. Le *passius*, segon lati, se forma de l'*actiu*, laqual forma non havem en romans, mas le *passius* es ditz en respieg del *passiu* enayssi cum payres e filhs. Et enayssi cum l'*actius* significa far, le *passius* significa *suffrir* o *sufertar*, coma : *yeu soy amatz, tu yest amatz, cel es amatz*, et enayssi dels autres mozes e temps.

*Neutris* vol dire que no s'es¹ de la .I. ni de l'autre, so es de l'*actiu* ni del *passiu*, et ha aytal votz cum l'*actius*. Doas manieras son de *neutris*, segon romans :

1. G. A., II, 232.

2. Ms. *ha*.

3. Ms. *nos es*; en marge *no* (xviiº s. ?).

*transitiu* et *absolutz*. *Transitiu* es can le faytz d'aquel que'l fay passa en altra cauza et enayssi aordena se amb acuzatiu, coma : *yeu mangi bon pa e bevi bon vi et ari la terra*. Et aytal neutri transitiu han, segon lati, las tersas personas del passiu et algunas vetz autras segon romans. *Absoutz* o *absolutz* es can le faytz roman en aquel que'l fay et enayssi no's pot adordenar regularmen amb accuzatiu, coma : *yeu vau, veni, dormi, velhi, corri, salti*.

Verb *comu* ni *deponen* no havem en romans, quar en lati es digz *comus* per so quar una votz ha doas manieras de significar, coma *largior* que vol dire *yeu doni* e *soy donatz*; e quar aysso cessa en romans, per so non havem verb *comu* ni *deponen*, quar *deponens* vol dire que depauza lo significat que [Fº 163 vº] haver deuria, quar el ha votz de passiu : *donx*, segon aquela votz, deuria significar passivamen, laqual cauza no fa, ans significa a manera d'actiu o de neutri, coma : *precor, yeu pregui; loquor, yeu parli*.

Jassiaysso que *propria* votz de passiu no hajam en romans, quar tug son supplit d'aquestz verbs *sum, es, fui et habeo, habes* e dels particips, pero, aysso non contrastan, necessitatx nos adutz que hajam conoys-hensa de passiu, per so que conogam quals locutios es activa e quals passiva; quar trop seria cauza descove-nabbla pauzar la una per l'autra, si *donx* loncz uzatges e manera comuna de parlar no requeria. E no's deu hom meravilhar si'l passius es supplitz d'autres verbs e particips, quar aquo meleysh pot hom trobar en alqus locz del verb, segon lati, coma : *amatus sum vel fui; amatus eram vel fueram*.

Soen sostenem, quar es acostumat, locutio activa

per passiva, coma : *gleyza se deu obrar delicadamen*; ayssi es locutios activa per passiva, quar hom deu dir : *gleyza deu esser obrada delicadamen*; quar can ditz *se deu obrar*, semblan es que la gleyza ela meteysa se deja obrar. D'aytal o semblan locutio uzec N'Ath de Mons, can dish :

Mas segon que's cambia  
L'uzatges de las gens'.

Et en autre loc can dish :

Gaugz se pren de plazer'.

Per que ditz el meteysa que *us acostumatz escuza fals parlar*.

Et aytals locutios activas per passivas ha hom totjorn a ma, coma : *bo es que's fassa*; *aysso se pot dire*; *enayssi aysso se deu far per aytal razo*; *degus vocabbles no's declina segon romans*; *bel jorn fay e longas nueyts*; pero aquesta pot esser dreyturiera, quar aqui pot esser entendutz nominatius, sos assaber : Dieus que fay las nueyts els jorns e totz los elemens. Et aytals locutios, can son acostumadas, pot hom pauzar en sos dictatz.

### Del temps'. R'.

*Temps* es mezura del movemen de las cauzas moablas. Et enayssi temps es proprietatz de significar cauza presen o passada o endevenidora.

1. Ed. Bernhardt, II, 58-59.

2. Ce vers ne se retrouve pas dans l'œuvre conservée de N'Ath de Mons; cf. l'édition Bernhardt, *Introd.*, p. xiii.

3. G. A., II, 238.

*Temps* es digz de *tempranssa* o de *temprar*, quar la us temps temprà l'autre, coma [F<sup>o</sup> 164 r<sup>o</sup>] vezetz que naturalmens le temps freytz temprà'l caut e pel contrari e l'umitz lo sec e pel contrari.

Segon cors de natura no son mas tres temps : le *prezens*, le *preterits* e'l *futurs*. Empero en lo verb son .V. temps : le *prezens*, le *preteritz imparfaytz*, le *preteritz<sup>1</sup>*, le *preteritz plus que perfagz* e'l *futurs*. Et enayssi le temps preteritz es partitz en .III. membres : en *preterit enperfag*, *perfag* e *plus que perfag*.

Le *prezens* significa cauza que's fay ara de prezen, coma : *yeu ami*, *tu amas*, *cel ama*. Preteritz inperfagz mostra e significa cauza qu'es passada e comensada, mas non ges acabada, coma *yeu amava*, *tu amavas*, *cel amava*. Preteritz perfagz significa cauza passada non ha gayre e complida, coma : *yeu amey* o *amiey* et *hay amat*, *tu amiest* et *has amat*, *cel amet* et *ha amat*. Preteritz plus que perfagz significa cauza trop ha passada e complida, coma : *yeu havia amat*, *tu havias amat*, *cel havia amat*. Le *futurs* significa cauza qu'es a venir, coma : *yeu amaray*, *tu amaras*, *cel amara*; et enayssi meteysh entendatz en lo plural de cascun temps e de totz los autres verbs.

### Dels mozes<sup>1</sup>.

*Mos* es variabbla inclinatio de coratge mostrans diversas voluntatz et affectios. *Mos* es digz de *moderansa*

1. A la suite *plus que perfagz*, rayé et exponctué; au-dessus on a écrit (xvii<sup>e</sup>? ou plus tard?) *bon*.

2. G. A., II, 240.

o de *moderar*, so es *atemprar*, quar totas las paraulas que hom ditz del verb son moderadas e tempradas per la .I. o per l'autre dels mozes.

Sinc mo[zes] son : le *indicatius*, *imperatius*, *optatius*, *conjunctius*, *infinitius*.

Le *indicatius* mostra cauza prezen o passada o endevenidora, coma : *yeu ami*, *amava*, o *amiey*, *amaray*.

*Emperatius* comanda cauza prezen o endevenidora, coma : *fay aysso*; *torna dema*.

*Optatius* dezira cauza prezen passada o endevenidora, mejansan esta dictio *ammovol* expressat o entendut; expressat, coma : *ammovol seria bos cleretz*; *ammovol hagra fag be*; entendut, coma : *qui mal me vol mal li venga*. En loc d'aquest mot *ammovol* pauza hom soen *volontiers*, *volontieramen*, *trop*, *mot* o autres motz per los [Fº 164 vº]quals pot apparer qu'om dezir. Jassiaysso que *ammovol* hajam pauzat per .I. mot, aysso dizem haven respieg al lati; enpero, segon romans, son trey mot.

Le *conjunctius* s'ajusta amb autre verb e li autre verb am luy mejansans adverbis o *conjunctios*, coma : *mas que tu vuelhas estar am me*, *yeu te faray ric home*.

Le *infinitius* significa cauza infinida, quar non ha nombre ni persona, coma : *amar*, *legir*.

Primiers es l'*indicatius* coma payres del autres, quar tug li autre mo[zes] se formo de luy. E pre. se en tres manieras : *demonstran*, coma : *yeu liegi*; *duptan*, coma : *per aventura Bertrans ha gran argen*; *enterrogan*, coma : *qui corr ? qui lieg ? qui canta ?* Et ha .V. temps devezitz : lo prezen, coma *yeu ami*; lo preterit *imperfag*, coma *yeu amava*, lo preterit *perfag*, coma



*yeu amiey et hay amat* ; lo preterit plus-que-perfag, coma *yeu amaray*, et enayssi entendatz de las autras personas en singular et en plural.

Segons es l'emperatiu e denan l'optatiu, quar mays val emperar que dezirar ; e pren se en .VIII. manieras : comandan, coma : *fay aysso* ; amonestan, coma : *orem*, *preguem Dieu nostre senhor* ; permeten, coma : ditz l'Escriptura : *casqus haja la sua per esquivar fornicatio* ; acoselhan, coma<sup>1</sup> : *companho, lejam o fassám aytal cauza* ; pregan, coma : *Bels senhers Dieus, perdona me* ; temptan et assajan, coma fe Dieus ad Abraam can li dish : *Abraam, sacrijica to filh Yzac, que tant amas* ; saludan et alegran, coma : *Dieus te sal* ; aquest trey mot *Dieus te sal* son contengut en aquest mot de lati *ave*, lequals es de l'imperatiu ; escarnen e trufan, coma : *torna ti, malastrucs, tier<sup>2</sup> apuo qu'en has pres*. Et ha dos temps, lo prezen, coma : *lieg tu o canta*, e'l futur, coma : *vay dema a l'escola*. Preterit non ha, quar de cauza passada hom no pot donar comandamen. Presen ha inpropriamen, quar la cauza que comandam far es a far ; quar si fayta era, en va la comandaria hom a far.

Le ters es l'optatiu e denan conjunctiu ; quar l'optatiu dezira e'l conjunctiu, per l'ajustamen que fa, dopta ; e quar [F<sup>o</sup> 165, r<sup>o</sup>] mays val dezirar que doptar, per so l'optatiu es denan lo conjunctiu. Et ha .V. temps : lo prezen e'l preterit imperfag ajustatz, coma : *ammovol yeu amaria et ames et amera* ; e'l preterit perfag e plus que perfag ajustatz, coma : *ammovol*

1. A la suite deux fois *coma*, barré et exponctué.

2. *Sic ms.*

*yeu agues amat et agra amat et hauria amat* ; e'l futur per se meteysh, coma : *ammovol yeu ame*. Jassiaysso que principalmen hom dezire las cauzas prezens et en-devenidoras, empero las cauzas passadas pot hom dezirar, coma : *ammovol mos filhs fora estatx clerex*.

Le quartz es conjunctius e denan l'enfinitiu ; e quar mays val habitz que privatios, quar le conjunctius ha persona e l'infinitius non ha, per so le conjunctius<sup>1</sup> es denan l'enfinitiu ; et ha .V. temps devezitz : lo prezen, coma : *cum<sup>2</sup> yeu ame* ; lo preterit imperfag, coma : *cum yeu amaria et ames et amera* ; lo preterit perfag, coma : *cum yeu aja amat* ; lo preterit plus que perfag, coma : *cum yeu hagues amat et agra amat et hauria amat* ; lo futur, coma : *cum yeu hauray amat*.

Le quintz es l'enfinitius et es derriers, quar non es perfieytz per so quar non ha nombre ni persona. Et ha .V. temps : lo prezen, e'l preterit imperfag ajustatz, coma : *amar, legir*, e'l preterit perfag e plus que perfag ajustatz, coma : *haver amat, haver legil* ; e'l futur, coma : *anar, amar, o ad amador esser* ; e d'aquest hom gayre non uza en romans.

### De la specia e de la figura del verb'.

Doas especias, sos assaber la primitiva, coma *auzir*, la derivativa, coma *entrauzir* ; e tres figuras : la simpla, coma *venir*, la composta, coma *avenir*, la decomposta,

1. A la suite : « ha persona e l'infinitius » barré.

2. Ce mot et les cinq suivants sont écrits au bas de la page avec renvoi.

3. G. A., II, 246.

coma *dezavenir*, son en lo verb. E quar d'aquestas havem tractat en lo nom e per aquela meteysha manera sian conogudas e prezas en lo verb, per so ayssi no curam plus tractar de lor.

### De las personas del verb'.

Tres personas son en lo verb, ayssi cum en lo pronom : la primera, coma : *yeu ami*, *nos amam* ; la segonda, coma *tu amas*, *vos amatz* ; la tersa : *cel ama*, *aycil amo* ; e quar per aquela manera es preza persona ayssi coma en lo pronom, per so ayssi no curam plus tractar d'aquela.

### Del nombre del verb'.

Duy nombre : le singulars, coma : *yeu* [Fo 165 vº] *ami*, e'l plurals, coma : *vos amatz*, son en lo verb ; d'aquest havem tractat en lo nom, per que d'aquel no curam plus tractar ayssi.

**Per qual temps e per qual cas deu hom respondre e per consequen de las tres enterrogatios legals' — R'.**

Per aquel meteysh temps e cas deu hom respondre per loqual es enterrogatz, si doncz la natura del parlar

1. G. A., II, 246.

2. G. A., II, 246.

3. G. A., II, 254 sq.

no'y contrasta, coma : *Que fas? Bevia*. E quar ayssi parlam per qual temps deu hom respondre, necessitat nos adutz que tractem per cal (*sic*) cas<sup>1</sup> deu hom respondre; quar degus temps personals del verb estar no pot ses cas expressat o entendut.

Alqun vocabble son enterrogatiu, coma : *que, qui, quo, quan, quoras, quant*, per *quantitat, don, per que*. Alqun autre vocabble son que presupauzo enterrogatio, jassiaysso que no'y sia expressada, coma : *lay on, aqui on, de lay on, a, de, per ayssi, aqui, say, lay, amon, aval, ins, fora, d'ayssi, d'aqui, desay, delay, d'amon, d'aval, dedins, defora, per ayssi, per aqui, per desay, per delay, per d'amon, per d'aval, per dedins, per defora*; et enayssi de lors semblans. E per miels aquestz vocabbles declarar, cove mostrar las enterrogatios que demando et enterrogo de loc.

*On, don, per on* son tres enterrogatios que demando de loc. Ad enterrogatio fayta pèr *on* deu hom respondre per los vocabbles seguens, coma : *On vas? Lay on me play; aqui on me play, a mayzo, aqui, ayssi, say, lay, amon, aval*. A *don* respon hom per aquestz motz, coma : *don venes? De lay don me play, de mayzo, d'aqui, d'ayssi, de say, de lay*, et enayssi dels autres. A *per on* respon hom per aquestz motz, coma : *per on yest passatz? Per lay on mi plac, per mayzo, per aqui, per ayssi, per lay, per say*, et enayssi dels autres. On que sian pauzat li vocabble sobredig es entenduda enterrogatios, per que se deu segre aytals temps en la resposta cum es en la enterrogatio, cant que si entremesclo ·I· o mayz dels vocabbles appellatz *claus*, sos assaber

1. En marge : *qual*.

*e, o, quar, per so quar, o li altre dels quals devem tractar en jos.*

Quatre enterrogatios logals son, segon lati : *on, don, per on, e vas on*. Empero de *on* [F° 166 r°] e de *vas on* nos non fam mas una<sup>1</sup>, quar en lati es fayta differensa entre *ubi*, per loqual prendem *on*, e *quo*, per loqual prendem o entendem *vas on*; mas, segon romans, no'y ha differensa, quar a cascuna d'aquestas enterrogatios hom respon per una manera, coma : *On es Peyres? A mayzo*<sup>2</sup>. *Vas on va Peyres? A mayzo*. E segon lati ad *on* deuriam dire : *en mayso, en Tholoza*; et a *vas on* deuriam respondre : *a mayzo, a Tholoza*; pero leumen respondem per *a*, jassiaysso que algunas vetz hom responda per *en*, et aysso a tort<sup>3</sup>, per que non curam, coma : *on es Peyres? En la vila*.

*On* pauza hom soen relativamen coma :

Cela qu'ieu am, *on* es pretz e valors,  
Me te liat en la preyo d'Amors.

Aquo metheys *don* coma :

Am sa molher estec ·V· ans  
Don hac o dos o tres efans.

1. Ms. ·I· avec le signe de l'abréviation de *a*.
2. A la suite : *e segon lati a barré*.
3. Ms. *tart*.

### De las claus dels mozes e dels temps del verb<sup>1</sup>.

Li mo<sup>2</sup> e'l temps entre lor s'ajusto mejansan o preceden, segon qu'es lor natura, una o motas de las dictios seguens, lasquals appelan *claus*, sos assaber : e copulativa, o disjunctiva, *quar*, *per so* *quar*, *per amor* *quar*, *per tal* *quar*, *que* subjunctiu, en altra manera dig dubitatiu, *per so* *que* dubitatiu, *per tal* *que*, *per amor* *que*, *per que* dubitatiu, *pauzat* *que*, *non* *contrastan* *que*, *jasiayssso* *que*, *mas* *que*, *am* *que*, *ab* *que*, *sol* *que*, *quant* *que*, *cum*, *quo*, *coma*, *que* *aprobatiu*, *perque* *concluziu*, *desque*, *aquo* *que*, *que*, *per*, *quar*, *que* *comparatiu*, *que* *relatiu*, *de so* *que*, *per amor* *d'ayssso* *que*, *per so* *que*, *seguon* *aquo* *que*, *segon* *so* *que*, *segon* *que*, *que* *enterrogatiu*, *qui* *enterrogatiu*, *qui* *infini*, *qui* *relatiu*, *per* *que* *enterrogatiu*, *don* *enterrogatiu*, *doncs* *concluziu*, *don* *relatiu*, *on* *enterrogatiu*, *on* *relatiu*, *vas* *on*, *per* *on*, *lay* *on*, *de* *lay* *on*, *d'aqui* *on*, *lay* *don*, *d'aqui* *don*, *can* *adverbi*, *aytan* *quan* o *tan* *quan*, *quan* *adverbi* *enterrogatiu*, *quoras* *enterrogatiu*, *quant* *del* *nominatiu* *plural* *enterrogatiu*, *quant* *per* *quantitat* *enterrogatiu*, *entre*, *mentre*, *de* *mentre*, *pero*, *empero*, *mas*, *si*, *si* *per* *quar*, *si* *per* *can*, *sino*, *ni*, *no*, *adoncz*, *si* *adoncz*, *pueys*, *despueysh*, *tantost*, *dece*, *ades*, *mantenen*<sup>3</sup>, *encontenen*, e

1. G. A., II, 254.

2. Ce mot se trouve plusieurs fois sous cette forme, qui représenterait bien le pluriel latin *modi*; dans les rubriques on trouve toujours *mazes*.

3. Ms. *manlen*; en marge : *mantenen* (xviii<sup>e</sup> s.).

lors semblans, *si cum, ayssi cum, ayssi coma, tantost que*, [F° 166 v°] *dece que, mantenen que, encontenen que, ades que, ara, aras, mas ara, encara, encaras, si tot, si be, cumque, si, ayssi, per enayssi, hanc, lunh temps, cossi que, en quinha que maniera, en qualque maniera, qui que, quals que, que que, ans que, abans que, enans que, coras que, on mays, tro que.*

Ishemples vos donam de las dichas dictios de *e*, coma : *yeu canti e liegi*; de *o*, coma : *yeu velhi o dormi*; de *quar* : *yeu me pauzi, quar soy las*; et enayssi de *per so quar* e de lors semblans; de *que* subjunctiu, en outra maniera dig dubitatiu, coma : *yeu vuelh qu'anes a la glieya*; de *per so que, per que* dubitatiu, *per tal que, per amor que, per que* dubitatiu, coma : *yeu fau aysso per so que aytal fassas*; et enayssi dels autres lors semblans; de *jassiaysso que, pauzat que, non contrastan que*, coma : *yeu servisc Bertran, jassiaysso que, pauzat que, non contrastan que, mal me vuelha*; de *mas que*, coma : *Bertrans canta be, mas que trop s'en preza*; de *sol que*, coma : *ayssi vuelh sezer, sol que no us desplasia*; de *quant que, per quant que*, coma : *tu yest cardenals, cant que non sias dignes, o yeu me castiaray cant que haja mal fug; per quant que hajas mal fug, no t vols penedre.* De *cum, quo* : *Tu me debes amar, cum yeu o quo yeu te ame.* — *Cum e quo* podon esser enterrogatiu, coma : *cum yest aytals? Cum se pol far? Quo vas? Quo parlas?* E *cum* pot esser assemblatiu per esta guiza : *Cum aysel fa, fay tu ayssi.* — De *coma* assemblatiu <sup>1</sup> o exemplificatiu : *tu debes far aquo coma yeu fassa aysso. Que*

1. Ce mot et les deux suivants sont écrits en surcharge, d'une écriture plus petite (même main que le ms.).

**apropbatiu** : *yeu say que Dieus es drechuriers; de per que concluziu : tu yest prozoms per que debes far ton pro; de si que : tu jogas tot jorn si qu'en fas ton dan; desque, coma : desque soy a taula tu'm fas mala cara; pusque, coma : pusque tu o vols et yeu; que per quar : aras fos yeu avesques, que tu serias mos thezauriers, so es quar; yshamens : fay aysso que yeu t'en pregui, so es quar yeu t'en pregui; que comparatiu : yeu escrivi miels que tu; que relatiu : yeu fau so que tu vols; de so que : yeu estau pessius de so que dizes; per amor d'aysso que : yeu m'en estaray per amor d'aysso que o per so que dizes; segon aquo que : nos havem palz, segon aquo que tu dizes; segon so que : Pons es mot ar [Fº 167 rº] diltz, segon so que dizes; segon que : le Reys ha vencut, segon que tu dizes.*

*Que enterrogatiu : que fas? que dizes? Qui enterrogatiu : qui yest tu? Qui enffinit : qui be fara be trobara. Cant qui es pauzat infinìtz, es yshamens relatiu, coma : tals me bayza que be no'm vol. Mas ges no se sec per lo contrari. Qui relatiu : Le doctors qui lieg es bos clercc; pero soen en loc de qui dizem que. Per que enterrogatiu : Per que fas aquo?*

*Don enterrogatiu : Don venes? Don concluziu : yeu estudie, don fau mon pro. Don relatiu : Am sa molher estu don ha tres o .IIII. efans.*

*On relatiu : Ceta qu'ieu am, on es pretz e valors. On enterrogatiu : On vas? Vas on? Coma vas? On vas? Per on, coma : Per on vas? Lay on : yeu vau lay on devi anar. De lay on, d'aqui on, coma : yeu venc de lay on, d'aqui on tu vas. Lay don, d'aqui don, coma : yeu vau lay don o d'aqui don tu venes.*

*Can adverbí : yeu soy devoltz, quant soy a la glieyza.*



*Aylan quan o tan quant, coma : aylan quan o tan quan soy am le, fau mon pro. Quan adverbí interrogatiu, coma : Quan sera le reys en la vila? Quoras enterrogatiu : quoras tonnaras? Quant del nominatiu plural enterrogatiu : quant home son a caval? Quant per quantitat enterrogatiu, coma : quant val ayssó? Entre, mentre, dementre, coma : mentre anava a la glieyza, ví lo rey. Pero : yeu soy rix, pero be volgra esser plus rix; et enayssi de empero, mas empero, mas. Si, coma : Si Dieus o vol nos hauren patz. Si per quar o per can, coma : Si yeu fau mon dever, no'm blasmes, so es quar; yeu hay gaug si gazanhi, so es can. Si no, coma : si no'm fas mal, ni t'en fau; si no fosses dissolutz, tu foras en major gra; si no mangi, no vol manjar. Ní e no, coma : Ní't fau mal, ni lo'm fassas; no't fau mal, ni lo'm fassas. Adonx : adonx gazanhave yeu, can le reys era en la vila. Si adonx, coma : si adonx era paubres, ara soy rix. Pueys, depueys, coma : Pueys o depueysh no fí mas mon pro que fuy en Toloza. Tantost, dece, ades, mantenen, encontenen, coma : Tantost montí, fay tu atertal; dece ve Bertrans, aparelha te; ades soy sas, ades malautes. Si cum, ayssi cum, si co [Fº 167 vº], ayssi co, ayssi coma : si cum o ayssi cum fuy a Tholoza; per loc, et enayssi dels autres. Tantost que, dece que, mantenen que, encontenen que, ades que fuy a Tholoza, fe gran vent. Ara, aras o mas ara, coma : ara soy vielhs et adoncz era joves; yeu hay escotat, mas ara parlaray. Encaras, coma : Encaras seray ricz si be'm soy paubres.*

*Si tot, si be, quant que, cum que, coma : yeu m'esforsi si tot o si be'm soy freols o quant que o cum que sia frevols. Hanc, lunh temps, coma : hanc mos capdels o lunh temps mos capdels no'm donet re, jassiaysso que*

*fizelmen l'aja servit. Si, ayssi per enayssi, coma : yeu fau o dic aysso per be, si Dieus me perdo o ayssi Dieus me perdo o enayssi Dieus me perdo. Cossi que, cum que, en quinha que maniera, en qualque maniera, coma : cossi que, cum que, en quinhaque maniera, en qualque maniera Bertrans responda, venga avan. Qui que, quals que, coma : qui que sia o quals que sia, ane avan. Que que, coma : que que fassa o que que responda, venga tantost. Ans, abans, enans, quoras que, coma : ans que, abans que o quoras que'l reys venga, hauray yeu aysso fayt. On mays, coma : on mays vau avan, mens vali. Tro que, coma : tro que venga, l'esperaray.*

*Can pot hom escriure am c o am q, coma : yeu soy devotz can soy a la glieyza; quar per aquest can hom pot dire en lati cum o quando. Si enterrogatius es quan o per quantitat pres, adonx lo deu hom escriure am q. Encaras havem quant qu'es nominatius plurals et enterrogatius de nombre e deu se escriure am q, coma : quant home son dedins? so es a dire si son .X, o .XX., mens o mays.*

*Qui, cant es pauzatz infinitz, es yshamens relatiu, coma : tals me bayza qui be no'm vol; mas ges no se sec lo contrari, coma : le doctors qui lieg es bos clercc.*

*Don, cant es concluzius, yshamens pot esser enterrogatius, mas non ges pel contrari; quar cel que ditz : yeu estudie, don fau mon pro, presupauza enterrogatio, qui be regarda la natura del parlar, so es qu'om lo haja enterrogat e dig : que fas? e que el haja respost : yeu estudie, don fau mon pro; quar estiers, en aquest cas, seria fadeza de parlar ses primieramen enterrogar.*

*Si no pot esser una partz, et a [Fº 168 rº] doncz se*

pauza per *nisi*, o doas, et adonx vol dir *si non*; pero, segon romans, son doas partz. Aquo meteysh per so que podon esser motas partz, et adoncz *que* es relatiu, o una partz, et adoncz es dubitatiu.

**De la combinatio del verb; e primieramen de l'indicatiu e de sos temps. Rubrica'.**

En l'ajustamen dels mozes e dels temps se pecca hom soen segon romans, per que volem ayssi donar alcuna doctrina quo's deu ajustar us mos et us temps amb autre, jassiaysso que aysso no sia declarat en lati per los actors. E quar aquesta materia trobam trop subtil e prionda et venir tro la fi d'aquela seria trop longa et enuioza cauza e mays difficults qu'utils reputada, majormen cum per bon uzatge de parlar hom pueca escazer en aquela, per so del tot aysso mostrar no curam complidamen; pero per los ysemples que pazarem alquin dopte se poyran declarar et amb aquels se poyra hom en partida enformar d'un mo e d'un temps per autre e del passiu per la votz de l'actiu e del neutri e d'u nombre per autre, d'una persona per outra, d'u mot per autre so semblan, d'un verb per autre. E si duy temps son unit o us temps ha significatz, so que dig sera de la .I. entendre deu hom de l'autre. E tot aysso vertat conte, si doncz exceptios o la natura del parlar noy repugnava.

Amb algunas de las claus sobredichas se podon combinar li verb, de lasquals algunas vetz enjos no

farem mentio, quar adrechamen amb aquelas no's podon combinar, sino mejansan diversitat de temps, de loc, de persona o de quantitat, coma : *no cavalguiey hyer ni am mo vol huey non agra cavalquat; ni fui a Tholozza ni am mo vol a Carcassona no fora estat; ni vi lo rey ni am mo vol no hagra vista la regina; .V. sols hay gazanhatz et am mo vol n'agra guazanhatz .X.;-yeu hay guazanhat et am m[o] vol hagra mays gazanhat o mens, et enayssi de lors semblans.*

Le prezens de l'endicatiu s'ajusta am si meteysh amb esta coplativa<sup>1</sup> e, coma : *yeu liegi et aprojiechi, yeu plori e pregui Dieu. Et amb o disjunctiva, coma : yeu vau o sezi; yeu dormi o velhi. Et am quar, coma : yeu aprojiechi, quar estudie; yeu aprendi. quar tu m'essenhas. Et am sos semblans, coma : yeu fau o dic aysso per so quar me play, o per amor quar es be sag, o per tal quar es ben dig. [Fo 168 v<sup>o</sup>]. Et am jassiaysso que, coma : Yzurns me servis, jassiaysso que no m'agrada; pero miels es dig : no m'agrade; aquel me menassa, jassiaysso que no m'o prezi, pero miels es dig : no m'o preze; yeu no vuellh esser en aytal maridatge, jassiaysso que bo'm sap que's fassa; pero miels es dig sapia. E qui en loc de jassiaysso que pauza pero o empero, trop miels e mays propriamen es dig, quar jassiaysso que ha sa propria enclinatio al conjonctiu. Et am mas que, coma : *Bertrans canta be, mas que trop s'en preza. Et am que approbatu et am sos semblans, coma : yeu sai que Bernatz es prozoms; cert es que tu yest rix. Et am per que, si que concluzius, coma : tu jogas tot jorn, per qu'en fas o si qu'en fas ton dan. Et am des que, coma : des que**

1. En marge ; copulativa (xvii<sup>e</sup> s.).

*soy a taula, tu m fas mala cara. Et am pus que, coma :  
pus que tu ho vols et yeu pus que t play e t' ami. Et am  
que o per so que comparatiu, coma : yeu liegi, sauti o  
canti miels que tu. Et am que relatiu coma : yeu m'alegri  
de so que tu dizes, et enayssi meteys dels sieus sem-  
blans, coma : per amor d'ayssso que, segon aquo que, se-  
gon so que, segon que. Et am que enterrogatiu, coma :  
que fas? pregui Dieu. Que dizes? mas horas. Et am qui  
enterrogatiu, coma : qui yest tu? yeu soy. Et am qui  
infinít, coma : qui ben serca, ben troba. Et am qui re-  
latiu, coma : le doctors qui lieg es bos clercz. Et am  
quo enterrogatiu, coma : quo vas? A m'aventura. Et am  
quo no enterrogatiu, coma : yeu escoti quo canta Gui-  
llhems. Et am per que enterrogatiu, coma : per que fas  
aquo? per be. Et am don enterrogatiu, coma : don ve-  
nes? veni de la glieya o veni de say, de lay, d'aqui,  
d'ayssi, d'amon, d'aval, de mayzo, et enayssi de lors  
semblans. Et am don concluziu, coma : yeu estudie don  
fau mon pro. Et am don relatiu, coma : ab sa molther  
esta, don ha tres o .IIII. efans. Et amb on relatiu, coma :  
cela qu'ieu am on es pretz e valors. Et amb on enterro-  
gatiu, coma : on vas? rau a la glieya, o rau say o lay,  
aqui, ayssi, aval, amon, a mayzo, et enayssi de lors sem-  
blans. Ayssi metheysh cum s'ajusta am don et on, ayssi  
meteys am sos semblans, coma lay don, d'aqui don,  
vas on, per on, lay on, de lay on, d'aqui on. Et am can  
adverbi, aitan quan, entre, mentre, domentre, coma :  
yeu m'alegri can canti o aylant quan canti, entre, mentre,  
domentre que canti. Et am quant enterrogatiu e nomi-  
natiu plural se pot ajustar, coma : quant home [Fº 169 rº]  
son a caval? Pot hom respondre : .XX. o .XXX. son.  
Et am quan per cantitat enterrogatiu, coma : quan val*

ayssó? .V. sols val. Et am pero, empero, mas enpero, mas, coma : yeu rizi, pero, enpero, mas enpero dins lo cor plori o mas dins lo cor plori. Et am si per aquesta manera : si mal fau, aylal fas, o enayssi : no'm blasmes, quar si mal fau, aylal fas. Et am si per quar o per can, coma : yeu hay gaug si gazanhi, soes quar o can gazanhi. Et am sino can son doas partz, coma : si no'm fas mal ni l'en fau; si no m'acuzas ni l'acuzi. Et am ni et am no; coma : ni canti ni liegi; ni be no'm fas, ni l'en fau. Et am adonx, coma : adonx soy alegres, quan te veg be far; adonx gazanhi, cant tu gazanhas. Et am si adonx, coma : si adonx soy trist; cant te vey irat, no l'en meravilhes. Et am pueys, despueysh o depueys, coma : el m'ama primier et yeu pueysh o depueys; pero miels es dig : et yeu aprop o apres. Et am tantost, coma : tantost descavalga, tantost se met a taula. Et amb aquestz adverbis si, co, et si cum, ayssi co, ayssi cum, coma, ayssi coma, coma : yeu fau si co o si cum Johans fay; yeu canti ayssi co o ayssi cum, coma o ayssi coma tu cantas. Et algu dizo : yeu fau co o cum tu fas, et adonx es entendut : yeu fau enayssi co o cum tu fas, et adonx podon esser doas partz, enayssi una, e co o cum outra. Et am tantost que, dece que, mantenen que, enconlenen que, ades que soy defora, fau mon pro. Et en loc d'aquests vocabbles pot hom dire ayssi co, coma : ayssi co soy defora plou. Et amb ara o aras, coma : ara canti, ara plori, aras soy sas, aras malautz. Et amb encara o encaras, coma : encara obri; encaras trebalhi; encara gazanhi mon pa. Et am si tot et am si be, coma : si tot me soy vielhs, yeu m'esforssi be; si be'm soy freuols, yeu calbalgui<sup>1</sup> be. Et

1. En marge : lisez cavalgui (xvii<sup>e</sup> s.).

amb *lunh temps*, coma : *lunh temps no vuellh re de l'aulrui ni m'agrada; lunh temps aquel no fa mas mal; pero miels es dig no fe*. Et amb *on mays*, coma : *on mays vau avan, mens vali*. Et amb *tan quant*, coma : *tan quant obri, fau mon pro*.

Le prezens de l'indicatiu am si meteys no's pot ajustar propriamen am *que* dubitatiu, *per so que, per tal que, per amor que*, ni am *per que* dubitatiu, ni am *jassiaisso que*, si no per la [F° 169 v°] maniera desus dicha, ni am *que* per *quar*, ni am *si, si no* per la maniera sobredicha, ni am *quan* ni *coras* enterrogatiu.

*Si*, segon lati, vol tostemps conjunctiu, coma : *si placeat Deo; si Deus det mihi bonum, quar ges no seria ben dig se hom dizia : si placet Deo; si Deus dat mihi bonum*, si donx aquel *si* no's pauzava per *quar*, coma : *si Deus est animus et c<sup>a</sup>. I. que<sup>1</sup>*. Enpero, segon uzatge de parlar en romans, nos dizem lo contrari, *quar aquel si* o's pauze conditionalmen o assertivamen, tostemps s'aordena segon romans am prezen de l'indicatiu en aquel loc on havia<sup>2</sup> loc le prezens del conjunctiu en lati, o am lo preterit perfag de l'indicatiu lay on hauria loc preteritz imperfagz de conjunctiu segon lati, coma : *si Bertrans era rix el saubria ben despendre; jassiaisso qu'om puesca dir yshamens : si Bertrans fos rix o si Bertrans havia .M. libras de renda, totas las despendria*. Et enayssi hom deu dir segon uzatge de parlar en romans : *yeu faray aytal cauza si Dieus o vol, e no si Dieus o vuelha, o si a Dieu platz,*

1. Ms. *qr* ou *qe*?

2. Lire *hauria* comme ci-dessous?

e no si a Dieu plazia. Per aysso qu'es estat dig e mostrat quo s'ajusta le digz prezens del indicatiu am si meteysh se pot hom enformar per qual maniera s'ajusta casqus dels autres temps am si meteysh.

Le prezens de l'indicatiu s'ajusta am lo preterit imperfectag d'aquel meteys indicatiu alqunas vetz et alqunas vetz no. Adonx s'ajusta cant per aquo qu'es passat e no acabat se fay le faytz prezens, et aysso amb e copulativa, coma : *yeu ami et amava, yeu parli e parlava*. Et amb o disjunctiva, coma : *yeu mangi o manjava, yeu esperi o esperava*. Et am *quar* e sos semblans, coma : *yeu mangi quar havia, fam; yeu bevi quar havia set*. Et am *per so que*, can son motas partz, et adonx ha hom solamen respieg al *que* qu'es relatiu, del qual devem tractar enjos. Et am *jasiayssoque*, coma : *yeu fau aytal cauza jasiayssoque mos payres fazia lo contrari; pero trop miels es dig fes que fazia*. Et am *que* aprobatiu, coma : *yeu say qu'el fazia bona vida; et am per que* concluziu per esta maniera : *tu yest bos homs, per que't devia bes venir*. Et am *que* comparatiu, coma : *yeu canti miels qu'el no fazia*. Et am *que* relatiu, coma : *yeu fau so que'l reys volia*. Et [F<sup>o</sup> 170 r<sup>o</sup>] am *de so que*, coma : *yeu me querelhi de so que Bertrans me dizia*. Et am *per amor d'aysso que*, coma : *yeu ami'l rey per amor d'aysso que dizia*. Et am *segon so que* e *segon que*, coma : *le reys nos ama segon so qu'el dizia o segon que dizia*. Et am *que* enterrogatiu, coma : *que fas?* Aysso fazia o dizia, manjava, dormia o estudiava. Et am qui enterrogatiu, coma : *qui corr, qui corre<sup>1</sup> solia*. Et am qui infinit, coma : *no nos deffen qui defendre nos solia*.

1. 1<sup>re</sup> main, *cor*, *core*; *r* en surcharge.



Et am qui relatiu com a : *le frayres quí sermona legia o solia legir a Paris*. Et am quo no enterrogatiu, com a : *yeu cossiri quo cantara Guilhems*. Et am don enterrogatiu, per esta guiza : *don venes? de lay, don tu hyer venias*. Et am don concluziu, com a : *tu fas bos faytz don te devia bes venir*. Et amb on relatiu, com a : *Cela qu'ieu am, on era mos espers, m'a dat conjat*. Et amb on enterrogatiu, *vas on, per on, lay on, de lay on, d'aqui on, lay don, d'aqui don*, com a : *on vas? a vos anava. Vas on vas? Vas vos anava. Per on vas? Per ayssi anava. Lay on vas anava yeu; de lay on vas passava yeu, et enayssi dels autres; jassiyssoque ayta be o miels estia la resposta en prezen quo en preterit inperfag*. Et am si, com a : *yeu be'l vuelh, si el me volia; pero miels es dig : yeu be'l volria, si el me volia*. Et am ni, com a : *ni be no'm fas ni m'en facia*. Et amb adonx, per esta manera : *aras soy paubres et adonx era rix*. Et am si adonx enayssi : *ara soy rix, si adoncs era paubres*. Et am si cum o ayssi cum e sos semblans, com a : *yeu cantli si cum o ayssi cum los payres cantava*.

Ajustar no's pot aquest prezens de l'indicatiu am lo dig preterit inperfag, can le fagz enportats per lo preterit inperfag es del tot acabatz et hom no cosira solamen lo fag mentre que's fazia, ans o fa be la fi e l'acabamen, quar adonx non ha bona consequentia, com a : *yeu soy sadols, quar manjava; yeu pregui Dieu, quar me creava<sup>1</sup>, quar hom deu dir : yeu soy sadols, quar hay manjat; yeu pregui Dieu, quar m'a creat*. Empero algunas vetz s'endeve que s'ajusto entre lor, pauzat que'l faytz sia complitz et acabatz, com a : *yeu*

1. Ms. creva; en marge : creava (xvii<sup>e</sup> s.).

*cosiri quo parlava Guilhems o quo cantava Arnautz*, quar ayssi no [F<sup>o</sup> 170 v<sup>o</sup>] cossira hom la fi ni l'acabámen, mas solamen lo fag mentre que's fasia.

Per aquesta combinatio se pot hom enformar dels autres temps e mozes, laqual segon rigor de bon romans e veray deuria hom gardar e tener. E quar greus causa seria gardar aytal subtilitat, per so ad us acostumat nos reportam.

**De la pronunciatio de la primera singular persona del prezen de l'indicatiu amb una termenatio ses plus<sup>1</sup>.**

Necessitatx nos adutz mostrar la pronunciatio de las personas d'aquels mozes e temps en losquals vezem qu'om soen se pecca alongan o abreujan o pronuncian una per altra.

Alqun verb son amb una sola termenatio, segon nos, en la primera singular persona del prezen de l'indicatiu, coma : *salvi, sali, mangi, provi, aprovi, reproví, grati, freguí, estau, obri, cobri, recobri, duzi, aduzi, compri, fízi, cofízi, razoni, allegui, escrivi, noti, honri, meni, acabi* et enayssi de autres granre.

**De la pronunciatio de la primera singular persona del prezen de l'indicatiu am duas termenatios, una propria et altra abreujada per apocopa solamen<sup>2</sup>.**

Alqun autri verb son am duas termenatios en la primera singular persona del prezen de l'indicatiu, una

1. G. A., II, 352 sq.

2. La rubrique était écrite aussi au bas de la page en minuscule. G. A., II, 354.

propria et entiera et altra no propria, trencada o abreujada per appocopa. Et aytal no propria hom soste per la dicha figura. Et algunas veltz reputam per aytan be dicha o miels la non propria coma la propria, quar, segon nostra prezen sciensa, li mot plus breu son mays bel, mas que l'abreujamens sia acostumat, coma : *remir, remiri*.

Tug li verb que mays podon esser abreujat en la primera singular persona del prezen de l'indicatiu per apocopa solamen o per una o motas autras figuras, apocopa mejansan; veus motz yshemples de verbs abreujatz en la dicha primera persona per apocopa solamen; e per so ne pauzam motz per qu'om per aquels dels autres se puesca miels enformar e que de l'abreujamen d'aquestz hom no dopte d'ayssi avan : *Remir, remiri; tir, tiri; vir, viri; gir, giri; rancur, rancuri; jur, juri; conjur, conjuri; perjur, perjuri; endur, enduri; man, mandi; desman, desmandi; ampar, ampari; dezampar, desampari; gar, gari; regar, regari; coferm, cofermi; referm, refermi; renec, renegui; ador, adori; giet, gieti; fon, fondi; cofon, cofondi; refon, refon* [F° 171, r°] *di; pen, pendi; repen, rependi; despen, despendi; am, ami; enten, entendi; conten, contendi; sen, senti; cosen, cosenti; presen, presenti; tem, temi; cosselh, cosselhi; clam, clami; plor, plori; oblid, oblidi; pes, pessi; chan, chanti; torn, torni; retorn, retorni; esfors, esforsi; cug, cugi; coman, comandi; regar, regardi; gazan, gapan; cossir, cociri; azir, aziri; albir, albi; sospir, sospiri; dezir, deziri; abaysh, abayshi; arrest, arresti; profer, proferi; acord, acordi; record, recordi; discord, discordi; port, porti; deport, deporti; report, reporti; promet, prometi; deshen, deshendi; cuelh,*

cuelhi; acuelh, acuelhi; recuelh, recuelhi; despuelh, despuelh; do, doni; perdo, perdoni; abando, abandoni; lezer, lezeri; refranh, refranhi; afranh, afranhi; esper, esperi semissonan o esperi plenissonan; laus, lauzi; yshaus, yshaussi; aus, auzi; laysh, layshi; relaysh, relayshi; baysh, bayshi; abaysh, abayshi; pantaysh, pantayshi; biaysh, biayshi; esquaysh, esquayshi; men, menti; engan, engani; fug, fugi; senh, senhi per senhar, senh, senhi, per senchar o sintar; essenh, essenhi; fenh, fenhi; enueg, enuegi; vueg, vuegi; esten, estendi; perd, perdi; part, parti; depart, departi; ponh, ponhi, per ponher o ponger; ponh, ponhi per ponhar, so es per tardar; rescon, rescondi; coceb, cocebi; receb, recebi; deceb, decebi; appar, appari; met, meti; remet, remeti; sosmet, sosmeti; promet, prometi; tramet, trameti; apel, apeli; sagel, sageli; sanglot, sangloti; defen, defendi; atlen, attendi; toc, loqui; broc, broqui; joc, jogui; trebalh, trebalhi; govern, governi; velh, velhi; bal, bati; rebal, rebati; combal, combati; debat, debati; barat, barati; las, lassi; comens, comensi; raso, rasoni; sojorn, sojorni; soan, soani; sofan, sofani; espaven, espaventi; enans, enansi; conort, conorti; desconort, desconorti; prec, pregui; estanc, estanqui; et enayssi de trops autres, losquals recitar seria trop longa cauza. E dizem tug que may a differensa d'aquels que han solamen una ter [Fº 171, vº] menatio en la dicha primera singular persona de l'indicatiu dels quals es estat dig. Et a diff[er]ensa' dels verbs que son d'una sillaba en la dicha primera persona, coma : *vau, hay, fau*.

La primera persona singular del prezen de l'indica-

1. Ms. *diffensa*; en marge *differensa* (xviiiº s.).

tiu no deu hom abreujar si l'abreujamens no era acostumatats en diversas proensas, per que can alqus dopta sobre aytal abreujamen am diversas personas de diverses lox se deu enformar, si donx non era tant uzat, notori e manifest que proansa noy fos necessaria, coma en los verbs sobredigz et que son a dire.

**De la pronunciatio de la primieyra singular persona del presen de l'indicatiu am doas termenatios, una entieyra, et outra trenquada per appocopa o per una o motas<sup>1</sup> autras figuras<sup>2</sup>, appocopa mejansan<sup>3</sup>.**

Autres verbs havem am doas termenatios, una propria et outra abreujada no solamen per apocopa, ans es per una o motas autras figuras, coma : *venc, veni; revenc, reveni; avenc, aveni; endevenc, endeveni; deza-veni*. Et alqu, otra aquestas termenatios, ajusto la tersa, coma : *venh, revenh, avenh, covenh*; laquals termenatios no aproam. Yshamens havem : *sopley, soplegui; aug, auzi; trac, trazi; retrac, retrazi; atrac, atrazi; estrac, estrazi; crey, crezi; recrey, recrezi; descrey, descrezi; mescrey, mescrezi; pasc, payshi; nasc, nayshi; cresc, creyshi; conosc, conoyshi; reconosc, reconoyshi; desconosc, desconoyshi; mesconosc, mesconoyshi*. Alqu dizo : *dic, dizi; desdic, desdizi*, pero *dizi* ni *desdizi* no aproam; *cuebri, cubrisc; recuebri, recubrisc; descuebri, descubrisc; uebri, ubrisc; suefri, sufrisc; uefri, ufrisc; servisc, sier; vuelh, voli; suelh, soli; duelh, doli*; pero per

1. Ms. *metas*; en marge : lisez *motas* (xvii<sup>e</sup> s.).

2. G. A., II, 362, sq.

3. Ms. *meianfan*; au bas de la page : lisez *mejansan* (xvii<sup>e</sup> s.).

miels pauczatz tenem *vuelh, suelh, duelh*, que *voli, soli, doli*, quar *voli* pot hom prendre per *volar, soli* per *solar. doli* per *dolar*; *pretz, prezi*, et alqu dizo *prec*, coma : *no vos prec una palha*, pero *pretz* o *prezi* deu hom dire, quar *prec* es de *pregar* e *pretz* o *prezi* de *prezar*; *muer* am diptonge, *mori* ses diptonge; *truep* am diptonge, a differensa d'aquest adverb *trop, trobi* ses diptonge.

En los verbs seguens alqu pauzan doas termenatios, coma : *devezisc, devezishi*; *noyrisc, noyrish*; *affortisc, afortishi*; *enantisc, enantishi*; *devesisc, devezishi*; [F° 172 r°] *punisc, punishi*; *enardisc, enardishi*; *grazisc, grazishi*; *tremisc, tremishi*; *engarldhardisc, engalhardishi*; *escondisc, escondishi*; *escarnisc, escarnishi*; *mugisc, mugisci*; *procezisc, procezishi*; *marrisc, marrishi*; *perisc, perishi*; *resplandisc, resplandishi*; *blandisc, blandishi*; *benezisc, benezishi*; *bandisc, bandishi*; *estruisc, estruishi*; *obezisc, obezishi*; *provezisc, provezishi*; *envergonhisc, envergonhisi*; *enantisc, enantishi*; *appoderisc, appoderishi*; *florisc, florishi*; *reverdisc, reverdishi*; *amarvisc, amarvishi*; *vesti, vestishi*; *supplisc, suplishi*; *complisc, complishi*; *fenisc, fenishi*; et enayssi de lors semblans. Et alqu dizo en aquesta persona *complí, fini*, laqual cauza no aproam; pero be pot hom dire *deffini, affini, defini*, pero degu d'aquetz<sup>1</sup> que fan en *ishi* no aproam, si donx estiers o miels dir no's podia, jassiayssoque en alcus locz sian acostumat a dire.

1. Au bas de la page : « lisez d'aquestz » (xvii<sup>e</sup> s.).

**De la pronunciatio de la primieyra singular persona del prezen de l'indicatiu am tres, quatre o mays termenacios, una entiera e las autras abreujadas per apocopa solamen o per una o motas<sup>1</sup> autras figuras, appocopa mejansan.**

Tres, quatre o mays termenacios han li verb seguen, una propria e las autras abreujadas per una o motas figuras, appocopa mejansan, coma : *veg, vey, vezi; deg, dey, devi; planc, planh, planhi; complanc, complanh, complanhi; remanc, remanh, remani; ren, rendi, reddi; autreg, autrey, autregi; lenc, tenh, leni; retenc, retenh, reteni; captenc, captenh, capteni; sostenc, sostenh, sosteni; mantenc, mantenh, manteni; alenc, alenh, ateni; contenc, contenh, conteni; destenc, destenh, destenhi; estenc, estenh, estenhi; estrenc, estrenh, estrenhi; restrenc, restrenh, restrenhi; costrenc, costrenh, costrenhi; abstenc, abstenh, abstenhi; enpenc, enpenh, enpenhi.*

Segon la oppinio d'alqus, li verb seguen en la dicha persona han tres termenacios, coma : *espan, expandisc, expandishi; rieg, regisc, regishi; falh, falthisc, falthishi; umpli, umplisc, umplishi; menti, mentisc, mentishi; desment, desmentisc, desmentishi; diffini, diffinisc, definishi; appari, aparesc, apparishi; compari, comparesc, comparishi; pero aquestas termenacios en ishí reproam, coma desus.*

Veus yshemples de quatre termenacios <sup>2</sup>: *prenc, pren,*

1. G. A., II, 364 sq.

2. En marge : *termenacios* (xvii<sup>e</sup> s.); c'est plutôt un *t* qu'a voulu écrire le copiste du quatorzième siècle, en corrigeant un *c*.

*preni, prendi; reprenc, repren, repreni, repren di; comprenc, compren, conpreni, comprendi; apprenc, appren, appreni, apprendi; pervey, perveg, pervezisc, per [F<sup>o</sup> 172 v<sup>o</sup>] vezi; respon, responc, respondi, respondi: quer, quier, queri, quieri; requer, requier, requeri, requieri; conquer, conquer, conqueri, conquieri.*

**Dels pecz' que hom soen fay en la primera singular persona del presen de l'indicatiu d'alcus verbs dels quals tot jorn uzam en nostre parlar<sup>1</sup>.**

En aquesta primera singular persona se pecca hom soen segon qu'om pot vezer en aquestz verbs losquals tot jorn havem a ma. Alqu dizon : *yeu fas* e devon dire : *yeu fau*, et enayssi dels sieus compostz; dizon yshamens en esta persona : *he, hey, hiey*, pero miels es dig *hay*, et *ami* ses diptonge; et aquel que dizon *aymi* am diptonge erran, jassaiyssoque hom acostume de pronunciar lo dig diptonge en aquestas doas dictios, so saber<sup>2</sup> *aymans, aymadors*, et alqus altres verbals non pas en la primera sillaba, mas en la segonda, coma : *amayres, amayril* : Yshamens havem *amans* et *amadors* particips. *Aymans* et *aymadors* nom volon aytant dire cum *amayres*.

Yshamens deu hom dire en aquesta persona<sup>3</sup> *crezi* o *crey* per syncopa e no *cre*, et enayssi dels sieus compostz; e *trac, trazi*, et enayssi dels sieus compostz, e

1. Ms. plutôt *pelz*.

2. G. A., II, 366.

3. En marge : *sos assaber* (xviii<sup>e</sup> s.).

4. *El en ay barré*.



no *tray*; soy e no *so*, *sueffri*, *uebri*, *uefri* ab diptonge contrafag e no *sofri*, et enayssi dels autres. Et es miels dig *aug* que *auzi*, a differensa de *auzi* per *auzar*; e *partisc*, *falhisc*, *defalhisc* que *parti*, *falhi*, *defalhi*, quar aytal meteysa letra havem en lo preterit perfag de l'indicatiu, jassiayssoque l'accens hy fassa differensa.

**De la pronunciatio e dels pecz de la segunda persona singular e plural e del prezen de l'indicatiu. R<sup>a</sup>.**

Alqun verb son que, ayssi meteys quo's podon terminar en motas manieras en la dicha primera e tersa singulars personas, ayssi meteys en la segunda singular del prezen de l'indicatiu, coma *quièrs*, *queres*, *quers*; e dizem alqu, quar en toltz no se sec coma *cuebres*, *uebrès*, *fas*, *estas*, *crezès* e lor compost; *querishes*, *ubrishes* e lors semblans reproam, si donx estiers no's pot dire, coma *garnishes*, *engalhardishes* et enayssi de trop autres. Et aysso meteys entendatz en la tersa singular e plural persona d'aquest temps.

La dicha segunda persona singulars es abreujada soen en alqus verbs per sincopa, coma : *potz*, *podes*; *vols*, *voles*; *vals*, *vales* [F<sup>o</sup> 173 r<sup>o</sup>]; *cols*, *coles*; *sols*, *soles*; et enayssi d'autres gran re, mas que hom deu gardar que aytals abreujamens sia acostumat.

En aquesta segonda persona deu hom dire : *uebres*, *suefres*, *uefres*, *cuebres*, *descuebres*, am diptonge contrafag; *effalhes*<sup>1</sup>, *dormes* et *amas* e no *aymas* am diptonge.

1. G. A., II, 366 sq.

2. L. e *falhes*.

En la segunda plural persona de l'indicatiu deu hom dire *amats* ses diptonge; *anats*, *essenhatz*, *tenets*, *vezetz*, *havelz* et enayssi de lors semblans.

La <sup>1</sup> oppinio d'aquels que dizo que las dictios termenans en *alz*, *etz* plenisonan o semissonan, *alz*, *olz* plenissonan o semisonan, *autz*, *aytz*, *ist*, de qualque part d'oratio, de qualque mo, temps, nombre, o persona sian, podon termenar en *s* ses *t*, coma *amatz*, *amas*; *donatz*, *donas*; *legitz*, *legis*; *amayrits*, *amayris*; *notz*, *nos*; *nutz*, *nus*; *faytz*, *fays*; *partist*, *partis*, reproam del tot, exceptat *conquist* que fa *conquis* o *conques*. Et enayssi peco cil qui dizo : *tu fis*; *vos fes*; quar devo dire : *tu fist*, *vos fezetz* o *fetz*, majormen quar *sis* e *fes* son nom; yshamens peco can dizo : *vos fays*, quar devo dire *faytz*.

**De la pronunciatio e dels pecz' de la ter[sa] persona singular e plural del prezen de l'indicatiu<sup>1</sup>.**

Aquesta tersa singulars persona del prezen de l'indicatiu es soen pronunciada en alcus verbs en diversas manieras, coma : *aycel fa* o *fay*, *ca* o *cay* o *chay*; *tra* o *tray*; *va*, *vay*; *esta*, *estay*; *platz*, *play*; *paga*, *paya*; *raja*, *raya*; *ra*, *ray*, et enayssi de lors compositz; pero miels es dig *ra* que *ray*, a differensa del *ray* del solelh; *ren*, *red*; *vest*, *viest*; *par*, *pareysh*; *appar*, *appareysh*; *afranh*, *afranha*.

1. Ms. *Lla*, la première lettre ornée.

2. G. A., II, 370.

3. On lit *petz* dans le ms.

Alqu se pecco en aquesta tersa persona singular, quar dizo : *aquel me vetz* e devon dire : *ve*; e *cretz* e devon dire : *cre*; et enayssi de lors compostz; e *umpli* amb .i. e devon dire *umple* amb .e.; quar .i. es de la primera persona et .e. de la tersa; et enayssi metheysh deu hom dire : *cuebre*, *uebre*, *suefre*, *uefre* amb *e* et enayssi de lors compostz. Item algu dizon *di* e devon dire *ditz*. E quar es acostumat, pot hom dire en aquesta tersa persona : *lieg* o *leg* semissonan, non contrastan que *leg* semissonan<sup>1</sup> hom pauze soen per *ley*.

Li verb termenan aquesta tersa persona singular en *ish* o en *aysh* (et aquo meteysh pot hom entendre de totes [F° 173 v°] autras dictios de qualche part d'oratio sian) podon termenar en *is* et en *ays* ses *h*, coma : *fenish*, *fenis*; *noyris*, *noyrish*; *paysh*, *pays*; *sofraysh*, *sofrays*; *atraysh*, *atrays*; *faysh*, *fays*; *quaysh*, *quays* et enayssi de lors semblans; pero miels es dig en la tersa persona singular del preterit perflag de l'indicatiu *dish* que *dis*.

Algun verb son que termeno aquesta singular persona del prezen de l'indicatiu en *ou*, coma : *plou*, *mou*, *promou*, *escomou*, et algu dizo : *plau* ab *a*, *mau*, *promau*, *escomau*, laqual pronunciatio reproam.

Algun verb son que's podon termenar en diverses manieras en la tersa plural persona del prezen de l'indicatiu, coma : *quiero*, *quero*; pero en totz no se sec, coma : *fan*, *estan*, *crezo* e lor compost.

En esta tersa plural persona deu hom dire : *amo*, *crido*, *manjo*. Et algu dizo : *aman*, *cridan*, *manjan*; pero miels es dig *amo* que *aman*, et enayssi dels autres

1. Non contrastan barré (xive s.).

e de lors semblans, jassyayssoque alqu verb son liquial solamen termeno en *o* en aquesta tersa persona plural, coma : *so, crezo, bevo, podo, volo, suefro, trazo, respondo, tondo, evelho*, et enayssi d'autres granre. Et alquun autre son que fan en *an* solamen, coma : *han, van, estan, fan, desfan, refan*.

*Amo, crido* et enayssi dels autres han semblansa del tot am la tersa persona plural del futur de l'optatiu e del <sup>1</sup> conjunctiu ; et *aman* ha semblansa del tot am lo segon gerundiu, exceptat d'accen.

*Amo, crido, canto, volo, tresso, so* et enayssi de lors semblans podon termenar en *n*, majormen can vocals se sec, exceptat en final acordansa ; pero *son* pot estar en la dicha final per far acordansa am *pon, prion* o ab autres d'aquest semblan.

Generalmen en la primiera singular persona deu hom segon lati enttendre <sup>1</sup> *yeu* ; et en la segonda singular *tu* ; et en la primiera del plural *nos* ; et en la segonda plural *vos*. Enpero, segon romans, algunas vets es miels dig can li dig pronom son expressat en las dichas personas ; et ayssó pot hom leumen [F° 174 r°] conoysher a la manera del parlar, coma : *yeu fau ayssó*, e no seria ben dig : *fau ayssó ses yeu*.

### De las peccas del preterit inperfag de l'indicatiu <sup>1</sup>.

En la tersa plural persona del preterit inperfag de l'indicatiu se pecco alqu quar dizo : *parlavo, estava*,

1. Au bas de la page : *prezen del* (xvii<sup>e</sup> s.).
2. Il semble que le premier *l* ait été exponctué.
3. G. A., II, 376.

*riziau*<sup>1</sup>, *beviau*, *manjavo*, et enayssi de trops autres, quar hom deu dir : *parlavan*, *estavan*, *rizian*, *beviau*, et enayssi de lors semblans.

### De las peccas del preterit perfag de l'indicatiu<sup>1</sup>.

En la primiera singular persona del preterit perfag de l'indicatiu deu hom dire : *yeu ame* o *amey* o *amiey* o *hay amat*. Et alqu dizon *he* o *hey* o *hiey amat*, pero miels es dig *hay amat*. Segon romans, *hay amat* podon esser duy mot. Pecco yshamens can dizo en la tersa plural persona : *cil hou amat*, quar devon dire : *cil han amat*.

En la dicha persona del dig temps deu hom dire tam solamens *parti*, *suffri*, *trahi*, *noyri*, *vi*, *auzi*, *amarvi*, *requiri*, *feri*, *legi* et enayssi de lors semblans. Et en la tersa singular d'aquel meteys temps tam solamen : *partit*<sup>2</sup>, *suffric* et enayssi dels autres. Donx pecco cil que dizo en la dicha tersa singular persona : *parti*, *suffri*.

Regularmen can la primiera singular persona del dig temps termena en *i*<sup>3</sup> agut, la tersa singular persona d'aquel meteys temps termena en *ic*, coma : *parti*, *partic* ; *suffri*, *suffric* ; quar si termena en *i* greu, adonx no termena en *ic*, coma *rizi*, *ris* ; *conogui*, *conoc* ; *vengui*, *venc* ; *begui*, *bec* ; *mezi*, *mes* ; *dishi*, *dish* ; et enayssi de lors semblans. E dizem regularmen, quar de

1. Après *riziau*, u exponctué.

2. G. A., II, 376.

3. En marge : *partic* (xviii<sup>e</sup> s.).

4. Depuis *i agut* compris jusqu'à *i greu* exclu, le texte est écrit en marge, d'une encre plus pâle, mais de la même époque.

totz no se sec, coma *fi* que fa en la tersa persona *fe* o *fetz* e no *fic*.

En la primera singular persona del preterit perfag de l'indicatiu ditz hom : *auzi*, *parti*, *falhi*, *ishauzi*, *departi*, *defalhi*; et en la primera singular persona del prezen de l'indicatiu aquo meteys; no empero ses differensa, quar *a* en lo dig prezen plenisona e fenish en accen greu. Et en lo dig preterit perfag semissona e fenish en accen agut; per que aytal mot son dig quaysh accentual. Havem yshamen *sentí*, *umpli* en lo dig prezen et en lo dig preterit perfag; pero entre lor es differensa, quar en lo prezen [F° 174 v°] fenisho en accen greu et en lo dig preterit perfag en accen agut; per que son appellat accentual. Et enayssi dels autres d'esta natura.

En la primera persona del preterit perfag deu hom dire : *suffri*, *ubri*, *cubri*, amb accen agut e ses diptonge. Et en la primera persona del prezen de l'indicatiu *suefri*, *uebri*, *cuebri*, *ueffri* am diptonge et amb accen greu; et enayssi de lors compostz e dels autres lors semblans.

Alqu dizo que granre d'aquels verbs que termeno la primera singular persona del preterit perfag de l'indicatiu en *i* agut, coma : *vi*, *ubri*, *suffri*, et enayssi de lors semblans, podon termenar en *gui*, coma *vi*, *vigui*; *ubri*, *ubrigui*; *suffri*, *suffrigui*; laqual cauza no aproam.

Aquo meteys dizem dels autres verbs, quar algu dizo : *yeu mangegui*, *compregui*, *beguegui*, *avegui*, *figui*, *dishigui*; aquo meteys en las autras personas, coma : *tu fegui*, *dishigui*; *cel dishec*, *beguec*; nos *disheguem*, *begueguem*; vos *disheguetz*, *aveguetz*; cilh *feguego* e *disheguo*. Et aytals pronunciatios reproam del tot,

coma singulars et estranhas, quar hom deu dir : *yeu mangiey, compriey, begui, amey o amiey; fi o fizi, dishi; tu fist, dishist; cel dish, bec, manjec; nos dishem, fem, amem; vos dishetz, anetz, mangetz, beguetz; aytal fero, dishero, begro, mangero, et enayssi de lors semblans. Pero algu verb son que fan gui en la dicha primera persona del dig preterit perfag, quar estiers no's podon termenar, coma : *begui, conogui, apparegui, compregui, volgui, dolgui, vengui, tengui, abstengui, cregui, segui, et enayssi de trops autres.**

Algun verb son que en la dicha primera singular, persona del preterit perfag del dig indicatiu han doas termenatios, coma *trayshi, traguï, et enayssi en las autras personas, coma : trayshist, traguïst; cel traysh o trac, et algu dizo traguec, so que nos no aproam : nos trayshem o traguem; vos trayssetz o traguetz; cil trayshero o traguero, et enayssi meteysh de sos compostz; ayshi meteysh remazi, remanguï; costreyshi, costrengui; prezi, prengui; [Fo 175 rº] poyshi, pongui; oyshi, unhi, ongui; appoderi, apoderegui, et enayssi de lors compostz.*

*Fenher fay feyshi, coma : yeu me feyshi; tu't feyshist; cel se feysh, feyshem, feyshetz, feyshero. Franher, refranher, affranher, fan : fraysh, refraysh, affrays. Planger, complanher fay : playshi, planguï, complanshi, complanguï.*

*Fi deu hom dire o fezi; tu fist o fezist; cel fe o fetz o fec (e d'aquest fec gayre non uzam); nos fem o fezem; vos fetz o fezetz (pero miels es dig fezetz que fetz; quar fetz sembla la tersa persona d'aquest preterit perfag); cil fero o fezero (e d'aquest fezero no uzam); et enayssi dels sicus compostz : refe, desfe.*

*Fuy, fu e no fozí; tu fust e no fozist; cel fo o foc; foc ha loc vocal seguen e no fo per fugir ad hyat o cant se sec dictios que comensa per t per esquivar liamen enpost, majormen quar adonx lag sona, coma : aytals Sans foc traslalatx a dimenge e no fo; pero miels es que aprop fo ni foc hom no meta dictio que comense per t per fugir al dit vici. Yshamens deu hom dire en lo plural : nos fom et no fozem; vos fos o foretz e no fozetz, ni foetz ni folz.*

Ayssi co havem dos verbs en lati *do* e *dono*, ayssi meteys en romans del primier, coma : yeu *dau*, tu *das*, cel *da*, nos *dam*, vos *datz*, cil *dan*; yeu *dava*, tu *davas*, cel *dava*, nos *davam*, vos *davatz*, cil *davan*; yeu *de*, tu *diest*, cel *dec*, nos *dem*, vos *detz*, cil *dero*; havetz yshamens : yeu *doni*, tu *donas*, cel *dona*, nos *donam*, vos *donatz*, cil *dono*, et cnayssi dels autres temps. Et jassaiyssoque cascus se puesca dire, pero mays es comus le derriers que'l primiers.

Preterit perfrag non ha *suelh* ni infinitiu e deu hom dire : yeu *suelh* o *solí*; tu *sols* o *soles*, cel *sol*.

*Suelh* e *vuelh* non han enperatiu, pero en loc d'enperatiu en lo dig verb *vuelh* o *voli* prendem lo futur del optatiu, coma *vuelhas* o *vulhatz*.

Algun verb son que son defectiu coma *vau*, tu *vas*, cel *va*, e non ha plus exceptat *van*; en totz los autres locz es supplitz per [Fº 175 vº] aquest verb *anar*, lesquels es defectius de la dictios de *vau*. *Iray*, *iras*, es yshamens defectius.

Algun dopto si deu hom dire quan parla en preterit perfrag : yeu *hay fayt* o *fayta bona obra*; per que nos, vistas et entendudas motas e diversas oppinios d'alques et hagut coselh sobre ayssó e pleniera deliberatio, di-



zem que, on que sian pauzat aquest duy mot *hay fayt* ajustadamen o devizidamen, denan *obra* o apres, deu hom gardar genldre, coma : *yeu hay fayt bel libre*, o *bel libre ay fayt*, o *hay bel libre fayt*, o *yeu ay fayta bona obra*, o *bon'obra hay fayta*, o *hay bon'obra fayta*, et enayssi de lors semblans locutios. Pero cant acuzatius no se sec cessan las cauzas sobre dichas, o parle masculis o femenis, coma : *yeu hay legit*, *cantal o parlat*. Aysso non contrastan, deu hom dire : *una bestia d'ome hay vist* e *no vista*, et enayssi a l'avenen, coma : *una fantauma de femna hay vista*, o .I. *diable de femna hay vista* e *no vist*, et enayssi de lors semblans locutios, sian de singular o del plural, de primera, de segonda o de tersa persona, coma : *tu has fayta bon'obra*; *aycel ha legida la lessa*; *nos havem dichas nostras horas*; *vos autri havetz dichas vespras*; *aquil han dichas matinas*. Et aysso meteyshs deu hom entendre del preterit plus que perfag.

Mant home son que dizo qu'om pot dire *dissigui*, *figui* et ayssi meteyshs en las autras personas del singular e del plural e per consequen en granre d'autres temps. Et aysso meteyshs entendatz de las autras dictios lors semblans, quar per aquesta manera es acostumat de dire en Tholoza e fora Tholoza, en diverses locz de Guascuenha, majormen quar Nat de Mons ditz que « us acostumatz escuza fals parlar<sup>1</sup>. » Ad aysso respondem que aytal mot no son pronunciat en Tholoza generalmen per aquels que son natural de Tholosa, mas particularmen per alcus estranhs abitans en Tholoza o per alqus que son natural de Tholoza,

1. Ed. Bernhardt, V, 319-320.

liqua han longamen demorat e demoran e son estat noyrit en Gascuenha o en autres locz particulars on hom pronuncia aytals motz; per que cessa la di [F<sup>o</sup> 176 r<sup>o</sup>] ta razos, majormen quar, pauzat que generalmen hom pronuncies en Tholoza aytals motz e fora Tholoza en alcus locz, encara no abastaria, quar cove que cominalmen per tota una dyocezi sian acostumat de dire aytal mot. E pauzat qu'om diga aytals motz per tota una dyocezi de Guascuenha o per motas, encaras no val, quar en nostres dictatz no prendem lengatge estranh sino en la maniera desus pazada. Et appellam lengatge estranh : frances, engles, espanhol, gasco, lombart, navares, aragones e granre d'autres.

L'autoritat de Nath de Mons pot esser entenduda per quatre principals manieras de parlar acostumat no drechurieramen. La primera en gendre, coma : *Bela flors, bon' amors, clara fons*. La segonda cant hom pauza .I. mot per autre, coma : *si per dishi; va per esta; bona per gran; bos per fortz; ha per es*; o .I. temps per autre, quo fe Nath de Mons can dish : « Quar qui son ver te nec — Lay on dire'l deura<sup>1</sup> » per deu; o .I. cas per autre, coma : *per l'arma ton payre, per de ton payre, o yeu pregui a Dieu que't fassa prozome, per yeu pregui Dieu*; o .I. nombre per autre, coma cant hom ditz ad una persona vos, o qui ditz : *non contrastan las enjurias que m'has faylas, yeu te perdoni*. La tersa, cant hom pauza actiu per passiu, coma : *tot s'adobara, per : tot sera adobat; so qu'era vicis torna ornemens, so es a dire : es tornatz ornemens*. La quarta, cant hom parla sobrefluitat d'un vocable o de

1. Ed. Bernhardt, II, 579.

motz, coma : *que'm vas dizen ? Yeu ho vi de mos huelhs*<sup>1</sup>, jassaiyssoque aytals locutios puescan esser figurativas et enayssi de tropas autras locutios, coma : *refrenatz Bertran, que mal se vol am Duran ; Trops de pecatz e granre de malezas ha fachas aquel, o granre d'omes son que no sabo que's fan*; et enayssi de lors semblans locutios. Et aytals locutios totz homs que vol far bon dictat deu<sup>2</sup> esquivar, jaciayssoque las sostengam can son acostumadas; pero, si per melher maniera eran pazadas, miels seria dig e l'obra reputariam per mays vera.

En lo preterit plus que perfag no troba hom peccas, quar leumen es pronunciatz en una maniera.

Le futurs del dig indicatiu es pronunciatz en di — [Fº 176 vº] versas manieras. Alqu dizo : *yeu amaray*<sup>3</sup> et alqu<sup>4</sup> : *yeu amarey*; et alqu : *yeu amariey*; et alqu : *yeu amare*; *yeu amaray* es miels dig.

### Doctrina del emperatiu<sup>5</sup>.

En la segunda persona singular del enperatiu deu hom dire : *fay, cay, tray, vay, estay*, et enayssi de lors semblans; pot hom yshamens dire *ra* o *ray*, pero miels es dig *ra* per la razo desus dicha; e pot hom dire *digas, dijas, o di* e no *dias*.

Las segondas personas singlars del prezen del in-

1. En marge : *yeu ho vy de mos huelh[s]* (xivº s.).

2. Après *deu* u exponctué (xivº s.).

3. *El* alqu *yeu amarayiey*, barré (xivº s.).

4. Ms. *al* alqu.

5. G. A., II, 394.

peratiu e del sieu futur han regularmen aytals termenatios coma la tersa singulars persona del prezen del indicatiu o cum la una, si motas termenatios ha, coma : *quier* o *quer*, *aquo vay avan* e no *va* ; et enayssi de lors semblans. E dizem regularmen, quar en totz no se sec, coma *aycel ve* ; *vejas tu* ; *veja cel* ; *aycel ha* ; *hajas tu* ; *haja cel*<sup>1</sup> ; *aycel ditz* ; *digas tu* ; *digas cel*<sup>2</sup>.

Las tersas singulars personas del prezen del enperatiu e del sieu futur son aytals coma la primera o la tersa singulars persona del prezen del conjunctiu, coma : *Cel ame* del conjunctiu, *ame cel* del emperatiu.

### **De las peccas del optatiu e de sos temps e de lors semblans e d'alcus autres temps del conjunctiu<sup>3</sup>.**

En la primera, segonda e tersa personas del singular<sup>4</sup> e del plural del prezen del optatiu e del preterit<sup>5</sup> inperfrag del conjunctiu se pecca hom soen dizen : *yeu amessa* per *ames* ; *tu amessas* per *amesses* ; *cel amessa* per *ames* ; *nos amessam* per *amessem* ; *vos amessatz* per *amessetz* ; *cil amariau*, *amessen* et *amerau*, e devon dire : *cil amarian* et *amesso* o *amessan* et *ameran* ; pero miels es dig so que *san*.

Et ayssi meteysh se pecco can dizo : *yeu fossa*, *cel fossa*, *nos fossan*, *vos fossatz* ; quar devon dire : *yeu*

1. Ms. *haias*.

2. Ms. *digas*.

3. G. A., II, 394 sq.

4. Ms. *singulars*.

5. *Del prezen del exponctué*.

*fos, tu fosses, cel fos, nos fossem, vos fossetz*; et en la tersa plural pot hom dire *fosso* o *fossan*.

Encaras se pecca hom en la tersa plural persona del preterit perfag e plus que perfag del<sup>1</sup> optatiu e del preterit plus que perfag del conjunctiu dizen : *cil hagrau* et *hauriau amat*, qar devon dire *hagran* et *haurian amat*. Et en la tersa plural persona d'aquestz temps pot hom dire *haguesso* o *haguessan*, pero miels es dig so que *san*. Et enayssi deu hom entendre de totz lors semblans.

[Fº 177 rº] Le futurs del optatiu e'l prezens del conjunctiu han una meleysha votz; e termeno alqunas velz, en la tersa singular persona, en *a*, coma : *cel fassa, cel diga*; et alqunas velz en *e* semissonan, coma : *cel ame, cel essenhe*; lasquals termenatios pot hom haver no solamen per uzatge, ans o fa per esta doctrina : quar si la tersa plurals persona del prezen del indicatiu termena en *o* et en *an*, coma : *ayno, aman*, li dig temps termeno en la dicha tersa singular persona en *e* semissonan, coma : *aquel ame*, e la tersa del plural en *o* semissonan solamen coma : *per so que t'essenho e te amo, yeu fau aysso*; et enayssi de lors semblans. E si la tersa persona plurals del prezen del indicatiu termena en *o* semissonan solamen, o en *an* ses plus, adonx li dig temps termeno en la dicha persona en *a*, coma : *cil volo; aquel vuelha; cil fan; aquel fassa*; e la tersa plural en *an*, coma : *vuelhan, fassan*; et enayssi de lors semblans; pero aquest verbs *anar* fa *ane* et en lo plural *ano*.

Li verb seguen, en aquesta tersa singular persona

1. *Conjunctiu exponctué.*

del futur del optatiu o del prezen del conjunctiu, termenó en diversas manieras; et aquo meteysh en la tersa plural, coma : *traga, traya*, et enayssi de sos compo[s]tz; *plassa, playa* e no *plaga*; *haja, haya*; *escaja, escaya*; *beva, bega*; *responda, reponga*; *mova, moga*; *mola, molga*; *cola, colga*; *duelha, dolga*; *estrenha, estrenga*; *venha, venga*; *enpenha, enpenga*; *tenha, tenga*; *fenha, fenga*; *perda, perga*; *ponha, ponga*; *onha, onga*; *quiera, querisca*; *conosca, conoga*; *uebra, ubrisca*; *suefra, suffrisca*; *uefra, ufrisca*; *escondiga, escondisca*; *rieja, rigisca*; *espanda, expandisca*; *falha, falthisca*; *umpla, umplisca*; *menta, mentisca*; *exponga, expona*; *apparenga, apparega*; *reda, renda*. E deu hom dire : *vuelha* e no *volga*; *diga* e no *dia*; *franha* e no *franga*; *deja* e no *dega*; *sega* e no *seya* ni *seza*; et enayssi de lors semblans.

Li seguen han tres termenatios *parta, parca, partisca*; *prenha, prenga, prenda*; *reprenha, reprenga, reprenha*; *planga, planja, planha*; et enayssi de lors compostz e de totz los autres lors semblans. Ayssi meteysh podon termenar li dig verb diversamen en la tersa plural persona dels digz temps, coma : *movan, mogan*; *molan, molgan*; *duelhan, dolgan*; et enayssi dels autres. Enpero *plassan* deu hom diré e no *playan* [Fº 177 vº] ni *plagan* e *sega* e no *seyan* ni *sezan*.

Motas vetz es appocopada la tersa singulars persona del futur del optatiu e del prezen del conjunctiu, coma : *ane, an*; *comande, coman*; *demande, deman*; *desmande, desman*; *done, do*; *garde, gard*; *regarde, regard*; e dizem *motas vetz*, quar en totz no se sec; per que en aytal abreuja men deu hom recorre a bon uzatge et acostumat de parlar.

En lo preterit perfag del conjunctiu dizon algu : *hajau amat* e devon dire *hajan*. Et en lo futur del dig conjunctiu : *haurau amat* e devon dire *hauran*.

### Del infinitiu<sup>1</sup>.

L'infinitiu, segon diverses verbs, han diversas termenatios, segon qu'es estat dig lasus. E son algun verb que han diversas termenatios en lo prezen d'aquest mo, coma *seguir, segre; apoderar, apoderir; redre, rendre; resplandir, resplandre; remaner, remandre; produir, produire; escrire, escriure; far, fayre; tener, tenir; vezer, veyre; prendre, prenre; reprendre, rependre, repenre; aprendre, apenre; comprendre, conpenre; penedre, penedir; repenedre, repenedir; querre, querir; requerre, requerir; proferre, proferir; referre, referir; coldre, colre, e no coler; moldre, molre e no moler; toldre, tolre e no toler; doldre, dolre e no doler*; et enayssi de lors compostz e dels autres lors semblans.

Algu<sup>2</sup> dizon que l'infinitiu en *ir* podon termenar en *ire*, et aysso no conte vertat del tot, quar mal seria dig *tenir, tenirre*, et enayssi de sos compostz. Alquin altre<sup>3</sup> dizo lo contrari que l'infinitiu en *ire* podon termenar en *ir*, et aquesta es vertadiera, exceptatz *frirre* e *rirre*, jassiaisso que miels es que *ire* venga de *ir*, coma de mays comu, que pel contrari. Las dichas reglas son vertadieras en los noms<sup>4</sup>, quar paucz noms pot hom

1. G. A., II, 402 sq.

2. N exponctué.

3. Il semble qu'on ait voulu écrire d'abord *autre*; le premier jambage de u a été allongé; de plus l est écrit au-dessus.

4. Ps exponctué.

trobar en *ir* que no puescan far en *ire*, o pel contrari, haven respieg a la forma que li oblic preno del genitiu solamen, coma : *martir*, *martire*; *albire*, *albir*, et enayssi d'autres granre.

Li infinitiu que termenon en *ir* regularmen podon termenar en *ire*, coma : *dire*, *dir*; *languir*, *languire*; *blandir*, *blandire*; *aucir*, *aucire*, et enayssi d'autres granre; pero mays comuna e mays propria es regularmen la termenatio en *ir* que en *ire*. E qui [F° 178 r°] pauza la mays comuna e la mays propria termenatio mays segurs pot estre de son dictat. *Ir* per *anar* es motz gasconils per que'l reproam.

Per so qu'es estat dig del verb e de la pronunciatio de las personas e dels temps e de las autras partz d'oratio no entendem a dire qu'om no pueca trobar alqus autres verbs e' los sobreditz, liqua podon termenar estiers que nos no havem pauzat. Enpero per aquels que havem pauzat se pot hom enformar de la major partida dels autres. Et aquo meteysh entendatz de las autras partz d'oratio dichas e que son a dire, dels quals verbs e de las autras partz d'oratio en aquest cas, so es cant alcus doptes hy endeve, deu hom haver recors a bon lengatge et a acostumat.

### Del adverbí e de sos accidens<sup>1</sup>.

Adverbis es una partz d'oratio lequals regularmen requier esser pauzat ses tol meja denan' lo verb que

1. Sic ms. Lire *que*?

2. G. A., II, 406,

3. *Aprop comme à l'autre registre* (au bas de la page, xvii° s.).



determina; quar ayssi cum le noms abjectius es ajustatz al sustantiu e'l sieu significat declara e determina, coma : *Bertrans es homs savis*, ayssi meteys l'adverbis determina leumen la significatio del verb, coma : *Le doctors lieg subtilmen*; quar algun adverbis requieron esser pausat denan lo verb coma *no fassas*, et alqu requiero esser pausat costa autras partz d'oratio part lo verb, coma : *O Peyres, aquest es plus forts ques aquel*; et es apelatz adverbis que vol aylant dire coma aquel qu'estay pres del verb o costa'l verb; et aysso meteys entendatz del particip.

En l'averbi son trey acciden especial : significatios e figura et especia; la primitiva, coma : *aras, ades*; la derivativa, coma : *fortment, belamen*. Qu'es especia dig es estat.

Las significatios del averbi son logals o temporals, enterrogativas, prohibitivas, negativas, affirmativas, jurativas, optativas, ortativas, remissivas, qualitativas, quantitativas, dubitativas, congregativas, disjunctivas, assemblativas, ordenativas, intensivas, comperativas, superlativas, numerativas, diminutivas, envocativas, responsivas, demostrativas o electivas. Logals, coma : *ayssi, aqui, d'aqui*; *d'aqui enan, lay, delay*; [F<sup>o</sup> 178 v<sup>o</sup>] *say, de say*; *ins, layns*; *dins, dedins*; *fora, la fora, defora*; et alqu dizon *foras, la foras, deforas*. Temporals, coma : *huey, hyer*; *sempraras, ara, aras*; *dema; ades, cempres*; *adonc, adoncas*; *entre, mentre, domentre*; *cant o can*; *lostemps, pusque<sup>1</sup>, pueyshque*. Enterrogativas, coma : *perque?* Prohibitivas, coma : *no*. Negativas, coma : *no, ni, non ges, non pas*. Affirmativas, coma :

1. En marge *puesque*.

*oc, o', ayssi, yshamens, amen*<sup>1</sup>. Jurativas, coma : *certas, veramen, verayamen*, amb *s o ses s*. Optativas, coma : *am mo vol* pres per una dictio, *ara, aras*. Ortativas, coma<sup>2</sup> : *eya, o ara, aras, ora*, jassaiyssoque *ora* apparesca frances. Remissivas, coma : *pauc e pauc, pauc cada pauc, petit e petit, petit cada petit; apenas, a per pauc*. Qualitativas, coma : *belamen, o belamens*, et enayssi de lors semblans. Quantitativas, coma : *mot, pauc, petit, gayre o gayres, gran re, tant quant*. Dubitativas, coma : *beleu, ad aventura, per aventura*. Congrégativas, coma : *es-semps, engalmens, divizidamens, discrelamens, secrelamens*. Assemblativas, coma : *si co, ayssi co, si cum, ayssi cum, cum*, coma. *ayssi coma, quays*. Ordinativas, coma : *apres, sequentre, aprop, enaprop, d'ayssi avan, o d'ayssi enan, d'aquí avan, d'aquí enan, pueysh, pueyshas, pri-mieramen*. Intensivas, coma : *trop fortmen, de tot en tot*. Comparativas, coma : *may o mays, mens, plus o pus, plus fort que*. Superlativas : *sobrefort, sobrefortment*. Numerativas, coma : *una vetz* pres per una dictio, *doas vetz, tres vetz*. Diminutivas, coma : *tantet, pau-quet, petit, cortezamen*<sup>3</sup>, *polidetamen, gentet, adanlet*, et enayssi de lors semblans. Envocativas, coma : *e, o*. Responsivas, coma : *hen*<sup>4</sup>. Demonstrativas, coma : *veus, vet*. Electivas, coma : *uns, may, mays*.

Alqu dopto si approp locutio affirmativa hom deu paubar *ni* et aprop negativa *nulhs o negus* et si *non ges* es us motz o duy; aquo meteysh de *non pas*; auzidas

1. En marge o (xvii<sup>e</sup> s.).

2. Sans doute *yshamen* sans *s*; cf. infra *veramen*.

3. En marge : *eya o ara, aras, ora* (xvii<sup>e</sup> s.).

4. Au bas de la page : « lisez *cortezetamen*, comme à l'autre volume. » (xvii<sup>e</sup> s.).

5. Au bas de la page (xvii<sup>e</sup> s.) : *heu (heus?)*

et entendudas sobre aysso motas et diversas oppinios nos dizem enayssi que *ni* pot hom pauzar aprop locutio negativa os affirmativa e que aprop negatio o quayssh negatio es negatius, coma : *no offendas ton payre ni ta mayre; yeu vali mays* [F° 179 r°] *que tu ni el*. Yshamens pot esser pazats aprop locutio affirmativa et adonx es enterrogatius et affirmatius, quar adonx es pazatz en loc d'aquestas conjunctios *e*, *et*, *o*, coma : *vols pa ni vi?* so es *vols pa o vi?* *o de tot?* soes *pa e vi* tot essem; o enayssi : *has espaza ni lunh arnes?* so es : *has espaza o algun arnes?* *o de tot?* Et algunas veltz ses enterrogatio, coma : *revelar sa riqueza ni sa paubrieyra a tota gent es grans folia*; pero miels es dig *e sa paubriera*, *o sa paubriera*, et pot hom dire que la dita locutios es negativa. Encaras *ni* es de tal natura que ajusta dos nominatius singulars am verb plural, coma : *ni Peyres ni Bertrans no fan re de be*; o enayssi *ni P. ni B. be no fan*. Encaras dizem que aquest adverbis *no*, cant enterroga, es affirmatius, coma : *no sabes tu be que si mal fas mal trobaras?* Quays que diga que si fa be. Dizem yshamens que jassyaysso que nos reputem *nulhs e negus* per affirmatius, segon romans, ayssi be coma *lunhs e degus*, quar uzalges o requier, pero miels es dig *lunhs*, *alqus o degus* que *nulhs o negus*. De *nonges* si es us motz o duy aquo meleysh de *non pas non curam*, quar gran diversitat no'y trobam.

Li adverbis termenat en *en*, de qualque significatio sian, regularmen podon termenar en *s*, coma : *seguramen*, *seguramens*. Et algunas veltz en *t*, coma : *fortment*; e dizem regularmen, quar en totz no se sec, coma : *mantenen*, *encontenen*, *soen*, *gen* et enayssi de lors semblans, losquals hom pot haver per uzatge de parlar.

Algun adverbi son pronunciat a manera de noms, coma : *be, mal, greu, leu, segur, fort, bel*, cossi hom dizia : *be s'esforza, mal greu li sta, leu vendra, segur va, fort crida, bel se porta*; o pot hom dire que son abreu-jat per figuras, coma son aquest : *bona lay vas, bona a tos obs, mala lay vas, mala a tos obs*, so es a dire *bona-men* et *malamen*, et enayssi que *bo* sia abreu-jatz segon alqus de *bonamen*, cant al significat e no cant a la votz, e *mal* de *malamen* cant a la<sup>1</sup> .I. e a l'autre; et enayssi dels autres seguens. Pero nos dizem que *bes* es es us noms per si e sustantius e *be* us adverbis [F° 179 v°] e *bos* es autres noms per si et adjectius, e *bonamens* altres adverbis, coma : *tot: bes li falth; de tot be es dignes; a tot be s'adona; tostemps fa be; en be s'esforza*. Et que sia sustantius appar, quar per si esta en locutio, coma : *bes li venga; qui be'm vol*; majormen quar soen li donam adjectiu, coma : *gran be, bel be*. E que *bos* sia adjectius appar, quar per si no pot estar, si donx no es neutris sustantivat. E enayssi havem dos adverbis : *be*, de *bes*, *bonamen* de *bos*, jassiaysso que la us es soen pauzatz per l'autre, coma : *bonamen no's pot far o be no's pot far*.

Tres especias son en l'averbi : la simpla, coma : *soen, ara*; la composta, coma : *desara, decempres*; la descomposta, coma *descortezamen, perfiechamen*.

### Del particip e de sos accidens. Rubrica'.

Particips es una partz d'oratio laquals es pauzada pel verb del qual naturalmen se deriva. Et es ditz

1. Volz exponctué.

2. G. A., II, 414.

*particips*, quar en partida *participa* am lo verb et en partida am lo nom. *Participar* vol dire *penre part*, quar alcus accidens ha a semblansa del nom, coma gendre, cas, et alqus en semblansa del verb, coma temps e significatio. E pren tant de la .I. quant de l'autre nombre e figura.

Li acciden del particip son .VI. : gendres, cas, temps, significatios, nombres e figura. Del gendre e del cas es estat dig en lo nom e del temps en lo verb, lequals per aquela meteysa manera pot esser ayssi diffinitz. E son trey temps en lo particip : le prezens e'l preteritz e'l futurs. Le prezens regularmen se termina en *ans* o en *ens*, coma *amans*, *legens*. E'l preterit regularmen en *atz*, en *itz*, et en *utz*, coma *amatz*, *legitz*, *cofondutz*; e'l futurs regularmen en *ors*, coma *amadors*, *legidors*.

Segon que tres gendres cossiram en lo verb, havem tres<sup>1</sup> significatios en lo particip, quar d'aquels se deshendo, sos assaber : *activa*, *passiva*, *neutral*. Activa es can se deshen de verb actiu, coma de *amar*, *amans*, *amadors*; passiva can se deshen de verb passiu, coma *amatz*, *amadors*, soes cel que sera *amatz*; neutrals can se deshen de verb neutri, coma *venens*, *venedors*, so es cel que vendra o qu'es a venir.

[Fº 180 rº] Del nombre e de la figura es estat dig en lo nom. E son doas figuras ses plus en lo particip : la simpla, coma *legens*, e la decomposta, coma *negligens*.

1. *Termenalijs exponctué.*

### De la conjunctio e de ses' accidens'.

Conjunctios es una partz d'oratio que unish, ajusta e lia una part d'oratio amb autra, coma : *yeu e tu em frayre*; aquela conjunctios e ajusta lo *yeu* e'l *tu*. O enayssi : *si Bertr̃ans corr, be's mou*; aquesta conjunctios *si* lia lo cors e'l movemen e per so es dicha conjunctios quar conjonh.

L'acciden de la conjunctio son trey : potestatz, figura, ordes. En la conjunctio .VI.<sup>a</sup> potestatz, son regularmen : la copulativa, la disjunctiva, la cauzals, la rationals. Copulativa can copula, so es cant ajusta no solamen los motz, ans o fay lors significatz, e per so ajusta semblans cazes coma ; *P. e G. corro*. Disjunctiva es, quar jassaiysso que'ls motz ajuste, pero desjonh lors significatz e separa<sup>1</sup>, coma : *dias es o nueils?*

Cauzals es aquela que s'ajusta am verb d'indicatiu e demostra lo fag de la cauza ses nessitat<sup>2</sup> de consequencia, coma : *yeu soy savis, quar hay legit*. Et en loc d'esta conjunctio pauza hom soen noms e pronomes am prepozitios, coma : *per que, per so, per amor d'ayssso, per amor d'aquo, per laquel cauza*. Rationals es can collegis so qu'es estat dig am razo e de so qu'es estat dig pauza conclusio, coma : *donx, o doncas*,

1. Sic ms.

2. G. A., II, 416 sq.

3. Ce chiffre n'est pas exact; car il y a cinq *potestatz* en y comprenant l'*expletiva*.

4. Ms. *separara* avec *ra* exponctué (xvii<sup>e</sup> s. ?).

5. Lisez *nessitat* comme à l'autre volume (note du xvii<sup>e</sup> s., au bas de la page).

ayssi, enayssi, enayssi donx o donx enayssi. La expletiva es aquela que's fa mantas vetz per cauza d'ornat e no per cauza de necessitat en lati, coma : *quidem, quoque, vero, autem, enim, etenim*, cossi hom dizia : *P. legit, qui quidem Petrus est bonus clericus*; aquel *quidem* re no'y fa mas qu'es pauzatz per cauza d'ornat; et enayssi de las autras, coma : *Dixit quoque Deus; Petrus vero fortissimus fuit in fide; Maria autem dixit ad angelum*. E per esta maniera nos no l'avem en romans. En altra maniera es preza aquesta conjunctios per necessitat<sup>1</sup>, so es per exprimir<sup>2</sup> pus conplidamen so qu'om ditz, coma : *sivals, que no, mas, enpero, pero, enpero, si que no, estiers, jassaiysso, sos assaber* e lors semblans.

En la conjunctio son doas figuras : la simpla, coma *ayssi, en* [F<sup>o</sup> 180 r<sup>o</sup>] *pero*, la composta, coma : *enayssi, mas enpero*.

Jassaiysso que trey orde sian segon lati, segon romans ne son duy solamen : le prepositius e'l comus; e'l tertz, segon lati, ha nom subjunctiu. Las conjunctios del prepositiu requieron esser pauzadas denan la dictio que s'ajusta coma *e, o, si, sino, ni, que, mas, mas que*. Del comu orde son totas las autras conjunctios, quar son comunas tant al prepositiu orde quant al subjunctiu, coma : *vay a la glieyza, pero torna tost*; aquel *pero* es ara del prepositiu; *vay a la glieysa<sup>3</sup>, torna tost*; *pero* aras es del subjunctiu.

Las dictios seguens son conjunctios : *e, o, jassaiysso, mas, ni, sivals, que no, sos assaber, pero, enpero, mas enpero, que, si, neysh, negueys, entertan, estiers, encara*,

1. En marge *necessital* (xvii<sup>e</sup> s.).

2. Ms. *exprmir*; en marge (main du xvii<sup>e</sup> s.) *exprimir*.

3. Il manque ici *pero* dans le manuscrit.

*mays, can, quoras, quar, perque, sique, cantque, don.*  
 En loc d'estas conjunctios hom pauza motas vetz  
 noms e pronomes am prepositios et adverbis coma :  
*per laqual cauza, per amor d'aquo, per so, per so que,*  
*per tal que, quar, per amor quar.*

En la pronunciatio d'esta conjunctio *e* se pecca  
 hom soen, quar algu<sup>1</sup> dizon *i* per *e*, coma : *yeu fuy a*  
*Sant Jacme hy a Nostra Dona del Puey*, e devon dire *e*,  
 e can vocals se sec *et* am *t* o *z*; aquo meteysh d'esta  
 conjunctio *o*.

Per cauza d'ornat laysha hom algunas vetz aquesta  
 conjunctio *e*, coma : *orar, pregar et amar Dieu es*  
*bona cauza.* Et algunas vetz la laysha hom del tot,  
 coma : *lauzar, amar Dieu deu cascús; P., Johans duy*  
*home so<sup>2</sup>; o enayssi :*

*Honors a Dieu, benedictios, gloria*  
*Sia que'ns do contra tot mal victoria<sup>2</sup>.*

E motas vet[z] hom la pauza per cauza d'ornat e ses  
 necessitat, coma : *E Peyres e Guilhems han legit.* Ayssi  
 meteysh, quar es acostumat, pauza hom aquesta con-  
 junctio *o* motas vetz, coma : *O Gilis o Bertrans canto.*  
 D'aquestas conjunctios e d'autras havem parlat lassus,  
 can tractem del nombre, del nom e del abreuamen de  
 las habitutz comunas, per que abaste so que n'avem  
 ayssi dig.

1. N exponctué.

2. *Peyres, Johans, duy home* exponctué (xiv<sup>e</sup> s.)



### De la prepozitio e de sos accidens<sup>1</sup>.

Prepositios es una partz d'oratio, laquals tostemps es prepauzada a las autras partz d'oratio am lasquals se ajusta per appozitio o per composizio; per appozitio, so es per regimen [F<sup>o</sup> 181 r<sup>o</sup>] o per servir al cas, coma : *Guilhems vay per la carieyra*; per composizio, so es can se compo, coma *descortes*. Et es dicha *prepositios* de *prepauzar*, so es denan pauzar. O pot hom dir que prepositios es una partz d'oratio, laquals prepauzada a las autras partz d'oratio lors significatz complis, muda o merma : complis, coma : *fugir, defugir; falhir, defalhir; par* (verb), *appar; gastar, degastar*; quar *fugir* es simplamen *fugir, defugir* trop fortmen *fugir*, et enayssi dels autres.

Pero aytals complimens de significar en romans non es conogutz, quar hom no conoysh segon romans que mays vuelha dir *trobar* que *atrobar*, *marvir* que *amarvir*, *mostrar* que *demonstrar*, *partir* que *departir*, *ordenar* que *adordenar*, et enayssi de trops autres; per que aquest complimen pot hom prendre en altra manera, so es cant alqus motz non es acostumat de dire ni per se meleysh re no significa entro qu'es ajustatz am prepositio, coma : *mezir, putar, cuzar, petir*; aytal mot re no significo e per complir lor significat hom lor ajusta prepositios coma : *demezir, reputar, escuzar, repetir*, et enayssi de lors semblans. Muda, coma : *curayre, procurayre; estruir, destruir; dir, contradir; cortes, descortes; merma, coma : entrauzir*.

1. G. A., II, 422.

La prepozitios a .I. acciden, sos assaber servir a cas, so es a l'acuzatiu et a l'ablatiu. Aquestas servisho a l'acuzatiu : *a, ves o vas, denan o davan, contra, en-contra, desay, entorn, enviro, fora, entre; dins, dedins; pres, depres; prop, aprop; otra, delay, estiers, fora; sus, desus; de sobre, tro, entro, juxta, costa, detras.*

Las seguens servisso a l'ablatiu : *ab, am, de, ses, senes, en, solz, desoltz, dejos, per denan o per davan;* comunas son aquestas prepozitios seguens seg[on] romans<sup>1</sup> : *denan, per denan, per<sup>a</sup>, en* so que podon servir a l'acuzatiu o l'ablatiu. A l'acuzatiu, coma : *yeu vau per la cariera; yeu estau denan la gleyza; yeu no'm cossenti en vos;* a l'ablatiu, coma : *yeu compari per mo senhor; tot huey<sup>2</sup> hay estat denan lo jutge; yeu estau en mon hostal.* Enpero, segon romans, no qual far differensa quals servo a l'acuzatiu e quals a l'ablatiu. Quar leuimen cascus termena son casual per una maniera en singular et en plural.

Alqunas prepozitios son dichas inseparabblas<sup>3</sup>, so es no separabblas, quar no's separo ni's departo de compositio a fi que puecan [F<sup>o</sup> 181 v<sup>o</sup>] re significar; quar per lor meteyshas re no significo, mas can son en compositio ajudo a significar; e son aquestas : *de, des, re, se, am, con,* coma : *defugir, destemprar, descortes, resemblar, retornar, separar, semenar, sopartir, sovenir* (pero en aquestz dos derriers e se muda en o),

1. Depuis *comunas* jusqu'à *denan* écrit en marge; on de *segon* a été rogné par le relieur.

2. « *En*, qui est à l'autre registre, est oublié ici. » (xvii<sup>e</sup> s., au bas de la page).

3. Ms. *huiey* avec *i* exponctué.

4. Ms. *inseppablas*; en marge : *inseparablas* (xvii<sup>e</sup> s.).

*amparar, amparansa, amduy, conjurar, continuar, contenensa.*

Las dichas dictios, apeladas prepozitios<sup>1</sup>, pauzadas ses casual son adverbis, coma : *yeu estau dedins, tu estas deforas, cel esta depres.*

### De la interjectio<sup>1</sup>.

Interjectios es l'autra part d'oratio. Et ha .I. acciden solamen, sos assaber significatio. Segon los diverses movemens e las affectios d'ome son motas significatios, lasquals significatios hom totas no pot saber, quar no so pronunciadas am votz plana, ans o son be am votz cofuza, non conoguda et extranha.

Per las interjectios conoys hom lo movemen de la pessa e de l'affection d'ome a la manera del pronunciar, si es de gaug, de dolor, de paor o de maravilha.

Entre las autras significatios d'esta interjectio que entre nos podon esser conogudas son .VII. o .VIII., la una significa gaug et' alegrier, l'autra dolor, marri-men e mal saber, l'autra maravilha, l'autra paor o fereza, l'autra escarnimen o trufa, l'autra indignatio et ira, l'autra menassas amb alcun escridamen, l'autra excitatio<sup>2</sup>. Una meteysha interjectios pot haver motas e diveras significatios, coma : *hay*, que pot significar gaug o dolor; *gaug*, coma : *ay ta be m'es vengut*; dolor, coma : *hay las*. Las seguens podon significar gaug : *Oy plenissonans* : *hay*, o *ge*. Gaug significo las seguens

1. Ms. *prepozios*, corrigé en marge *prepozitios* (xviii<sup>e</sup> s.).

2. G. A., I, 426.

3. Ms. *exicatio*.

enterjectios : oy plenissonans : *hay, o ge, oy me, ha, ha ha, ha ha ha, ha han, he he he*. Dolor, marimen o mal saber significo aquestas : *o ge, yey, oy semissonans, oy plenissonans, a, ay*.

Meravilhas significo las seguens : *ha, ha ha, ha ha ha, ha ha ha ha, yoy, o hay, to, so, ho, hohe, ostatic, e*.

Paor significo aquestas : *tata* et aquesta sillaba *ta* ·V· o ·VI· vetz pot hom multiplicar, quar las enterjectios son de tal natura que requiero viacieramen esser pronunciadas, perque cert accen no lor pot [F° 182 r°] hom assignar.

Escarnimen o trufa significo aquestas : *he, hehe, he he he, ha ha, yey, pur*.

Indignatio significo las seguens, coma : *ha, haha, so, to, ostatic, he he plenissonans, ho semissonans*.

Menassas amb escridamen significo las seguens, coma : *ho, hee plenissonans*.

Excitatio significo aquestas : *e*, plenissonans : *io, arri, cho, so*, semissonan. *He* semissonans pot esser exetativa<sup>1</sup> o enterrogativa, pero miellis es qu'om adonc pause *que* enterrogatiu.

\*  
\* \*

[Ici finit le texte des *Lays d'Amors*. Au-dessous on lit, dans la première colonne, les lignes suivantes (main du xvi<sup>e</sup> siècle)<sup>1</sup> :] « Carmina cuncta mea que, hac in arte, juvenili cursu, emissi (*l. emisi*), ad laudem

1. Sic ms.

2. Ce texte a été déjà publié par Chabaneau, *Hist. Gén. Lang.*, éd. Privat, t. X, p. 204; nous reproduisons ci-dessous ses notes.

summy Heloy<sup>1</sup> dixisse fateor; etsi venereo ac infausto dictamine artem lustrasse conatus, misereatur Sidday<sup>2</sup>, ac Mali acta revocet, ne perperam mei teratur animus, Petro de Ruppe<sup>3</sup>, Tholosani, legum licenciati et judicis Ripparie locumtenentis domini senescalli Tholose, cancellarii hujus Jocunde Scientie, ac in illa magistri; qui Spiritum Deo reddidi, anno Domini millesimo V<sup>e</sup> secundo, die xx<sup>a</sup> madii. Creato cancellario egregio viro domino Johanne Chavanhaci<sup>4</sup>, utriusque juris doctore, judice majore Tholose, demum<sup>5</sup>.

#### ARGUMENTUM<sup>6</sup>

Ex Ruppe igitur frondosa quam cernimus, subjecti divinam precamur clementiam ut, que nullo lapsu scissuram passa est, integritate candida, incolumis servetur<sup>7</sup>.

[En haut de la colonne 2 on trouve d'une autre écriture que le texte précédent les lignes qui suivent :]

1. *Elohim* (Dieu).

2. *Schaddai* (le Tout-Puissant).

3. Peire de la Roque, qui avait été lauréat du *Gai Consistoire* dès 1464. [Il fut plusieurs fois lauréat et chancelier du Consistoire de 1480 à 1502. Cf. F. de Gélis. *Histoire critique des Jeux Floraux*, p. 273, 287, 288.]

4. [Sur Jean de Chavagnac, cf. de Gélis, *Histoire critique des Jeux Floraux*, p. 352.]

5. La phrase n'est pas finie.

6. Peut-être était-ce un sujet donné au concours.

7. Le manuscrit porte *SERVET* en caractères plus gros que les autres. Il semble que nous ayons affaire ici à un nom propre qu'on a voulu mettre en relief.

**Dominus Blasius Aurioli<sup>1</sup>, jurium doctor et magister hujus sciencie, fuit electus unus ex VII manutentoribus, anno Verbi nati M<sup>o</sup>V<sup>o</sup>XX<sup>o</sup>, die jovis prima maii, in Consistorio.**

1. [Mainteneur de 1520 à 1541; vice-chancelier en 1539. Cf. de Gélis, *op. laud.*, pp. 275, 281, 352.]

**FIN DU LIVRE III.**









EDOUARD PRIVAT, ÉDITEUR, A TOULOUSE

---

VIENT DE PARAÎTRE :

LES  
**MONUMENTS DE TOULOUSE**

HISTOIRE, ARCHÉOLOGIE, BEAUX-ARTS

PAR

**JULES DE LAHONDÈS**

PRÉSIDENT DE LA SOCIÉTÉ ARCHÉOLOGIQUE DU MIDI DE LA FRANCE

---

Ouvrage renfermant plus de 320 similigravures, dessins et plans de l'auteur.

---

Très important volume in-4° couronne de 549 pages, imprimé sur papier de luxe. — Prix : broché, 40 francs.

Toulouse joua depuis la République romaine un rôle important : chaque période avait vu surgir sur les bords de son fleuve des édifices considérables. Elle est encore justement fière de ses églises romanes et ogivales, de ses logis privés, de ses palais de la Renaissance. Par eux-mêmes, ou par le mobilier artistique qu'ils possèdent encore, ces monuments maintiennent Toulouse parmi les cités les plus intéressantes d'Europe.

On n'avait pas sur ce trésor national le livre rêvé des lettrés qui aiment les œuvres élégantes et belles, l'héritage d'un noble passé.

La Société Archéologique du Midi le demandait souvent au maître vénéré qui la présidait depuis un quart de siècle. M. Jules de Lahondès, cédant aux instances de ses émules et de ses amis, avait écrit son ouvrage quand il mourut en juillet 1914, confiant l'édition à la Maison Privat. Elle a voulu que le volume fût digne de ses propres traditions, de l'auteur et de son magnifique sujet. Pour les illustrations elle fut secondée par tous ceux qui pouvaient contribuer au succès.



THE UNIVERSITY LIBRARY  
UNIVERSITY OF CALIFORNIA, SANTA CRUZ

*459-278*  
This book is due on the last **HOUR** stamped below.

JUL 1 1997

5085651

JUL 29 1997 REC'D  
AUG 29 1997 REC'D

JUL 08 '99

*every 3  
days  
renew - July 11*

JUL 08 1999 REC'D

MAY 29 2002

5060357 nq

JAN 25 2003

50m-8,'65(F628288)2374

UNIVERSITY OF CALIFORNIA, SANTA CRUZ



3 2106 01209 3909

